











FRIDERICO LANTIO DE RUVERE  
EX DUCIBVS POLIMARTH V.P. ARCHIEPISCOPO PETRENSI  
REG. METAVR. PRAESIDI ACADEMIA PISAVRENSIS

Joseph Menabuom del.

Carol Gregorj sculp

LUCERNAE  
FICTILES  
MUSEI  
PASSERI.



Io. Bapt. Pusserius del.

V. F. S.

SUMTIBUS  
ACADEMIAE PISAURENSIS.

PISAURI; M<sup>A</sup>. DCC. XXXIX.

IN AEDIBUS GAVELLIIS  
SUPERIORUM PERMISSU.




- D. Aloisius Vanvitellius Romanus, SS. D. N. Architectus.
- D. Franciscus Montanus, Comes, & Patricius Pisaurensis.
- D. Joannes Hyacinthus Tassinius Marinensis.
- D. Joannes Baptista Marinus Feretranus, Plebis Castri Genisteti, Pisaurensis Dioecesis Archipresbyter.
- D. Franciscus Maggius, Eques D. Stephani, & Florentinae Ecclesiae Metropolitanae Canonicus.
- D. .... Agliata, Eques D. Stephani, Patricius Pisanus.
- D. Pius Lodovicus Garellius Bononiensis, Eques, & S. C. M. Archiater.
- D. .... Vinicellius S. C. M. a Secretis.
- D. Raymundus Santinellius, ex Comitibus Oppidi Metulae, Patricius Pisaurensis.
- D. Joannes Franciscus Ripantius, Patricius Aesinas.
- D. Joannes Gavardinius, Nobilis Pisaurensis, & Serenissimae Annae Mariae Mediceae Viduae Electricis Palatinae per Regionem Metaurensim Patrimonii Procurator.
- D. Vincentius Baviera, Marchio, & Patricius Pisaurensis, & Senogalliensis.
- D. .... Foscarinius, Patricius Venetus, apud SS. D. N. Orator.
- D. Franciscus Rasponius, Patricius Ravennas, SS. D. N. Praelatus Domesticus.
- D. Antonius Franciscus Gorius, in Florentina Academia Historiarum Professor.
- P. Julius Santarellius Pisaurensis, Ordinis Minimorum Ex-Provincialis.
- D. Joannes Vincentius Capponius, Canonicus, & Patricius Florentinus.
- D. Joannes Hieronymus de Pazziis, Eques D. Stephani, & Patricius Florentinus.
- D. Carolus Spinula, Patricius Januensis, SS. D. N. Praelatus Domesticus, atque Apostolicae Camerae Clericus.
- D. Antonius Cocchius Florentinus, Gazae Mediceae Praefectus.
- D. Canillus Piombantius Florentinus.
- D. Silvius Vicentinius, Eques Hierosolymitanus.
- D. Ignatius Cribellius, SS. D. N. Praelatus Domesticus, & apud Serenissimum Coloniae Episcopum, & Electorem Orator.

D. Abas

*D. Abbas Fabbronus, Patricius Pistoriensis.*  
*P. D. Desiderius Ondedeus, Monachus Camaldulensis.*  
*PP. Praepositi Bibliothecae S. Dominici Bononiensis.*  
*D. Paulus Olivazzius Mediolanensis, SS. D. N. Praelatus Domesticus.*  
*D. . . . . Comes Giraud Romanus.*  
*D. Praepositus Bibliotcae Imperialis Romae.*  
*P. Aegidius a Pisauro M. O. R.*  
*D. . . . Archintus Patricius Mediolanensis, Orator SS. Dñi N. ad Magnum Etruriae Ducem.*  
*D. Marchio Locatellius Romanus.*  
*D. Joseph Maria Moricius, Patricius Firmianus.*  
*D. Joannes Maria Dragonius J. C. Mediolanensis.*  
*D. Marcus Antonius Grassius Patricius Romanus.*  
*D. Carpius Corboli Aquilini, Patricius Urbinas.*  
*DD. Thomas, & Nicolaus Pagliarini Romani pro Biblioteca Lugduni Batavorum.*

*F I N I S.*



*Pifauri*

Pisauri Calend. April. 1739.

## IMPRIMATUR.

Quoad Nos , ec.

Jo: Prior Geruntius Pro-Vic. Generalis .

---

CUM , de mandato admodum Reverendi Patris Magistri Archangelii Thomae Ciacchae Sanctae Inquisitionis Vicarii , Librum , cui titulus , *Lucernae Fictiles Musei Pafferii* , aeneis figuris ornatum , viderim , atque attente legerim , nec quicquam in eo , quod Fidei Catholicae , bonisque moribus adversetur , invenerim , quinimo omnia ibidem contenta cum selectarum rerum copia , tum summa , ac peregrina eruditione , non sine virili eloquentia , conspersa , intelleximus , illum sane dignum , ut Typis mandetur , existimo .

Pisauri die 15. Aprilis 1739.

Franciscus Maria Brigi  
Eiusdem Sanctae Inquisitionis Consultor .

---

## IMPRIMATUR.

Fr. Archangelus Thomas Ciacchi Magister , & Vic. S. Off.


ORDO .

O R D O  
PROLEGOMENORUM.

- I. Occasio scribendi.
- II. Collectaneae Lucernarum veterum variae, & de illis judicium.
- III. Lucernarum origo, & antiquitas.
- IV. Lucernae apud Italos quando.
- V. Illarum varia nomina.
- VI. Partes earum praecipuae.
- VII. Lucernae accessoria.
- VIII. Officinae, in quibus formabantur.
- IX. Illarum subscriptiones.
- X. Materia Lucernarum.
- XI. Ratio Lucernas figurandi.
- XII. Qua aetate figurari coepitae.
- XIII. Lucernae sacrae.
- XIV. Festivae.
- XV. Domesticae.
- XVI. Sepulcrales.
- XVII. Ordo totius operis.

F I N I S.

JOANNIS



I.H.D.

V.F.S.

F R I D E R I C O  
LANTIO DE RUVERE V. P.  
ARCHIEPISCOPO PETRENSI  
METAURENSIS PROVINCIAE  
P R A E S I D I

A C A D E M I A P I S A U R E N S I S .



Io Bapt: Passerius del. pris. in m. pass. V.F.S.

Uam *TIBI*, atque uni-  
versae literariae Rei-  
publicae Academia nostra obligaverat fi-  
dem , en solvimus , *VIR PERFE-*  
*Tom. 1.*                   *§ 2*                   *CTIS.*

*CTISSIME. Superiori enim anno, quum  
eruditissimas TIBI Josephi Averanii, in  
Pisano Lyceo Antecessoris, lectiones de  
CHRISTI Servatoris Passione offerre-  
mus, nostras etiam lucubrations tuo No-  
mini inscriptas brevi in lucem nos emissu-  
ros praenunciavimus. Id nunc elegantissi-  
ma, quam vides, veterum Lucernarum edi-  
tione praestamus. Fortasse eruditorum ho-  
minum expectationem praevenimus; at  
votis certe nostris vix fecimus satis; quid  
nanque optabilius esse nobis umquam potuit,  
quam exercitationum nostrarum, quae tuo  
beneficio ubiores fructus in dies promit-  
tunt, partem aliquam cum Republica li-  
teraria communicare, tuorumque egregio-  
rum*

rum in nos meritorum , quorum certe me-  
moriā nulla delebit oblivio , publicum  
aliquod testimonium dare ? Neque vero  
praeclaras tuas laudes oratione persequi  
in animo nobis est ; satis enim illae con-  
stanti fama , atque omnium sermone ce-  
lebrantur ; nam ita natura comparatum  
est , ut ea , ex quibus utilitas maxima  
percipitur , in ore omnium sint , & ad  
caelum usque extollantur . Et sane quis  
tuam non extollit in administranda Re-  
publica solertiam ? quae tanta est , ut  
paucorum annorum spatio , quibus TE  
Metaurenſi Provinciae CLEMENS XII.  
Pont. Max. praeposuit , simultates Civi-  
um , partim occultas , partim apertas

non semel extinxeris ; iniquissimo tempo-  
re uberem comportato undique frumento  
annonam praestiteris ; extraneorum mili-  
tum, qui hanc, proximasque regiones oc-  
cupaverant, licentiam represseris ; pe-  
stilentiam, quae armenta inficere, nec  
opinato, cooperat, magna cura, atque in-  
credibili diligentia averteris ; vix ut tot,  
tantarumque calamitatum, quibus affecti  
fuimus, conqueri nunc jure possimus. Jam  
vero quantum illud est, quod a tuo con-  
gressu, colloquioque nemo minus **TIBI**  
gratus abscedat, sive ea, quae petiit, a  
**TE** impetraverit, sive repulsam tulerit ;  
facit hoc singularis tua comitas, affabi-  
litasque sermonis, qua **TIBI** animos ho-

mi-

minum quam maxime concilias. Quid? non  
ne mirantur omnes eximiam tuam liberali-  
tatem , qua non cives modo , verum exte-  
ros etiam magnificentissime complectaris ?  
Accedit demū , veluti cumulus , quod lauda-  
tissimum hunc vitae cursum a teneris usque  
unguiculis institueris , & per omnes dignita-  
tum gradus , perque amplissimam legatio-  
nem Pontificio nomine apud potentissimum  
Gallorum Regem gestam , sancte , constan-  
terque tenueris . Haec profecto sunt , V. P. ,  
quae palam ante omnium oculos versantur ,  
atque aliis de TE summa cum gloria prae-  
dicanda relinquimus . At illud quidem , quod  
maximum instituti nostri decus est , quan-  
doquidem tuo sub conspectu , imo verius fa-

vore , atque praefidio nostra dudum jacens ,  
ac pene intermortua ad lucem , vitamque  
revocata est Academia , silentio praeterire  
nec possumus , nec debemus ; TE nempe  
admirabili quadam ingenii vi , atque in-  
credibili celeritate de abditis quibusque re-  
bus , & ad puriorem humani , divinique ju-  
ris disciplinam pertinentibus extemplo ac-  
curate , subtiliterque differere ; ac , ne quid  
ornamenti desit , mathematicis apprime  
cognitionibus illustrari , historiam callere  
omnem , in antiquitatis adyta penetrare .  
Neque vero in his tantis animi tui vir-  
tutibus conquiescendum TIBI putas , V.  
P. ; sed , quum probe intelligas in eo si-  
tam esse solidam , veramque Principis

*Viri gloriam , ut optimarum artium vias ci-  
vibus muniat , atque tueatur ; non modo  
literarum studia summis laudibus ornae ,  
Et prosequeris , eosque , qui aliquid in-  
genii afferunt , quaesita eque labore doctrinae  
amicissime amplecteri ; verum etiam le-  
tissimam publico usui parari bibliothecam  
annua stipe adsignata constituisti ; Et , quod  
caput est , ut temporum haec felicitas  
posteritati etiam propagetur , in partem ,  
societatemque curarum splendidissimi Or-  
dinis opportune veniens , juventutis insti-  
tutioni , accersitis optimis dicendi doctori-  
ribus , providentissime consulueristi . Quid  
multa ? hoc ipsum veterum Lucernarum  
opus nonne munificentiae tuae unice ad-*

*scri-*

*scribendum est ? nequaquam enim ope tua  
sine , & auxilio publicam lucem adspexis-  
set ; in quo si quid incrementi , ut con-  
fidimus , antiquaria res capiet , eruditii  
Viri TIBI profecto acceptum referre de-  
bebunt . TIBI illud propterea non ex-  
traneum , sed intra domesticos tuos pa-  
rietes , atque ipsos ante tuos oculos na-  
tum , atque altum , tenue sane munus ,  
devineti tamen animi , demissaeque obser-  
vantiae nostrae argumentum , offerimus ,  
V. P. ; quod ut hilari , laetaque fronte ac-  
cipias , enixis votis rogamus , pariterque  
ut studia nostra , nosque ipsos solita be-  
nevolentia complectaris . Vale .*

CATA.

# CATALOGUS EORUM, QUI SOCIETATI NOMEN DE DERUNT.

- P. D. *Virginius Valsechius Brixianus Congregationis Casinensis, Abbas Monasterii Florentini, atque in Pisano Lyceo Sacrarum Literarum Professor.*
- D. *Annibal de Abatibus Oliverius, Patricius Pisaurensis, & Eugubinus, atque Academiae Pisaurensis a Secretis perpetuo.*
- D. *Joannes Baptista Grazia, Patricius Pisaurensis.*
- D. *Franciscus Bonaninius, Patricius Pisaurensis.*
- D. *Dominicus Jordanius, Eques D. Stephani, Patricius Pisaurensis.*
- D. *Franciscus Maria Brigius, Patricius Pisaurensis.*
- D. *Nicolaus Mancinortius, Abbas, & Marchio, Patricius Anconitanus.*
- D. *Dominicus Arduinius, Marchio, Patricius Pisaurensis.*
- D. *Lodovicus Carandinus, Comes, Patricius Pisaurensis, & Mutinensis, SS. D. N. Praelatus Domesticus, & Reatinæ Urbis Gubernator.*
- D. *Cajetanus Elephantius, Comes, Patricius Ravennas.*
- D. *Fabritius Handedeus, Comes, Patricius Pisaurensis.*
- D. *Guido de Gherardesca, Comes Donoratici, Castaneti, &c. Eques D. Stephanus, Patricius Florentinus.*
- D. *Apostolus Zenius, S. C. M. Poeta, & Historicus.*
- D. *Octavius Bocchius, Nobilis Hadriensis.*
- D. *Ottolinus de Ottolini, Comes, & Patricius Veronensis.*
- D. *Joannes Polenus, Marchio, atque in Patavino Lyceo Matheos Professor.*
- D. *Antonius Savorgnanus, Marchio, ac Venetae Reipublicae Senator.*
- D. *Antonius Niccolinius, Marchio, & Patricius Florentinus.*
- D. *Aloysius Cajetanus, Nobilis Panormitanus.*
- DD. *Praepofiti Bibliothecae SS. Mariae Salutis Venetiis.*
- D. *Antonius Scottus, Comes, Canonicus, & Nobilis Tarvisinus.*
- P. D. *Ferdinandus Guicciolius, Abbas Monasterii Classensis Ravennac.*

- D. Petrus Buccellius, Nobilis Politianus .  
D. .... Petoregius Florentinus .  
D. Franciscus Maria Bellutius, Patricius Pisauensis .  
D. Laurentius Paullius, Comes, Patricius Pisauensis .  
D. Joannes Franciscus Mamianus a Ruvere, Comes, Patricius Pisauensis .  
D. Joannes Carnevalius Mutinensis .  
D. Alexander Faroldius Alberonius, SS. D. N. Praelatus Domesticus, & Lauretanae  
Urbis Gubernator .  
D. Cajetanus Centomannius, Abbas, Neapolitanus .  
DD. Antonius Maria Hyeronimi, & Antonius Maria Alexandri Zanettii, Veneti .  
D. Joseph Smith Anglus .  
D. Joannes Jacobus Rubinius, S. Pisauensis Ecclesiae Archidiaconus .  
D. Petrus Cataneus, Canonicus, & Nobilis Pisauensis .  
D. Joseph de Almericis, Eques Hierosolymitanus, Patricius Pisauensis .  
D. Hyacinthus de Vinciolis, Patricius Perusinus .  
D. Marcellus Franciarinus, J. C., & Patricius Eugubinus .  
D. Rossus de Ricciis, Canonicus, & Patricius Florentinus .  
D. Joannes Pavoluccius, Marchio, Patricius Pisauensis .  
D. Opitius Mazza, Comes, Patricius Pisauensis .  
D. Vincentius Mamianus de Ruvere, Comes Oppidi S. Angelii, Patricius Pisauensis .  
DD. Praepositi Bibliothecae Publicae Eugubinae .  
D. Joannes Geruntius Pisauensis, Prior Ecclesiae S. Cassiani .  
D. Scipio Maffejus, Marchio, & Patricius Veronensis, Regiae Parisiensis Aca-  
demiae Inscriptorum Socius .  
D. Fr. Paulus Alferan, SS. D. N. Praelatus Domesticus, atque Episcopus Melitenis .  
D. Fr. Ferdinandus Ernestus, Liber Baro de Stadl, Eques Hierosolymitanus,  
Bajulus, atque S. C. M. apud Melitenis Ordinis Eminentissimum Magistrum  
Orator .  
D. Fr. Melchior Alferan, Eques Hierosolymitanus, & Prior Aquensis .  
D. Joannes Antonius Ciantar, Comes .

D. Aloy-



JOANNIS BAPTISTAE  
PASSERII J. C.  
IN VETERES LUCERNAS  
PROLEGOMENA, ET  
NOTAE.

I.

UAE identidem ex agro Pisauensi eruuntur egregia antiquitatis monumenta, bonorum Civium ingenia ad ea illustranda vehementer invitant; nihil enim in illis videre est nisi nomina Majorum nostrorum, & dignitates, leges insuper, & mores patrios, quae omnia ita nobis cohaerent, ut quodammodo vitae nostrae partem inscri-

ptam continere videantur. His aetatis nostrae emolumentis respondit Vir pari nobilitate, & doctrina conspicuus Annibal de Abatibus Oliverius Urbis nostrae decus

Toni. I.

a

exi-



## II.

eximium, qui *Marmora Pisaurensia* eruditissimo commentario pro rei majestate illustravit, & promulgavit. Dum vero V. Cl. omnia Patriae monumenta, qua ex autographis excepta, qua ex codicibus fide dignissimis descripta integre edidisse crediderat; sensit tamen magna adhuc parte vel in ipsis privatorum domibus latere, quae publico quodammodo hujus libri praeconio excitata subinde prodierunt; crevitque numerus effossione plurimorum, detecto postmodum Luco sacro Veterum Pisaurensium, blandiente adeo fortuna temporum felicitati, ut jam nostrorum Marmorum partem alteram mole, & eruditione aequalem Cl. Vir moliatur. At Ego Civis optimi, mihi semper amatissimi exemplo succensus, viribus licet longe impar, aliquid splendori patrio cumulare proposueram; neque vero quidquam opportunius mihi occurrere visum est, quam si Lucernas fictiles, quas ex agro Pisauensi defossas collegeram, in lucem proferrem. Quia vero solae Pisauenses vix unico volumini fuissent satis, placuit Coetus Academiae nostrae Consulto Lucernarum peregrinarum, quae in Musaeo meo servantur, accessione opus augere, ut ejus magnitudo Majestati Patriae responderet, quippe qui probe senseramus in ingenti hac Lucernarum serie totum fere corpus antiquitatis posse illustrari, neque semel amplificari. Has ego a prima usque adolescentia Perusiae primum biennio, dein quadriennio Romae summo studio, atque constantia conquisieram. Diuturnis deinde in Umbria, atque Piceno functus Praeturis, plurimas ex his undequaque collegi; omnium autem numerum superarunt, quae proximis annis Amici optimi voti participes compararunt, inter quos merito memorandus est Antonius Rundula Civis Pisauensis utriusque Juris auditor olim meus, nunc vero in Romana Curia causidicus, juvenis egregiae spei, cuius ope duplo fere series ista aucta est, ita ut ad millenarium numerum modo accedat.

## I I.

**S**ane non defuere praeterito saeculo, qui veterum Lucernarum collectiones adornaverint, inter quos Lictus, & Bellorius praestiterunt. At primus totus est in mala causa olei perpetui vindicanda, praeter quam quod recentia miscet antiquis, & profert de thesauro suo nova, & vetera. Alterius vero tabulae alioqui admirandae venustatis non sine reprehensione sunt. Quippe Bartolus illas non ex ipsis autographis, sed ad fidem tumultuarii schematis exaravit, nec pauca, quae minus perspicua forent, de ingenio supplevit, omniaque ad sui characteris leporem efformavit, uti prototyporum, qui ad nos pervenerunt, collatione coiperimus; utque semel Etruscas urnas delineaverat, novi styli pulchritudine captus Romanos milites, atque athletas semper Etrusco more calceavit. Gravius vero peccavit Bellorius in notis, qui nullas ferre nisi sepulcrales Lucernas agnovit, quo errore semel admisso, omnia penitus subverti necesse erat. Sed ii profecto excusandi sunt, nullibi enim hujuscemodi reliquiarum collectio haec tenus facta erat; neque ex illis, quae sparsim, ac singulariter occurribant, integrum rei judicium deduci potuerat. Si quid vero in hoc studio p[ro]ae ceteris profeci, minime quidem ingenio meo, quod sentio quam sit exiguum, sed ingenti huic, atque domesticae collectioni tribuendum est; in qua diurna collatione, atque comparatione multa deprehendi, quae sine hoc subsidio etiam Viros doctissimos latere oportebat.

## I I I.

**L**ucernarum originem, sicuti rerum fere omnium, fabulae nobilitant; nam ex Aegyptiorum traditione putarunt Graeci a Vulcano primum fabrefactas, Palladem indidisse oleum, Prometheum accendisse, ut infra indicabimus. Ergo ne Noe cum tota familia ultra annum inclusus in arca undequaque abstrusus, atque picatus nocte perpetua caligavit? Profecto ii etiam, qui Lucernas

Tom. I.

a ii

antea

## IV.

antea in usu non fuisse contenterent, fateri cogerentur, Deo ipso commonistrante, a Noe tunc excogitatas fuisse. Necessitas ipsa argumento rei est. Fortasse illarum usus apud filios Mitsraim perduravit, quos loci benignitas delicatores effecit, praesertim quum in Aegypto olei loco liquor quidam usurparetur, quem *cicam* vocabant, ut tradit Diodor. Sic. lib. 11.; atque ita vera sunt, quae tradiderunt Euseb. de *Praepar. Evang.* x. 6. & D. Clem. Alex. *Strom.* 1., & Phylo Hebraeus, usum nempe Lucernarum caeteros populos ab Aegyptiis didicisse.

## I V.

**Q**ua aetate in Italia usurpari caeperint, difficile captu est, duobus tamen testimentiis admoneimur illas minime fuisse antiquissimas, Plinii nempe, qui *libro xv. in princip.* ex auctoritate Fenestellae docet sub Tarquinio Prisco nullam in Italia oleam fuisse; & ne putemus peregrino oleo instrui consueuisse, succedit Martialis auctoritas, qui *lib. xiv. Epig. v. 39.* illas penitus a priscis Romanis excludit.

*Nomina candelae nobis antiqua dederunt,  
Non norat parcos unda Lucerna Patres.*

Candelae autem antiquiores paxilli aridi erant, quibus sensim foco admotis tantum luminis excitaretur, quantum rigidioris vitae usus postulabat, excogitatis inde sebaceis, & cereis, quas candelabris cultiori institutione suffigerent. Nullae quoque in Romanorum antiquioribus sepulcris Lucernae occurrunt, quod multiplici experimen-  
to comprobatum est.

De Lucernarum usu apud Etruscos quid proferam nescio. Sepulcra Perusina, & Tudertina Lucernam nullam exhibuerunt, nullamque Etruscam Lucernam, quae Augusti tempora supererat adhuc vidisse memini. At doctissimus Bonarotius illas in Etruscis sepulcris inveniri affirmit. Etiam Phaerocrates Atheniensis poeta, cuius auctoritatem adducit in libro: *Della nazione Etrusca, e degl' Itali Primitivi: libro primo p. 1. n. 21.* nuper vulgato,

Vir

Vir summus, cuius nomine ornari haec scripta gloriō, Scipio Maphejus, Lucernam, quod per pulchra esset, Etrūscam appellat. Floruit Phaerecrates, ut tradit Svidas, sub Alexandro M.; hinc arguere possumus, ante hujus quidem tempora apud Etruscos Lucernarum usum invaluisse, diu vero post Tarquinium Priscum, ignoto adhuc olivae usu in Italia. Puto igitur Lucernas in Thūscorum sepulcris inclinantis jam aevi monumenta esse, cum decim fere saeculorum spatio gentem illam floruisse docuerit idem Cl. Maphaejus.

## V.

**L**ucernae varia nomina pro usu, & diversitate noctae sunt. Fortasse antiquissima illarum apud nos appellatio lampas est, quae ab hebraeo לָפָד emanavit, unde Graeci suum λαμπάδα desumpserunt, quae vox Aegyptiis etiam communis fuit, quibus *Lampon* Saturni stella erat (Solem Vossius interpraetatur), ut habet Chronicon Alexandrinum a splendore dicta, proprie vero latinis Lampades taedae, seu faces sunt, unde Virg. vi.

..... *Et lampada quassans,*  
rursusque libro ix.

*Princeps ardentem conjecit lampada Turnus,*  
usus tamen obtinuit, ut sub hoc nomine etiam Lucerna intelligeretur. Sic Juven. Sat. iii.

..... *Et aenea lampas,*  
quae significatio praecipue invaluit apud scriptores sequioris aevi; hinc illud Matthei c. 25. *Date nobis de Oleo vestro, quia lampades nostrae extinguuntur.* Puto tamen sub lampadum nomine Lucernas penſiles, atque portatu commidas intellexisse, quarum plura exemplaria suppeditant nobis picturae caemeteriales apud Bossium, & Arringhium; de quibus saepe Martyrum acta meminere. *Procedentibus Christi fidelibus cum facibus, & lampadibus;* ut apud eosdem. Nisi forte sub lampadum nomine hic laternae significantur, ait enim Pollux Onomast. l. x. c. 26. *Quam vero nunc Lampada vocant, ea & Laterna dicuntur.*

## VI.

*citur*. Etiam a voce <sup>λύκην</sup> lux processit *lycenus*, a latino vero *luceo*, ut tradit Varro *iv. de ling. lat.*, est *Lucerna*. *Lycnuchus* quoque, sed abusive, appellata est, nam, ut infra demonstrabimus, *Lycnuchus* *Lucernae candelabrum* est, *candela* vero est omne, quod splendet a <sup>πτερ</sup> *chadac* splendere, ut placet Voss. *Ethymol.* Quia vero antiquissimum Italorum luminare paxilli aridi fuerunt, obtinuit illos candelas appellari communicato inde nomine sebaceis, ac caereis, quin etiam, & *Lucernis*, ita *Pollux loc. cit.* *Et candelabrum*, cui *candela*, quae *Lucerna dicta est*, imponitur. Legimus quoque saepius apud Anastas. *Bibl. Phanos*, & *Pharos cantharos*, sed inter Latinos, nec auctorem habuit, neque imitatorem.

## V I.

**L**ucernae partes praecipuae, inferne *crater*, superne *discus*, in antica *nasus*, in postica *ansa*. Craterem plerumque illustrat officinae titulus, caeteroqui fere semper inornatus, & simplex. *Discus*, ut plurimum, concavus est, aliquando aequo lacunari, unde canaliculus in *nasum* influit, crebro incurvus, saepe emblematicus, saepius purus, semper vero *infundibulo* pervius ad oleum in craterem instillandum. Discum ambit *Limbus* suis etiam quandoque parergis decoratus, vel coronamentis, aut sacris ramulis ex penu religionis, vel ex architecturae opibus maeandris, atque echinis. *Nasus* a similitudine dicta est pars *Lucernae* productior, e qua lumen imicat. Hinc sternutare dicebatur *Lucerna* cum purgaretur. Macedon. in Antholog.

*Jam Lucerna charissima ter sternutasti.*

Hanc partem frequenter etiam graeco vocabulo *Myxum* appellabant a <sup>Μυξα</sup>, quae narium emunctio est; Inde *Martialis lib. xiv.*

*Illustrem cum tota meis convivia flammis,*

*Totque geram myxos, una Lucerna vocor.*

Myxis vero *ellycnia*, sive funiculi combustibles inferebantur. Modo stuppea, modo scirpea, de quibus Plin. I.

xxiiii. c. 4., item ex amianto, & papyro, unde adhuc in Etruriā *papilo* appellantur; hinc ab ipsa materia *Papyrus*, *stuppa*, *cycindela*, *phlogmus*, *triallis*. Huc pertinet *acus emundatorius*, de quo fit mentio ab auctore Moreti.

*Admovet his pronum submissa fronte Lucernam,*

*Et producit acu stuppas humore carentes.*

Dependebat autem quandoque e Lucernae latere, ejus enim ansulam perforatam in nonnullis videre est. Specimen ejus damus in tabula praeliminari n. iiii. In plerisque vero exiguo cuidam foramini inter lycnum, & discum inserebatur, ellycnumque, ne proflueret, continebat. Lycnorū in Lucernis numerus pro usu arbitrarius fuit, multiplicato in his, quae ad majorem splendorem pararentur. In Aegyptiis vero, Haebraicis, atque Christianis non sine misterio fuit. Ansae Lucernarum multiformes, & non sine significatione. Plerumque in gyrum abeunt interjecto foramine. Productiores sunt in quibusdam, scutulo triangulari superaddito, ipsoque emblematico, ut firmiusprehensarentur, cubiculares praesertim, atque domesticae, quae profundiore disco conteguntur, ne inter ambulandum, prospiciente ex infundibulo oleo, istud dilaberetur. Sunt quae manubrio penitus careant, Sacrae praecipue, & sepulcrales, quae minus contrectari oportet. Omnium simplicissimae, & magis obviae manubrio quidem carent, sed postica earum pars quodammodo sursum repanda ita assurgit, ut foramine pervia clavicularis recta immissis, suffigi consueisse videatur, qualis est ea, quam protulimus loco citato n. i.. Pensiles, vel triplici ansula fulciuntur, vel unica, quae in disci meditullio consurgit.

## V I I.

**I**NTER accessoria Lucernarum fuerunt quandoque *operculi*, mobiles nempe clypeoli, qui discum ab ambiente pulvere custodirent, e quibus unum tantum tot annorum spatio obtinere mihi datum est; unicum quidem exemplum, sed quo doceamur caeteros periisse. Candelabra Lucernarum fulcra sunt, quae in columellae modum as-

sur-

## VIII.

surgebant. Quum ex creta constarent, unico opere Lucernae adherebant; aerea vero mobilibus Lucernis serviebant. Eorum elatior pars, cui candela inseritur scutella dicitur, vel lanx. Verba Pollucis loc. cit. candelam autem pro Lucerna sumptam fuisse supra indicavimus. Exemplar candelabri videre est in marmoreo anaglyph. mei musaei, quod tabulae praeliminari subjici curavi; alterius vero longe elegantissimi observari potest in Musaeo Etrusco Cl. Gorii, quod per errorem Cortonae defossum indicatur, quippe in agro Tuderte repertum a Dominico Mascio Praesbitero Perusino Cortonam amandatum est, reclamantibus interim Tudertinis antiquitatibus, quas quum publicare instituerim, vindicandas fore duxi. Thymiamaterium fuisse credidit eximus Illustrator, at liceat ab Amico veritatis anquirendae causa in aliqua re, modeste dissentire, ut ajebat doctissimus Salvinius. Omnia in illo candelabri partibus respondent, & moles ipsa usui suffituum reputnat. Alterum non absimile candelabrum nuper in ea Urbe ad D. Philippi repertum est, quod in selecto ornatissimi, atque mei amantissimi Francisci Antonii Domitiani musaeo asservatur. Lucernam vero, quae candelabro superponebatur *stylbam* appellatam tradit Pollux. *Stylba*, quae mihi noctu lumen facit super candelabro. Quae Vox metaphorica est, nam *Stylbon* Aegyptia lingua Mercurii stella est, ut tradit Martianus Capella lib. VIII., & Aristoteles de Mundo. *Lycnuchus* idem fere, ac candelabrum; nam λυκνούχος idem est ac λυκνόφορος *lycnum ferens*, pro ministro aequa, ac pro instrumento usitatum. Talia propemodum erant in Alcinoi caenaculo aurea illa simulacra apud Homer. Odiss. H.

Aurei autem juvenes bene aedificatis in aris  
Stabant ardentes Lampades in manibus tenentes  
Praelucentes per noctes in domibus convivis.

latini vero *Lycnuchum* frequenter pro Lucerna usurpant. Inter Lycnichos computandi sunt *obeliscolygni*, oblonga nempe hastilia, quae elatas Lucernas in usum rei bellicae sustinerent, horum meminit Teopompus Comicus in Pace. Nos vero bona fortuna *obeliscolygnium* permutavimus, & ensem

## IX.

*ensem acutum*. Horum reliquias esse puto aerae quaedam instrumenta, quae Perusiae in Musaeo Montemellinio, & Politiani in Musaeo Buccellio obseruantur. Circulus est, quem unci undique ambiunt ad corneam laternam, ut puto, continendam. Inferne radius prossilit, qui in circuli centro annulum continet, in quo Lucernae axiculus figeretur. Buccula e latere hastili suffigebatur. Lucernis sacris inter sacrificandum accessere cerni, crateres, inquam, in quibus Lucernae disponerentur, ut ex Nicandri Scholiaste in *Alexiph.* refert Argol. in Panuin. de *Lud.* *Circens.* II. Vocis origo satis antiqua est, nam Graecis *κεραμος* vas figulinum est in sacris Cybeles usitatum; Cer-nophorium autem Polluci est saltationis genus, quod fictilibus vasis manu elatis perageretur, fortasse a *υρη* cheres *Testaceus* unde graecum *κεραμιον* fictile. Lucernae aliquando accessit Laterna, theca plerumque cornea, qualumen custodiretur. Plaut. in *Amphit.*

*Quo ambulas, tu qui Vulcanum conclusum in cornu geris?* aliquando aera, imo & aurea. Martial. lib. XIV. ep. 16.

*Dux laterna viae clavis feror aurea flammis,*  
*Et tuta est gremio parva Lucerna meo.*  
 dicta autem non a *latendo*, ut putat Vossius in *lateo*, sed a graeco *καπτηνο*, quod idem audit; Laternam fictilem unicam e C. Caestii pyramide erutam publicavit Bartolus inter ejus sepulchri picturas.

## VIII.

**Q**uale fuerit fictilium Lucernarum officium, sine ingenti illarum collectione vix deprehendi potuisset. Omnium antiquiores, ex quibus tres ex agro Pisaurense erutas asservamus, longe differunt a Romanis, quippe ducta ad rotam argilla thoreumatico opere absolutae sunt. Exemplar alterius ex illis dedimus in tab. praelimin. n. 2. Romanae vero e typo gypseo, sive testaceo prodierunt. Typi isti circa prototypum formabantur; Prototypi vero, praesertim qui cultiores, & operosiores essent, a *Figulis Sigillatoribus* produci solebant. Hujus officii notitiam debent Eruditii omnes solertiae praefati Antonii

## X.

Rundulae , qui multiplici veterum inscriptionum serie Ro-  
mae mihi comparata , inter ceteras hisce studiis oportu-  
nissimam hanc quoque transmittendam curavit ,

D. & M.

AGATOBOLUS. F. L. PYRRUS  
FIGULUS. SIGILLATOR

quam inter peregrinas num. CLIV. recensuit , atque exor-  
navit Cl. Oliverius *Marm. Pif.* Igitur ad hoc officium ,  
quod circa artem sigillariam , & omnia opera , quae pi-  
cturae , atque sculpturae subsidio indigebant , pertinuisse  
puto prototypos Lucernarum , in quarum nonnullis tan-  
ta est stili elegantia , ut non argillam , sed gemmam ali-  
quam sibi proposuisset excolendam artifices illi videantur.  
Omnia praeterea in illis apprime consona sunt cum My-  
thologiae legibus , & veteri fabularum traditione , mori-  
bus , ritibus , atque mysteriis , ut inde credamus vel scitis-  
simos homines ad id officii fuisse adhibitos , vel nihil ni-  
si de Sacerdotum sententia publicasse , ne supellex tam la-  
te patens , & Religioni familiarissima dissidenis a discipli-  
na formis corrumperetur . Animadverti insuper eundem  
Lucernae typum ex pluribus figulinis prodiisse , ut diver-  
sae subscriptiones testabantur , unde argui potest primos ar-  
chetypos , qui tot officinis communes fierent ex distincta  
aliqua taberna prodiisse , in qua venales prostarent , ex  
qua figuli humiliores , qui artis sigillariae rudes solam  
cretam tractabant , gypseos typos proprio nomine inscri-  
ptos compararent . Occurrunt tamen Lucernae plures adeo  
rudi Minerva exaratae , quae ipsius metoplastes sine  
sigillatoris subsidio manum testantur , quae praesertim quar-  
to ineunte saeculo prodierunt , quum artium declinatio  
occasum Urbis jam tum praenunciabat .

## I X.

**U**sum vero subsignandi Lucernas invexit ipsa laudis ambitio, nam sigillato semel typo innumera testularum propagatione figuli nomen longe, lateque diffundebatur; accesserunt compendia lucri, quae ex laude operis figulo quaerebantur. Neutrum vitium condemnamus, qui ex ea diligentia praecipua lumina haurimus. Ad sex fere classes subscriptiones istae referri possunt. Ad primam referenda sunt simplices siglae, seu notae quaedam, quae, quum officinae characteres essent, alioqui illa aetate notissimi, nominum vices supplebant; ex his frequentiores occurunt pampinus, solea equina, pedum vestigia, rosa, orbiculi, obelus, lunula, theta. Secunda classis continet nomina figurorum, aliquando simplicia, quandoque, & praenomini, & cognomini copulata, ut AQUILINI. CORDI. CL. LUPERCALIS. CAI MERC. A. COCC. FEL. C. LUC. MAU. Tertia nomina fundorum, ut in nostris Pisaurensibus ab eruditissimo Oliverio vulgatis.

ACCIANA

P. SATRI. C. F.

CAM.

& in Perusinis ARNE. in Romanis vero C. ICCI. VATIC. Quartae classi adscribenda sunt ipsa officinarum nomina, quae diutissime permansisse conjici potest ex opificio saecula diversa testante. Ad hanc spectant FLAVIA. D. E. D. N. DOMITIA DEDN. RODIA. BASSA. CANINIA, &c. quas quidem officinas vel a restitutione, vel a numero quandoque appellatas fuisse docent exempla C. OPP. RESTIT. CAI. RESTIT. CLODI. RES. P. FABRICII. TERTIA. OPP. QUARTA. Quintus ordo Patronorum nomina continet; aut Caesarum, inter quorum officia lucernarios factores fuisse infra monstrabimus. Hujusmodi sunt ANTONINI. COMMODI. M. JUL. PHILIPPI. ΔΙΟΞΑΙΤ. MAXIM. e Patronis vero.

TINDAR  
PLOT. AUG.  
LIB.

## XII.

Ultimum genus Consulatum monstrat, ex quo unam tantum  
 111. M. Jul. Philippi Consulatu, Millenario Urbis, memorabilem obtinuimus. Urbium nomina nunquam nisi in Christianis occurunt, in quibus breviariis notis quandoque *Romae*, in una tantum *Ravennae* nomen occurrit, nisi ARNE in Perusina Urbis potius quam fundi titulum esse contendamus. Subscriptiones istae quotquot sunt minime in Lucernis singularibus impressas credimus quum prae argillae tenuitate pressionem pati non potuissent, sed sigillato semel typo singulae signatae prodibant. Modus vero typi sigilandi triplex a me animadversus est. Quandoque ferreo currenti stilo s̄cribentium more literae exaratae sunt, quas suis locis ad amissim exprimi curabimus, quum nobis inde exemplum suggeratur vulgaris veterum, & cursivae scripturae. Aliquando non in archetypo, sed in typo confixis literis scripturam extantem, & prossilientem in Lucernis exprimebant, quales fere sunt Aretinae, & Cumanae canaliculo desuper distinctae. Ut plurimum vero signato literis prototypo typus extantes, sed inversas literas retinebat, unde incisae literae in lucernis formatae sunt. Sicut vero scriptura haec non a figulis, sed a sigillatoribus imprimebatur, credibile est ipsos ad id operis minime solidis sigillis usos fuisse, sed compactilibus literis illa pro opportunitate coagmentasse. Duplici arguento conjectura ista firmiter, nam etiam una, & eadem figulina non semper eodem sigillo usita est. Exempla sunt.  
 CLO. SUC. C. CLO. SUC. CAI. CLO. SUC.  
 L. CAE. SAE. L. CAEC. SAE. FLAVIA. D.  
 E. D. N. FLAVIA. D. ET. DEI. N. FLA-  
 VIA. D. ET. D. N. FLAV. ICCI. ICCI. VA-  
 TIC. C. ICCI. VATIC. C. ICCI. CICCI. & mil-  
 le alia. Verum etiam cernere est in quibusdam ex his subscriptionibus literulas aliquas modo a linea subsilientes aliquando obliquatas, nec semel inversas, nempe inconstanti literarum serie, ex quibus signacula ipsa composta erant, ut suis locis indicabimus; Quae quum ita sint mirari non defino, Veteres tam proxime typograficam artem attigisse, imo illam adeo tenuisse, ut integros sen-  
 sus

## XIII.

sus ex compactilibus literis quandoque excusserint , nec tamen ulterius fuisse progressos ; ut gloriam artis , quam primi Romani invenerant , Germania sibi vindicaret .

## X.

**M**ateria Lucernarum universa , fusilis , coctilis , sculptilis . Aeneas Lucernas in musaeis frequentissime intuemur . Aureas , & argenteas legimus tantum apud scriptores . Immo & candelabrum , & gemmis clarissimis , & opere mirabiliter perfectum audimus apud Cicer. in Verrem . Plumbeam unicum vidi Romae , sed pene aevo corruptam . Inter coctiles primum locum obtinent vitreae . Unicam ex his eruditione praecipuam , licet minus integrum , operi praefiximus . Fictiles omnium frequentissimas fecit materia ubique patens , & facilis apparatus ; hinc testam pro Lucerna usurpavit Virg. Georg. i.

..... testa quum ardente videret

*Scintillare oleum , & putres concrescere fungos .*

argillarum vero differentias optime notavit Jo: Smith in Epistola ad Ensiū penes Licet lib. vi. cap. 92. Materia , ut in aliis figlinis , ita in Lucernis quaequae non ejusdem ordinis est . Aliae albicant , nonnullae cretaceae moliores , aliae argillaceae compactiores sunt , aliae perpaucae tamen , caeruleae nigricantes . Plerunque omnes rubricant , aliquae superficie tenus , aliae toto corpore , luto nempe , & argilla ipsa rubente , sed in ipsis paucae saturi , plurimae obscurioris , & fugientis coloris . Est quae afficitu suo tingit , ut creta , alia ut rubrica . Ager Romanus albicantes plerunque protulit ex via Nomentana ; quam e figulinaruim multiplicitate figulensem vocat , Livius lib. iii. Dec. i. Argilla vero Vaticana , cuius fragiles patellas memorat Juven. Satira vi. non sine decore subflavescit subsistente adhuc colore in ejus loci figulinis . His plerunque ad venustatem addita est rubrica , de qua meminit Plin. lib. xxxv. cap. xii. quae dum sincera encaustice illiniretur , omnes aevi , & humiditatis injurias superabat . Adulterina rubrica , sive mavis tinctura taurino glutine illita mi-

## XIV.

minime resistit, & lota decidit.

Plurimae ex his inter thermarum rudera repertae sunt anno 1723. Forosempronii, me tunc illius Civitatis Praefecto, quæ ut primum aqua purgarentur, rubricam diluebant. Cumanae ex argilla rubra compactæ sunt, de qua meminit Martialis lib. 24. Ep. 107.

*Hanc tibi Cumano rubicundam pulvere textam  
Municipem misit casta Sybilla suam.*

Lucernæ Aretinae, & Perusinae ejusdem coloris sunt, plerumque tamen puræ, semperque subscriptæ extantibus litteris. Has ex Ortographiae ratione, & forma litterarum, non ante Augusti tempora extitisse credimus. Ager Pisaurensis suas quoque Lucernas suppeditat ex Fundo Acciano rubrae, & candidæ argillæ feracissimo. Habuerunt Etrusci nigricantem cretam, ex qua omnes fere constant pateræ, & catini in eorum sepulcris frequentissimi. Hujus argillæ venam in agro Urbevetano reperi tradit Bonarrotus ad Dempster, quam tamen ab accolis frustra conquisitam inter deperdita computamus; Argilla enim in agro Urbevetano nigricans obvia est etiam in agro Pisaurensi, præsertim vero in suburbano meo Roncalliensi, ubi hæc scribo, sed igni admota, penitus excandescit, uti experimento facto comperi. Nigrum vero argillæ colorem iidem Etrusci encaustico atramento imitati sunt, ex quibus fere constant insignia eorum vasæ, insuper & Lucernæ quaedam, quas tamen ad Romana tempora referendas puto. Lucernam Aegyptiam unam ex terra nigra produxit Licetus. Geminæ paris materiae & nos suo loco proferemus. Fortasse Phoenicii argillam suam nigricantem habuerunt. In Veterum sepulchris, quæ passim per hanc nostram Senoniæ provinciam effodiuntur libatoria quædam vasæ occurrunt plerumque ferrei coloris, quorum plena sunt Musaea Pisaurensia Arditium, Paullium, & meum. Plura ex his in Oppido Sancti Constantii quinto a Senogallia lapide comparvi, quæ quum inter Etrusca semper computasssem, tandem animadverti esse adventitia. Quippe in uno ex his ignotos quosdam characteres observavi, quorum genus

nus profecto ignorasssem, nisi alterum iisdem characteribus obsignatum vasculum, prolixiore tamen linea, doctissimus Lupius promulgasset ex Musaeo Panormitano Societatis Jesu in ejus *ad titulum Sanctæ Severæ* comentario; unde vehementer suspicor, vasa ista, quæ in hac regione effodiuntur e Phoenicia afferri consueuisse; praesertim quum a modulis Italicis omnino differant, Lucernam vero nullam in hisce sepulchris, in quibus hæc vasa occurunt, invenire datum est haud dubio indicio remotissimæ antiquitatis. Praeter fictiles Lucernas docemur fuisse etiam marmoreas ex Plin. l. xxxvi. cap. 5. *Candido marmore usi sunt e Paro Insula*, quem lapidem coepere *Lychnium appellare*, quoniam ad Lucernas in cuniculis caederetur, ut auctor est Varro.

## X I.

**P**lacuit vero Lucernas exornari, ut quidquid præ manibus habendum esset, vel religionis imaginem aliquam excitaret, vel veterem historiam repraesentaret, & nihil esset sine documento. Hinc studium universæ supellestilis sigillandæ, & luxus vasculorum, quibus non esset gratia nisi emblematicis. Quin etiam tegulæ, & lateres ex area caeramica non sine symbolis, & epigraphe prodierunt, quibus testimoniis fictilia Pisauensia, etiam terra marique transiecta per Aemiliam, atque Picenum indubitanter recognoscimus. Inde arguere fas est quanta foret eorum temporum & civilis cultura, & morum elegantia, praesertim vero providentia futuri, quum nihil inornatum, & sine instruzione tractaretur; nihil demum transmitteretur posteris, quod historiae vicem non suppleret. Potissimum vero inter cetera Lucernis cultus iste congruebat, quippe quae & usu, & dignitate in toto opere caeramico primum locum obtinebant; illae enim & sacris mysteriis intererant, laetitiaque cum publicae tum pri. vatae administræ erant, nocturna hominum studia confovebant, defunctos demum sequebantur in funere, confiae somni aeternalis, & sociae sepulturae. Propterea non

## XVI.

non est cur miremur tantam in illis signandis curam adhibitam , ut nihil temere in iis obrepserit , neque frustra profundiora mythologiae arcana in ipsis meditamus , quum ad integrum hominum vitam participandam formarentur . Hinc profecto patet quanti deinceps facienda sit classis ista monumentorum , quae tantam eruditionis frugem praeseferat , ut vel ipsa una totam antiquitatis scientiam , si cetera cuncta deessent , posse restaurare videatur .

## XII.

**L**ucernas antiquiores sine ullo ornatu observavimus ; nondum sculpturae luxu ad omnia evulgato . Quae vero aevo Augusteo formatae sunt , subscriptione tantum commendantur , ceterae inornatae . Anaglypha , quotquot sunt Augusto posteriora , incunctanter dijudicamus . Subscripta Caesarum nomina , spectacula item ac pompa , quas scimus sub ipsis celebratas , peregrini ritus , qui non nisi sero inventi sunt , denique ceterarum cum ipsis , & moduli , & stili similitudo , identitas officinae , eadem parerga eodem prorsus signaculo in pluribus impressa , ipse denique color , & mille hujusmodi argumenta sententiam nostram confirmant . Ipse quoque modus artificii temporum inclinationem imitatur , luxuriat quippe in officinis Flaviorum , & Antoninorum , decrescit sub Philippis , & nullus jam decor est in Maximianeis . Quidquid subsequitur occupat classis Christianarum , de qua pecularibus prolegomenis ultimo operis tomo agendum erit . Quapropter si aetatem perpendamus , qua Lucernae figurari consueverunt , non ultra tria saecula Romae constitisse arguemus .

## XIII.

**L**ucernæ quatuor primariis usibus responderunt , *Sacer*o , *Publico* , *Domestico* , *Sepulcrali* . Lucernas in templis sacras , & in plerisque sacrificiis Scriptores frequenter memorant . Pol. lib. 34. c. 3. *Placuere , & lyeunuchi pen-*

*pensiles in delubris, aut arborum modo mala ferentium lu-  
centes, qualis est in templo Apollinis Palatini, quem Ale-  
xander M. in Thebarum expugnatione captum in Cyme de-  
dicaverat eidem Deo. Transiit deinde ars ubique locorum  
vulgo ad effigies Deorum. Juvenalis quoque Jovis, & La-  
rium sacra commemorans Sat. 12.*

*Cuncta nitent, longos erexit Janua ramos,  
Et matutinis operitur festa lucernis.*

& Senec. de Vit. Beat. cap. 27. *Laurum linteatus senex,*  
& medio lucernam die proferens. Inter Ecclesiae Patres D.  
Hieron. in Isaiam cap. 16. *Tutelae simulacrum cereis vene-  
rans, & lucernis.* Tertullianus etiam frequenter in *Apo-  
loget.* & alii passim. Lucernam pariter ex auro per an-  
num ardente in templo Palladis observavit Pausan. lib. 1.  
Plurimas ex iis cum inscripta dedicatione videre est apud  
Licetum, & Bartolum aereas omnes, nec defuere ficti-  
les simili epigraphe insignes, quales eae, quae proximis  
annis ex agro Tudertino erutae sunt inter rudera templi  
*Herculis Azonii*, quem celeberrimum fuisse donaria ibi re-  
perta testata sunt. Votiva in Templis munera Lucerna-  
rum memorant similiter plura marmora, inter quae Gru-  
terianum p. lxxvii. n. 3. Immo a lampadum accensione  
plura apud veteres festa denominata sunt, ut ea, quae in  
Promethei, Vulcani, & Minervae honorem instituta erant  
quae *λαμπτηρια* vocabantur, ut ex Scholia Aristophanis *in Ranis*. *λαμπτηρια* quoque vendemiis exactis continuis lum-  
inaribus in honorem Bacchi peragebantur, ut tradit Paus.  
*in Arcadic.*, qui inde Bacchum *Lampterium* vocatum di-  
cit, dictum etiam *Lichniten*, qualem vocat Orpheus *in ejus hymno*, cuius nominis ethimon confirmat quoque Plu-  
tarc. *de Iside, & Osiride*. Occurrunt praeterea apud Scri-  
ptores festa alia, quae a multiplici lampadum accensione  
*λαμπτευχος ημερα, λαμπροφορια & λαμπαδοφορια* vocabantur.  
Quin & Aegyptiis fuit sua *λυκνωσαυτια* accensis stata die  
per totam Aegyptum Lucernis, ut narrat Herodot. Lib. 11.  
Nec vero ab istis moribus Romani nostri abstinuerunt  
adscitis nocturnis Eleusinis, & Bacchanalibus. Ad haec  
postrema pertinere puto obvium illud Lucernarum genus,

## XVIII.

in quarum disco corona pampinea observatur , additis in quibusdam geminis tigribus ad cantharum potentibus , ex quibus fere quinquaginta ostenduntur in meo Museo . Has ad aream Bacchanalem , quae ad D. Agnetis etiam nunc restat , illuminandam adhibitas esse puto , ceteraque hujusmodi impietatum theatra , quae multa Romae erant . Nec festa tantum a Lucernis denominata puto , sed pleraque etiam loca Religionis . Mitto lucos , quos a luce dictos nonnulli autumarunt , melius enim ethimon ejus vocis prodidit Oliverius meus in suo de Luco sacro veterum Pisaurenium libro , propediem edituro . Fanum certe a φαρός *splendidus* , & lucens dicitur a φανη illuxit , unde *Phaeton* Sol vocatus est in samothracum mysteriis , & in Homeri hymno in Solem . Delubrum quoque , nisi valde erro , non a diluendo dictum est , sed a δάκος antiquato apud Graecos verbo , quo *Lucernam* significabant ; quo tamen Orpheus in hymno Noctis usus est , Νυκτὸς δυμιάμα δάκος , *Noctis thymama Lucernae* ; δάκος vero omnino est a πᾶται *dalach* accendere . Sicuti vero a candela candelabrum dictum est , ita a *Dalis* Delubrum , quod in eo *Dali* reponerentur . Dali vero apud Latinos sunt ipsae veterum candelae , sive paxilli ardentes , qui Lucernae vicem ante usum olei obtinebant , ut auctor est Papias apud Onomaстicon Laurentianum , conversa inde A in E , quod in dialecto Jonico frequenter observatur . Usum denique Lucernarum in veterum sacrificiis evincit Lex 12. Cod. de Paganor. sacrif. Nullus omnino ex quolibet genere , ordine , & caetu secretiore piaculo Larrem igne , mero Genium , Penates odore veneratus , accendat lumina , imponat thura , serta suspendat . Constat igitur sacras Lucernas frequentissimas fuisse apud antiquos . Sed quonam pacto a ceteris distinguantur definire non audeo . Certe cum usus invaluerit *Tutelas lucernis venerari* , ut ait D. Hieronymus , nempe privatis laribus Lucernas accendere , placuit Deorum imagines ipsis lucernis imprime , ut eaedem & simulacri vicem , & ignis sacri modico apparatu fungerentur . Diu dubitavi possent ne inter sepulcrales censi , quae Deorum imagines referunt , quum istas ab horrore funerum inviolatas esse voluerint , ut il-

las ,

las, ne funeris aspectu polluerentur, operire consueverint; & nefas fuerit Pontifices cadaver aspicere, funereasque tybias audire. Uſus tamen contrarium docuit, quum deorum imagines quandoque in sarcophagis insculptae reperiantur, unde admonemur vel disciplinam illam non diu mansisse, vel peregrinis moribus immutatam. Inter sacras Lucernas referendae sunt *Augurales*; ex quarum flammulis auspicia captari solebant. Includebantur haec stabili cuidam *Laternae*, in qua pateret antrosum fenestra, superne vero versatili craterē tegeretur. De hac Plutarc. *quaest. 72.* Quum Augurum, quos ante *Haruspices* vocabant laternas semper esse apertas voluerunt, atque operculo nunquam tegi. Ejus effigies, fortasse adhuc ignota, patet ex marmoreo anaglypho mei Musei, recens eruto Pisauri in Cella Vinaria Marini Ciacchae, quod rei antiquariae incremento in praeliminari tabula excudendum curavimus. In eo quippe duo singulariter ad rem lucernariam conferunt, *laterna* auguralis aediculae, quam columnae suffulciunt, inclusa, & candelabrum ex praelongo hastili compactum, cui *Lucerna* (*stilba*) superlucet; utrumque vero una cum cane ululante ad disciplinam auguralem pertinet. Insigne hoc monumentum ad Augurum collegium pertinuit quod auguratoriorum vocabant ut ex *Doniana inscriptione class.* v. 145. & Reines: *class. vi.* 35.

## XIV.

**F**estivas Lucernas nemo fortasse recentiorum observavit, quum alioqui major Lucernarum pars ad hoc genus pertineat; quantas enim ex illis unica tantum vice paratas credamus, quum theatra amphitheatra, templa, fora, viae, januae, fenestrae denique omnes innumerae Urbis illuminatae sunt; & quidem celebritas toties recurrebat quum felix Reipublicae eventus laetitiam publicaret. Testimonia, quae e scriptoribus excerptissimus ad hunc usum comprobandum successiva plurium saeculorum consuetudine non erit abs re coram afferre. Ait Plutarc. in *Cicerone post profligatam Catilinae conjuratio-*

*Tom. I.*

c 2

nem

## XX.

nem Patrem Patriae appellatum , qua oportunitate , viae crebris lampadibus , atque facibus , quas accenderant prae foribus collucebant . Refert etiam Sveton. in Caesare ascen- disse eum Capitolium ad lumina , quadraginta elephantis lycnuchos gestantibus . Tradit quoque Dio Neronis re- ditu laetitiae , & honoris caussa Urbem repletam fuisse Lu- cernis , & festa fronde , nec non suffitibus . Et Xiphilin. l. xxxxi i i. Nero ascendit in Capitolium tota Urbe corona- ta , lychnisque plena . De Domitiano haec habet idem Sve- ton. c. 4. Venationes , gladiatoresque , & noctibus ad lyc- nos , nec virorum modo pugnas , sed & feminarum aedidit . Thermas etiam illas in modum Provinciarum extructas , ut ait Tertul. , quandoque illuminatas recenset Lamprid. in A- lex. Sever. 24. Addidit & oleum luminibus thermarum , quum antea non ante auroram paterent , & ante solis occasum clau- derentur . Luxum publicarum circa eadem tempora illu- minationum saepe carpit Tertul. in Apologetico . Cur- die laeto non laureis postes obumbramus , nec Lucernis diem infringimus ... Quam elatissimis , & clarissimis Lucernis vesti- bula obnubilabant . Et ad Uxorem . At nunc luceant ta- bernae , & januae nostrae ... Procedit Mulier de janua lucernata , & laureata . Sub M. Julio Philippo tribus con- tinuis diebus , ac noctibus Millenarium Urbis celebratum est tanto Lucernarum apparatu , ut dies nunquam deficere videretur , aequato per noctem Lucernarum ope splendore solis , ut scribit Capitolinus . Immo ex multitudine Lucernarum theatrum Pompeii ea occasione conflagrasse affirmant . Su- perstites adhuc Lucernae , quae M. Julii Philippi nomi- ne , & i i i. Consulatu signatae sunt , verba Capitolini con- firmant ; plurima enim & sacra , & spectacula , quae ea occasione celebrata sunt , in eis referuntur . In publicis istis solemnibus ad numerum Lucernarum continendum non satis visae sunt aedes Urbis , mutuato a Graecis invento solida- rum arborum erigendarum , unde pomorum vice Lucer- nae dependerent . Hujusmodi aeream arborem memorat Athen. lib. xv. 19. extitisse in Curia Tarentina a Dio- nysio juniore dedicatam , cui tot Lampades essent , quae dierum anni numerum aequarent . Alteram similem in tem- plo

## XXI.

plo Apollinis Palatini narrat Plinius l. xxxiv. c. 3. supra memoratus, ad cuius similitudinem aliae Romae fieri consueisse subdit. Harum arborum meminit Martial. l. x. Ep. 6.

*Quando erit ille dies, quo campus, & arbor, & omnis  
Lucebit Latia culta fenestra nuru?*

& Prudent. contr. Symac. l. 11.

*Et quae fumiferas arbor vittata Lucernas  
Sustinuit, cedit ultrici succisa bipenni.*

qui tamen fortasse de sacris intellexit. Lucernae istae festivae facili negotio a ceteris dignoscuntur, vel ab ipsis met symbolis publicae letitiae respondentibus, vel etiam ab eadem forma usui accommodata, illae enim, quae aedium abacis, ac fenestrarum imponi solebant, nullo manubrio praeditae sunt, sed plerumque in postica ita complanatae, ut muro facile adhaererent, firmiusque consisterent, quarum exempla videnda sunt tab. praelim. n. iv. & v. Quas vero psiis arboribus, sive aequioribus muris suffigi claviculo oporteret, illae manubrio pariter carent; sed postica illarum sursum repanda foramine pervia est, quales supra §. vi. descripsimus, & quarum unam dicta tab. num. i. delineandam curavimus. Lucernae istae, quae in usum publicae laetitiae addictae essent, praesertim vero quae ad aedes publicas illuminandas effingebantur, prodierunt ut plurimum e peculiaribus officinis, quae inter officia domus Augustae censebantur. Duplici ratione conjecturam fulsimus, usu nempe ipso frequenti innumerabilium Lucernarum illuminandarum quocunque die laeto, sive Victoriae, sive Pacis, sive Nuptiarum, sive Adoptionum, sive adventuum Imperatorum; aut cum ad id fastigium ascenderent, aut ad illud Consortes adscirent; cum denique e vivis migrarent: nec enim credibile est, hanc supellestilem, quae tanto usui esset, singillatim aliunde expeditam, quum omnia prorsus obsequia Imperatoribus per libertos exhibita fuisset sentiamus. Accedit tandem ipsa subscriptio figlinarum, quae illas ad Domum Augustam spectasse manifestissime evincit. ut. A. A. A. A. NN. AUG. ANTONINI. ANTO. AU. COMMOD.

## XXII.

MOD. TERTIA ΔΙΟΚΛΙΤ. DOMITIA. D. ET. D. N.  
 FLAVIA. D. E. D. N. FLAVIA. D. ET. DEI. N.  
 FLAV. FLAVI. M. IVI. PHIL. COS. III. MAX.  
 MAXIM. PROB. PROBI. SEVERI. TITI.  
 TINDAR. PLOT. AUG. LIB. TRAIANI. rursus  
 haec graeca, licet minus integra

Γ. .... PM.

.... IOY.

CEBAC.

aliaeque plures, quae operis decursu oportune memo-  
 rabuntur.

## X V.

**D**omesticas vero Lucernas vocamus, quas pro fa-  
 miliari usu quisque sibi comparabat. Has ab orna-  
 mentis definire ardua res est, quippe nulla emblemata  
 talis usus respuebat, non triumphalia, non amphitheatra-  
 lia, non ludicra; denique non ipsae Deorum imagines  
 a Lucernis familiaribus abhorruerunt pro superstitione, &  
 instituto privatorum. Triplicis vero speciei in privata do-  
 mo fuerunt Lucernae fictiles. *Mobiles*, *pensiles*, & *candela-  
 bra*; *Mobiles*, ut opinor, unico tantum argumento a ce-  
 teris distinguuntur, reliquae ambiguis; manubrii nempe  
 forma praelonga, sursumque patula, qua firmius prehen-  
 sarentur. Ea tamen quandoque parergi loco est, ut in  
 pensilibus sacris. *Pensiles* e camera dependebant ad fre-  
 quentata magis cubicula, & caenacula illuminanda: Ita  
 Virg. de Caenaculo Didonis.

.... *Dependent lychni laquearibus aureis  
 Incensi.*

& Petron. in *Satyr.* Etiam *Lucerna bilychnis* de camera  
 dependebat. Ubi Scholia festes. *Candelabororum* in coenis nul-  
 lus usus fuit. *Noctis tenebras* *Lucernis pensilibus* depellebant.  
*Candelabra* in usu rei sacrae potissimum fuisse puto, cum  
 plerumque in sensu religionis videam fuisse memorata.  
 Ipsam vero *Lucernam* super *candelabrum* attolli non si-  
 ne religione fuit, sicut flamnam in sacris, elevato pro  
 Deo-

Deorum magnitudine altari. Sed doméstico usui aliquando addicta puto, fortasse olim neque lectum, aut scriptum fuit sine candelabrorum famulatu; quum vero humanis usibus deservirent, non candelabra, sed communius lychnuchos vocaverunt, ut suum sibi prae artificio jucundissimum appellavit Cic. *ad Q. Fratr.* 336. Ad hoc genus referendae sunt Lucernae illae canaliculo intrinsecus perviae, quae ligneo hastili transadigerentur, quaeque pro opportunitate deprimi, atque attolli potuissent; ex quibus una est in Museo Kircheriano, altera in meo. Lucernam fictilem omnium maximam videre est Pisauri in Museo Arditio, quippe quae sesquipedalis est; huic vero mole secundam in meo, quam ex avito penu depromptam Comes Fabricius ex clarissima Hondedeiorum familia ea, qua pollet, humanitate Museo meo cumulavit. Nempe ubi luculentiori splendore opus esset istas (forte lampades) adhibuerunt; earumque usus fortasse fuit in illuminandis vestibulis, Templorum acroteriis, theatris, & thermis. Inter domésticas censentur quoque, quas meretricias vocant ultimam saeculi impudentiam redolentes, in quibus monstra libidinum, & furias impias retulerunt. Utinam sola Lupanaria haec probra ceramicae cognovissent, neque invasissent domorum castitatem, & ipsum horrorem religionis in templis ipsis contaminassent; quod apud Romanos plerique Ecclesiae Patres reprehenderunt, apud Graecos vero ipse Aristoteles *Politico*. *lib. 7. in fine.*

## X V I.

**R** Eligio Lucernarum ex eodem fere fonte, quo sacer ignis in altaribus, emanavit, idem enim in omnibus elementum, semperque sacrum. Ut vero Larem igne propitiandum putabant, ita Geniis, seu Manibus defunctorum Lucernae flamma litaverunt. Haec vero superstítio nondum sepulcra invasit, donec ex mortuorum omnium animis Deos fieri creditum est; neque propterea ab hoc cultus genere alienos. Julii Caesaris primum, dein

## XXIV.

dein ceterorum Augustorum, Augustarumque Apotheoses hisce deliriis exemplum, atque rationem suppeditarunt. Rem ex professo prosequemur, ubi de sepulcralibus Lucernis sermo erit. Id vero omnino notandum est, ante ea tempora nullam apud Italos, quod sciam, Lucernam in sepulcro positam, nempe nondum publicata divinitate. Diuturnam in hac adhibui solertiam, neque uspiam de veteri sepulcro rumorem audivi, quin de Lucernis percontarer. Senoniae antiquissima supra recensui; & de Romanis antiquioribus saepe mentionem feci. Etrusca quoque Perusinorum sine Lucernis detecta sunt, & sine illarum ulla in dies eruuntur in agro Tudertino, praesertim vero circa Tyberim, omnia accuratissime perscrutante toties memorando Jovannellio, qui nec sumptui, nec labori pepercit unquam, ut patria monumenta a tenebris vindicaret. Detectis ibi postremis annis vi fluminis omnia vastantis arculis lateritiis, quarum tegulae antiquioribus latinis litteris ad etruscam formam accendentibus insculptae, defunctorum nomina continebant, paterae, & vascula plurima circa occurserunt, at nulla Lucerna; nulla quoque in ejus aevi sepulcreto, quod Dominici Patris mei aetate effossum est apud Eugubium Avorum meorum Patriam, mihiique semper venerabilem. Agrum integrum ad D. Mariae *della Piaggiuola* interne sepulcra occupabant. Immanes ollae officulis plenae totidem familiarum sepulcra erant; multiplex circumquaque supellex fictilis ampullarum, & patellarum, & vasculorum omnigenorum; mirum tamen Lucernam nullam ibi occurrisse. Quas vero ubique locorum invenire datum ex iis est, eas vel Augusto coaevas, aut recentiores esse indicavimus. Cur vero tam ingens circa posteriora sepulcra Lucernarum numerus inveniatur, in promptu caussa est, quod nempe sepulcro semel illatas piaculo foret inde transferri, & in usum hominum restitui, ut habemus in leg. si quis sepulcrum ff. de sepulc. violat. quod in sepulcris hostium P. R. vetitum non erat, quae impune diripi posse permisit lex sepulcra hostium 4. eod. tit. Lege etiam Gordiani Augusti sanciebatur, res religioni destinatas, qui nim-

nimmo jam religionis effectas scientes qui contigissent, & distrahere non dubitassent, laesae religionis crimine adstringi, ut in lege *res religioni*, *Cod. de Sepul. Violat.* Idem decrevit lex i. ff. *ad leg. Jul. peculat.* de pecunia, quae de sepulcro auferretur, quam ex hominum commercio eliminandam tradit *Philostrat. de Vit. Apollon. lib. vii.* Auxerunt numerum Lucernarum in tumulis mortuorum annua solemnia parentalium, ac februorum, in quibus Lucernas excitari solere trita res est, quum id, praeter Scriptores, ipsa quoque marmora, & leges sepulcrales testentur. Quinimmo *alternis mensibus lucernam accendi quandoque mandatum esse legimus in leg. Maevia 44. ff. de manumiss. testam.* Ulterius etiam hanc in mortuos assentationem progressam scimus, addicto eorum monumentis servo stationario in perpetuam custodiam, de quo mentio est in leg. 18. §. 4. ff. *de alim. leg.* cuius munus esset custodire sepulcrum, & Lucernas accendere. Quum igitur tam frequens fuerit in illis Lucernarum accensio, neque inde haec transferri solerent, clare patet, unde earum numeras ita excreverit. Auget pretium fictilium lychnorum, eos non modo in humiliorum sepulcris fuisse adhibitos, verum etiam in Optimatum admissos, cuius instituti causa fuit, ut terrae commissa corpora vasa ex terra comitarentur, sive religio hoc induxisset, sive majorum imitatio, quorum frugalem vitam tantum post funera aemulari placuisset. Quibus de causis *sese multi post mortem fictilibus dolis condi maluere*, ut tradit Plin. I. 35. cap. 12. Accessit in causa, ne pretiosior supellex latrociniis, & direptionibus pateret. At ipsa necessitas omnium potissima causa fuit fictiles adhiberi, nam quum ingentes illae sepulcrorum moles illuminari oporteret, ardua res erat pretiosiores tanto numero comparare, excoxitata arte argillae insculpendae, quae artificio materiam compensabat. Hinc tam fraequens in Lucernis symbolum Caesareae apotheosis Aquila, Pavo, Luna, Rogus, Victoriae clipeos supra Rogum attollentes, Caesarumque imagines ab aquila elatae. Fateor tamen, & in privatis sepulcris symbola haec ambitiosae mortis reperiri,

## XXVI.

nempe adscitis jam animabus omnium in Deos , ut inuit Noris *Caenotaph. Pisan.* diss. III. cap. 4.

## X V I I.

**L**Icet vero Lucernae omnes in sacras , publicas , domesticas , & sepulcrales aptissime partiantur , difficile propemodum est , suis quasque classibus assignare , si tamen paucas excipias , quas singillatim in notis innuemus ; Lucernae quippe sacrae & domi adhibitae sunt , & propalam etiam in ipsis laetitiae solemnibus , demum & in sepulcris , in quibus aut tutelarium Deorum imagines , aut proprietam institutorum simulacra , militaria interim , vel civilia ea forent , seria ne , an ludicra , commigrasse vidimus , adscitis symbolis e Templo , Foro , Laribusque Domesticis , atque illis pro ambitione usurpati ; Ut vero aliquem nobis ordinem proponeremus , qui constanter seriem totam complecti posset , placuit Diis singularis Lucernas omnes attribuere , quum nulla fere ex iis sit , quae Deorum alicui convenire non possit . Sacras sui quique Dii sibi vindicant . Publicas modo Victoria , qua militaris , qua circensis , modo Dea Roma non respuit : Sepulcrales Umbrarum Dii : Domesticas demum ii Deorum , quorum studia in illis referuntur . Denique hic testatum volumus , nos omnia , quae superiore anno Eruditis Viris , quum illos ad societatem nobiscum in eundam invitaremus , promisimus , fideliter exequitos esse , ut nihil antea typis vulgatum recoqueremus ; quae vero a nobis promulganda essent , quoad fieri posset , ad autographi fidem excuderentur . Prospexitus quoque , ut ipsa moles Libri alteri dudum a Sante Bartolo edito responderet , ut si quis maluisset operi nostro volumen illud , quasi corporis veterum Lucernarum Tomum pri- mum praeponere , magnitudo non repugnaret .

## F I N I S.

## INDEX TABULARUM.

- Pantheum* I.  
*Dea Panthea* II.  
*Quatuor Deorum Symbola* III.  
*Janus* IV.  
*Nummi* V.  
*Victoria cum clypeo* VI.  
*Caelus* VII.  
*Nox* VIII.  
*Caput Saturni* IX.  
*Saturnus* X.  
*Quattuor anni tempora* XI.  
*Vestae caput* XII.  
*Vestalis arae adstantes* XIII.  
*Capita Telluris, Jovis, Solis, & Lunae* XIV.  
*Septem Planetarum capita* XV.  
*Cybeles* XVI.  
*Atys ΔΕΝΔΡΟΦΟΡΟΣ* XVII.  
*Atys venator* XVIII.  
*Atys sacrificans* XIX.  
*Ceres ΔΑΔΟΥΚΟΣ & EPINNYΣ* XX.  
*Ceres cum gemino copiae cornu* XXI.  
*Candelabrum Cereris* XXII.  
*Caput Jovis* XXIII.  
*Jupiter cum vasibus pontificalibus* XXIV.  
*Jupiter ab Aquila elatus* XXV. & XXVI.  
*Aquila cum trophyo* XXVII.  
*Jupiter Capitolinus* XXVIII.  
*Simulacrum Jovis Capitolini* XXIX.  
*Jupiter Custos* XXX.  
*Jupiter Dapalis* XXXI.  
*Jupiter Hammon* XXXII.  
*Jupiter Serenus* XXXIII.  
*Genii Jovis* XXXIV.  
*Sacrificia* XXXV. & XXXVI.  
*Juno Jugalis* XXXVII.  
*Hymenaeus* XXXVIII.  
*Matronarum sacrificium* XXXIX.  
*Pavo* XL.  
*Monetae* XLI.  
*Neptunus* XLII.  
*Triton* XLIII.  
*Tridens, & Pisces* XLIV.  
*Trophaeum navale* XLV.  
*Genius Neptuni* XLVI.

*Scylla*


XXVIII.

- Scylla XLVII.*  
*Caper marinus XLVIII.*  
*Monstra marina XLIX.*  
*Delpbynus lyram gerens L.*  
*Conchae LI*  
*Minervae nativitas LII.*  
*Minervae capita LIII. & LIV.*  
*Palladis protome LV.*  
*Palladis simulacra LVI. LVII. LVIII.*  
*Minerva Pacifera, & dimisso clypeo LIX. & LX.*  
*Minerva Consiliaria, & οπλοχαρεξ LXI. & LXII.*  
*Pallas cum Cista mystica LXIII.*  
*Palladium LXIV.*  
Noctua, & Medusa LXV. LXVI.  
Genius Minervae, & Aries aram cornu impetens LXVII. & LXVIII.  
Candelabrum Apollinis LXIX. & LXX.  
Apollo Arcitenens LXXI. & LXXII.  
Apollo Citbaroedus LXXIII. , & LXXIV.  
Apollo cum quadrigis LXXV.  
Apollo inter Musas LXXVI.  
Genius Apollinis LXXVII.  
Tripus, Lyra, Laurus LXXVIII.  
Gryphes LXXIX.  
Pegasus LXXX.  
Musa, Genius Musarum LXXXI. & LXXXII.  
Caput, & protome Solis LXXXIII. & LXXXIV.  
Quadriga Solis LXXXV.  
Signa Zodiaci LXXXVI. & LXXXVII.  
Solis, & Lunae capita Jugata LXXXVIII.  
Capita Solis, Martis, & Veneris LXXXIX.  
Mithra XC.  
Astrum, & Luna silens XCI.  
Biga Lunae XCII.  
Diana globo insidens XCIII.  
Diana φυγε φορος XCIV.  
Genius Diana Luciferae XCV.  
Diana venatrix XCVI.  
Hecatbes candelabrum XCVII.  
Diana Ephestia XCVIII.  
Caput Bovis XCIX.  
Mercurius C.  
Genii Mercurii CI.  
Mercurius cum Cane, & Capro CII.  
Mercurius Negotiator CIII.  
Mercurius, & Apollo CIV.  
Mercurii Symbola CV.

F I N I S.

TABULA PRIMA.

T.I




EX VI

TRO



T. II.




I. Menabuony dcl.

V. F. Suu-




T. III.



I. Mc. del.


V. F. Sau.





J. Menaboni del. et scul.






I·Mc nabuoy · del ·

V· Franceschotj Scu ·



T. VI



I. Menabuoni. del.

V. Franceschini. scul.



T. VII




I. Menabuony del.

Vitt. Franceschini Sc.



T. VIII




I Menabuoy del.

Ven-Franceschini Sc.



T. IX




I. Menabuoni del.

V. Franceschini Scul.



T. X




I. Menabuoni del.

V. Franceschini Scul.



T. XI.




I. Menabuoni del.

V. Franceschini Scu-




T.XII.





T XIII.




I. Menabuoni del.

V. Franceschini Scu.




T. XIII



I. Menabuoy del.

V. F. Scu.






I. Menabuoy dd

V. F. Scu.



T. XVI.




I. Menabuoni del.

V. Franceschini scul.




T-XVII-





T XVIII.




J. Menabuoni del.

V. Franceschini Scul.



T XIX.




Joseph Menabuoni del.

Sante Manelli inc.



T.XX.




I.M.D.

V.F.S.



T XXI




I. Menabuoni del

V. Franceschini Scu.



T. XXII.




G. Menabuony Del.

V. Franceschini Sc.



XXIII.




I. Menabuoy. del.

V. Franceschinij. Scul.



T. XXIV.




I. Menabuoni dd.

V. Franceschini Scul.



TXXV.




I. Menabuoni del.

V. Franceschini Scu.



T XXVI




Joseph Menabuoni del.

Sante Manelli Bol<sup>se</sup> Inc.




T. XXVII.




G. Morellanus det.

V. Franceschini Sc.



T. XXVIII.




G. Menalbony del.

V. Francesco Stu-



T. XXIX.




I. Menabuoy del.

V. Franceschini Scu.



T. XXX.




*Joseph Menabuoni del*

*Joseph de Benedictus in*



XXXI.




L. McNaughton del.

Vin. Franceschini Sc.



T XXXII




J. Merabtoni det.

V. Franceschini Scul




T XXXIII

ON CREN SACR





T. XXXIV.




G. Monabuoy del.

V. Franceschinij Scu-



XXXV.




E. Menabuoni del.

Vin. Franceschini sc.



EX XXXVI




J. Menahonj del.

J. Gupinj scul.



I XXXVI




I. Menabuoni del.

V. F. Scu.



XXXVIII




I Menabuoni del.

V. Franceschini Scu.



T. XXXIX.




Joseph Menabuoni del.

Benedictus fec.



T.XL




I Me. del.

V.F. Scu.




XL




Jos. Menahuonj del.

Jos. Papinj scul.



T. XLII.




L. Menabuoy del.

V. Franceschini Scul.



XLIII.




I. Merabuoni del.

V.F. Scul.



T. XLIII




I. Mc. del.

V.F. Saur.




T. XIV. 1.



D. Melchiori del etatul.






I. Menabuony del.

V. F. Sau.




TEXLVII.



I. Menabuoni del.

V.F. Sav.






J. Menaboni del. et sculp.



T. XLIX.




I. Menabuoni del.

V.F. Sca.



TL




I. Menabuoni del.

V. E. Suv.



T. LI.




I. Me. del.

V. F. Scu.



T. LII.




I. Menabuoy del.

V. Franceschini Scul.



T. LIII.




I. Menabuoyj. Del.

V. F. Scul.



T.LV.




L. Nonabuoni del.

P. Ant. Panni sc.



T.LV.



I Menabuoni del

V. Franceschini Scu



T. LVI.



Pos. Menabuoni del

P. Ant. Pazzi sc.



T. LVII.



I. Menabuoy del.

Vin. Franceschini Scu



T. LVIII.



Jacoph. Menabuoni del

Sante Manelli Inc.



T. LIX.




TVRCISAB

I. Menabuon del.

T. Franceschini Scu.



T. LX.




Iof. Menabuoni del.

P. Ant. Pozzi sc.




I.LXI.



Joseph Menabuoni del:

Joseph de Benedictis inc:






J. Menabuoni del.

Carlo Faurej scul.



T. LXIII.




I. Menaboni del.

B. Sgrilli scul.



T. L. XIV.




I. Menabuoni del.

V. F. Sce.



T. LXV.




I. Menabuoni dcl.

V. F. Scu.



T. L X VI.




*Joseph Menabuoni del:*

*Joseph de Benedictis inc:*




T LXVII.



G. Morello del.

V. Franceschini Scu.






I. Monabony. del.

Vin. Franceschay Sc.



T. L. XIX.




G. Marabuoni del.

V. Francorchini scu.



T-LXX.




G. Monachorum del.

V. Frunceschi Sc.



T. LXXI



J. Menabronj del.

V. F. Scam



T. LXXII.




TINDAR  
PLOTAVG  
LIB

I. Menabni del. et scul.



T. LXXIII.




Jof. Menabuoni del.

P. Ant. Pazzi sc.



T. LXXIV.




FLAVIA  
DET DN

*Joseph Menabuoni del.*

*Joseph de Benedictis incidit*



T. LXXV.




I. Monqbuonj del.

Vin. Francesbury Sc.



F. LXXXVI.




I. Menachoury del.

EX VITRO

Vincenzo Fra-Scu-



L. LXXVII




Ios. Menabuoni del.

P. Ant. Pazzi sc.



T. LXXVIII.




G. Menabuony del.

V. Franceschini Scu.



T. LXXIX.




Joseph Menabuony del.

Sante Manelli inc.



LXXX.




I. Menabuoni del.

V. Franceschini Scul.



T LXXXI.




I. Menabuoni del.

V. F. Scu.



T. LXXXII




*Io. Menabuoni del.*

*P. Ant. Pazzi sc.*



T. LXXXIII.



I. Menaboni del.

Bisgrilli scul.



T. LXXXIV.




*Joseph Menabuoni del.*

*Joseph de Benedictis in.*



T. LXXXIII.




I. Monahuanj del.

V. F. Scu.




TLXXXVI



Jof. Menahuonj del.

Jof. Papinj scul.






I. Menabuoni del.

V. F. Scu.



T LXXXVIII




G. Monabuoni del.

V. Franceschini Scu




T.L XXXIX.



Jos. Menakuonj del. et scul.






Jos: Merabuony det.

Jos: Tapinj scul.





LXCI



I. Menabuoni. del.

V.F. Scu.






*Tot Menabonij del.*

*Tot. Papini scul.*






J. Menabuoni del.

Carlo Faucchi Scub






*Jof. Monabuoni del.*

*Jof. Papini scul.*



T. XCV.




G. Menabuoy del.

V. Franceschini Scu-



T. XCVI




*Tosagh Menabuonij del.*

*Sante Manelli Inc.*



T. XCVII.




G. Menabuony del.

V. Franceschini Scul.



T. XCVIII.




Joseph Menabuoni del.

Joseph de Benedictis in.



T. XCVIII




Io. Bapt. Passerius. del.

V.F.S.



T. C.



Ob: Menahou onj del: seut



T. C.




J. Menahoni del.

J. Papini scul.




LCH



J. Menaboni del. et scul.






I. Menaboni del.

B. Sgrilli scul.




L.CIV.



Jof. Menahonj del.

Jof. Papirj scul.





J. Menaboni del et scul.



# NOTAE

## I.

### PANTHEUM.

**R**OMANI, qui, quum omnibus pene gentibus dominarentur, grande putabant, si omnium gentium servirent erroribus, nullam unquam superstitionem, nullas fabulas, furias nullas respuerunt, & in ipsa religione inexplebiles: At districti disputationibus Christianorum, iudicioque veritatis in eum locum adducti, ut plures Deos esse posse jam non crederent, in eam deinentiam lapsi sunt, ut modo Deum, quem Christiani praedicabant, excluderent, unum quidem Deum, sed ex omnium Deorum ineptiis coagmentarent, quem *Pantheum* appellaverunt. Qui vero plura symbola in una imagine consarcinasset, caeteris videbatur esse beatior, atque sapientior. Sic commentis corrupta religione, caeremoniis, atque ipsa mentis ratione, tandem errorem tetiam ipsum novis erroribus corruperunt. Hujus novi Numinis natura in eo ferme tota erat, ut virtutes omnes, quas alioquin a Deo distinctas putabant Veteres, Deus iste omnia continens complecteretur. De eo Macrobius in *Somn. Scip.* lib. I. c. 17. *Deum vero quod non modo immortale animal, atque divinum sit, plenum inclitae ex illa purissima mente rationis, sed quod virtutes omnes, quae illam primae Omnipotentiam summitatis sequuntur, aut ipse faciat, aut ipse contineat: unde, ut subdit Satur. I. 17.* *το παντελη sapientum principes prodiderunt. Ac quamquam Panthei appellatio apud illos haud secus atque apud nos maxime invaluerit, augustiori tamen vocabulo Deus iste aliquando dictus est Deus qui est Maximus.*

Neque vero ex Gruteriana Inscriptione pag. xvi. 9. hanc summi Numinis appellationem proferre est in animo; quippe qui probe sciam ex militis monumento,

*Tom. I.*

A

quod

quod integrum habetur p. **cccclxvii.** 6., corruptam lectio-  
nem in Gruterianum thesaurum tale Numen intulisse, ex  
qua, ut recte notavit Gudius, in errorem inductus  
fuit Boxhornius Rom. *quaest. xiiii.*, quod miror oculatissimum Graevium non animadvertisse in Praef. ad v.  
Tom. Ant. Rom., ubi plura Boxhornii sphalmata castigat;  
verum ex insigni, a qua collectionis nostrae exordium sumimus, veteri Lucerna. Vitrea ea est, at misere fracta; discus cyanei coloris, albidi vero anaglyphum;  
utrumque impolitum adeo, ut opus encausto pictum fuisse videatur; cuius quidem decus, ut pri-  
mum vitrea haec monumenta aeri exponuntur, intercidit,  
ut monuit Cl. Bonarotius ad *numism. Carpinea*; quam  
jaetoram in plurimis vitreis tabulis Musaei nostri exper-  
ti sumus.

Panthei imago capite flore loti, vel perseae ornato con-  
spicitur, alatisque humeris; dexterae manus indicem  
digitum ori admovet. An aliis etiam symbolis onerata  
fuerit, ut Pantheon illud Musaei Ciampinii, quod edi-  
dit Gorius. *Collect. Donian.* pug. 19., vitro frasto, af-  
firmari nequaquam potest. Lucernae discum corona am-  
bit ex hederis, pampinis, uvisque contexta. Nolle tam-  
en ad Harpocratem Lucernam istam aliquis referret,  
propterea quia eo gestu, quo potissimum Harpocrates  
formabatur, expressum in ea Pantheon sit. Inscriptio  
enim subiecta DEO QVI EST MAXIMVS satis su-  
perque Harpocratem excludit, & Deum summum o-  
mnium Deorum vim in se continentem aperte declarat.  
Inde si Harpocrates digito ori admoto in divinis re-  
bus silentium indicit, ut Ovid. innuit *Metam. lib. 9.*  
v. 693.

*Quique premit vocem, digitoque silentia suadet,*  
Pantheon precantium gestu in hac Lucerna repraesentatur.

Consueverunt enim Romani fortasse ex Etruscorum  
instituto Deos plerumque ea forma exhibere, qua sacri-  
ficaturi illos adibant: sic Salus ante aram libat; Vesta  
quandoque; Genius fere semper; & Diis omnibus, at-  
que Deabus patera tribuitur. Manus vero ad os appo-  
fitio-

sitionem inter divina obsequia recenset Plinius lib. xxviii.  
cap. 2. *In adorando dextram ad osculum referimus ; & Apulejus Metam. lib. iv. Admoventes oribus suis dextram , primore digito in erectum pollicem residente , ut ipsam prorsus Deam Venerem religiosis adorationibus venerabantur .*

Haec adorandorum Deorum forma confirmatur eleganti fragmento marmorei simulacri , quod inter rudera Templi Herculis in agro Tudertino nuper effossum accrevit Musaeo nostro ex munere Andreae Jovanellii illius Urbis Presbyteri , qui licet harum rerum studiosissimus , atque consultissimus , praetulit tamen voluptati suae fortunam amicorum . Mulieris illud est , seu mavis Vestae ipsius , velato capite tali gestu precantis . Neque ob aliam certe rationem existimandum est , Geniorum illorum , qui mensae praeerant , simulacra ( vulgus pocillatores appellat ) summis pedibus stantia effigi ; nisi quia tali corporis habitu Deos suos Veteres adorarent . Martialis docet lib. xii. ep. 78.

*Multis dum precibus Jovem salutat  
Stans summos resupinus usque in ungues.*

Convivalis Genii elegantissimum sigillum opportuniori loco proferam .

## I I.

### D E A P A N T H E A.

**I**nnuimus supra , Deos plerunque more sacrificantium expressos fuisse ; en alterum conjectuae argumentum in hac Lucerna , in qua media inter aras Dea Panthea thus adolet .

Deo Pantheo ex omnium Deorum attributis coagmentato par erat , ut feminam sociarent ; minime quidem quia viro uxorem adjicerent , quum enim Deum illum ab omni humanitatis contagio immunem crederent , connubiorum deliramenta , quae in caeteris admirerant , in illo respuerunt . Inde autem sexus varietas procedebat , quod maxime inter Philosophos disceptaretur ,

tur, esset ne Deus masculus, vel femina, seu potius androgynus; quam quidem postremam fententiam memorat Servius *Aeneid.* 2. Vers. 633. Loquitur secundum eos, qui dicunt utriusque sexus participationem habere Numinia, nam *Calvus* pollentem Deum *Venerem* appellat. Item *Virgilius*. Nec dextrae erranti Deus abfuit, quem Juno fuerit, aut *Alecto*. Est etiam in *Cypro* simulacrum barbatae *Veneris*. Et *Macrobius* *Saturn.* III. 8. *Philocorus* quoque in *Attibide* eamdem affirmat esse Lunam, nam & ei sacrificium facere viros cum veste muliebri, mulieres cum virili, quod eadem & mas existimatur, & femina; Hinc placuit Pantheum quandoque virum effingere, quandoque feminam, quam plerique cum Nemesi confundunt.

Alae capiti utrinque additae; vulgatum symbolum divinae universalitatis, quod ubique sit; quod quidem attributum frequentissime in simulacris Graecis usurpatum legimus, in Etruscis vero quotidie observamus. Lotos, & geminum copiae cornu facile divinam providentiam, quae bona omnia largitur, demonstrant; radii vero Solis potestatem, cuius ministerio Dei nutu Natura temperatur.

At duae illae arae succensae peculiare symbolum sunt Matris Deum, cuius etiam virtutem in hoc typo cūmularunt. Duplici ara illi sacra fieri tradit *Statius Theb.* 8. 298.

*Tellurem placare parat, nec futile moestis  
Id visum Danais, geminas ergo ilicet aras  
Arboribus vivis, & adulto cespite texi  
Imperat; innumerosque Deae sua munera flores,  
Et cumulos frugum, & quicquid novat integer Annus,  
Addit, & intacto spargens altaria lacte  
Incipit.*

Immo plures aras uni Deo eodem loco exstructas referunt Scriptores, quibus forte uno eodemque tempore plures litarent. *Pausan. Cor. vi.* Multas circa illas porticus aras Jovi erigunt, & in aprica fori parte multae arae sunt: Sic Romae in Aede Jovis Ultoris arae duae marmoreae; sex vero marmoratae memorantur

tur a Fabric. *Descript. Urb. Rom.* c. 9. Neque profecto existimandum est, poetice Virgilium in plerisque sacrificiis aras plurali numero exstructas recitasse: sic in illo Jovis.

*Instriuimus mensas, arisque reponimus ignem. Et alibi  
Lustramurque Jovi, votisque incendimus aras.*

Hinc Plin. *Paneg.* c. 1. *Ab ipso Jove coram ac palam repertus, electus es inter aras, & altaria.* Plutoni quoque plures in eodem sacro arae tribuuntur.

*Tum Regi Stygio nocturnas excitat aras.*  
Et Aeneid. 3.

..... *Manesque vocabat  
Hectoreum ad tumulum, viridi quem cespite inanem,  
Et geminas, causam lacrymis, sacraverat aras.*

### III.

#### QUATUOR DEORUM SYMBOLA.

**H**Anc quoque Lucernam quatuor Deorum symbolis intersectam Pantheo attribuimus, quod de potestate ambigeremus. Potissime vero Juppiter  $\Delta\omega\tau\omega\rho\epsilon\alpha\omega\nu$  Bonorum largitor, qualis a Callimacho primo in Jovem hymno nuncupatur, hanc sibi vindicaret optimo jure; schemata enim Palladis, Aesculapii, & Mercurii, quae symbolo Jovis subsunt, bona *Mentis*, *Fortunae*, & *Corporis*, quibus omnia Deorum dona comprehenduntur, indigitant. Haec tria a Jove largiri notat Callimachus.

*Salve plurimum, o Saturnie maxime, dator bonorum,  
Dator incolumentatis.....*

*Salve iterum, atque iterum, da nobis & opes, &  
virtutem,  
Neque sine virtute opulentia potest homines beare,  
Neque sine opulentia virtus; da ergo & virtutem,  
& opes.*

### IV.

## JANUS.

**S**I quid in tota antiquitate intricatum, profecto Janus est. Tradunt passim Etruriae Regem fuisse, Saturno contemporaneum, & gentis Janigenae auctorem. At Ovidius altius rem expetendo, illum sic loquentem inducit *Fast. i.*

*Me Chaos antiqui, nam sum res prisca, vocabant.  
Aspice, quam longi temporis acta canam.  
Lucidus hinc aer, & quae tria corpora restant  
Ignis, aqua, & tellus, unus acervus erant.  
Ut semel haec rerum secessit lite suarum,  
Inque novas abiit massa soluta domos;  
Coelum flamma petit, propior locus aera coepit,  
Sederunt medio terra, fretumque loco.  
Tunc ego, qui fueram globus, & sine imagine moles,  
In faciem redii, membraque digna Deo.*

Diu perscrutatus sum, unde Ovidius desumpserit Janum suum, ac tandem in eam veni suspicionem, ipsum eundem esse, quem Orpheus in hymnis Πρωτόγονον primogenitum appellat.

*Primogenitum voco biformem magnum in aere errantem,  
Ex ovo genitum, aureis gaudentem alis,  
Qui quoquo versum volutus, alarum incitamentis per Mundum  
Emicantem ducens lucem putam, e qua te Phaneta voco.*

Quae consonant cum Hesiodi mythologia, qui Chaos vocat primogenitum. Sic in *Theogon.*

*Primum quidem omnium fuit Chaos.  
Et hic fortasse Deus ille est Primogenitus, cui aram Augustus in Capitolio dedicavit; unde etiam colligimus, cur nam in sacrificiis omnibus ab ipso praefatio inciperet, primusque omnium invocaretur. Quapropter minime dubito, cultum ipsius ex Oriente in Italiam commigrasse, praesertim quum apud Aegyptios quoque veneraretur, ut Plinius docet lib. 35. c. 5. Item Janus Pater in suo templo dicatus ab Augusto ex Aegypto adventus,*

āus, jam quidem auro occultatus; Quia vero Phoenicios Deos plerumque antiquis nominibus Itali retinuerunt, agnoscere adhuc mihi videor in ejus nomine primaevae linguae majestatem, atque in ipso turpiter deturpatum unum ex Dei nominibus *Jab*, quod *Dominum* significat, sive mavis Chaldaeum *Jai*. At ista omnia si res, & aetas patientur, maturius expendemus peculiari opere DE DIIS PISAVRENSIBVS, in quo non tantum patrios Deos, sed data occasione caeteros etiam ad trutinam revocabimus, eorumque historiam, & nominum rationes nova quadam methodo expendemus. Postulat hoc dignitas Patriae meae, quae innumeris in diem prolatis admirandis magnificae antiquitatis vestigiis sese ei tenebris vindicari vehementer inculcat.

Sane existimabam obelum illum, qui medio Jani capiti imminet in nummis, esse notam pecuniae. At qui in Lucerna nostra valde eminet proprium aliquod Numinis attributum testatur; inde credibile est loto pluribus Aegyptiorum Diis adscripto, Jano ex aliquo ignoto frutice ferulam tributam.

Janus marmoreus Pisauri frequenter occurrit, senili in antica, muliebri specie in postica parte; talis ille est qui in Musaeo Cl. Viri Oliverii nostri conspicitur; nec absimiles tres alii in Musaeo Arditio asservati; talis item gigantaeus ille apud Cl. Joannem Andream de Abatibus Oliverium Equitem D. Stephani, cuius praeclaram domum insigni addita pynacotheca Eminensissimus Cardinalis Patruus fecit toto orbe venerabilem; ex quibus monumentis colligere licet Pisauenses nostros Deum hunc *biformem*, atque *utriusque potestatis*, & qualem ex Orpheo descripsimus, coluisse. At in his omnibus signis, qua caput capiti haeret, profundum foramen observatur, quo fortasse aereus obelus firmaretur. Aliquando foramina isthaec *μυριόνοι*, sive umbellam dignitatis gratia sustinebant, ne, ut ait Horatius Sat. lib. 1. 8. ab avibus coquinarentur, cuius etiam meminit Aristophanes in *Avib.* & Svidas.

## N U M M I.

**I**Nsignitur Lucernae hujus discus eximio quodam in vento, minime tamen unico apud Antiquos, nummis videlicet omnigenis; ita ut in rudi sphyragismate trientes, quadrantes, atque semisses internoscantur, aesse medium obtainente, quia dudum nummorum maximus fuit.

Sane id emblema ad eas strenas alludit, quae Kalendis Januariis mitti solebant, ut ex Suetonio constat in *Tiber.* c. 34., & *Calig.* c. 42.; hae porro, quum in Jani honorem institutae essent, merito illius imagine notantur. Ovidius *Fastor.* I.

*Dulcia cur dentur, video: stipis adjice caussam;*  
*Pars mihi de festo ne labat ulla tuo . . . .*  
*Tu tamen auspicium cur sit stipis utile, quaeris,*  
*Curque juvent nostras aera vetusta manus;*  
*Aera dabant olim; melius nunc omen in auro est,*  
*Vicisque concessit prisca moneta novae.*

Neque vero temere strenas in Lucernis expresserunt Veteres; non solum enim in iis omnia ferme vitae officia atque mores diligentissime effingebant, verum etiam Lucernas ipsas ea occasione amicis dono mittere consueverant. Probat hoc vetus Lucerna a P. Bartolo vulgata *Par.* 111. 5. cum auspicali salutatione ANNO NOVO FAVSTVM FELIX; probat haec nostra, probat demum & sequens, quae omnes ad eam consuetudinem omnino pertinent. Consonat Martialis qui inter apophoreta *epig.* 35. Lucernas recenset.

Quae quum ita sint, facile adducor, ut credam hanc, & sequentem Lucernam e numero sepulcralium vindicatas inter civiles adscribendas esse; neque tamen ambigo religioni etiam quandoque inservisse; praesertim ad januas in solemnibus illustrandas, qui mos a Tertulliano improbatus, ad sequiora usque tempora obstinate perduravit, ita ut D. etiam Chrysostomus illum acriter corripue-

ripuerit *Homil.* 22. ; nec non *Synesius* in *Caluit.* ; credibile est enim , Janum praesidem januarum ad illas exornandas fuisse selectum , ut ubi ejus essent mysteria , ibi quoque imago cerneretur . At de his latius in Prolegomenis .

Usus strenarum , nummorumque in Lucernis figurandorum minime patitur , ut singulare vitreum monumentum Clarissimi Oliverii mei praetermittam . Vitreae phialae , seu lancis ima pars est ; aurea bractea , quae caeruleo vitro includitur , graphio exarata , numeros exprimit , qui totam fere Antoninorum familiam repraesentant , addita in limbo donationis formula .... VIVAS CVM TVIS OMNIBVS . Haerebat hoc singulare cymelium in coemeterio Calixti , quod secretum vocant , unde Vir Clarissimus Antistitis Oliverii Sacrarii Pontificii Praefecti , ac Patruelis sui auctoritate fultus , propriis manibus , fractum licet , defixit , & literariae gazae suae intulit .

## V I.

### *VICTORIA CUM CLYPEO.*

**L**ucerna haec incomparabili argillae tenuitate laudatissima , symbolis , quibus referta est , multo praeclarius nobilitatur , & ad strenas , de quibus egimus , citra dubium refertur . Edidit alteram nostrae affinem Bartolus *Par.* 111. 5. , cuius fragmentum ex Fabretti Musaeo cessit in nostrum . Id quamquam mutilum multa evincit , in quibus peccavit Pictor alioquin admirandus . Pallam collo Victoriae haerentem , ille exerto brachio dissolvit ; palmam pro lauro substituit ; ex nuce , & amygdala glandem , fulmen denique ex orca caricarum effinxit .

Typus idem dubio procul in nostra Lucerna expensus est , variatis quibusdam symbolis , & ornatu limbi exterioris . Notavimus in Prolegomenis , consueuisse quandoque figulos sigillatores eundem typum , quia laudare-

*Tom. I.*

B tur

tur novi alicujus ornamenti accessione iterare. Id fortasse nostro contigit, in quo plura ab editis diversa reperiuntur.

Omnia hic ad anni novi auspicia pertinent. Victoria primum sese offert, Numen populo Romano familiarissimum, quo Genius Urbis praesertim sequiore aevo indicabatur: clypeum tenet, in quo natalis anni omnia expresse continentur: lauri ramusculum gerit, ut Victoriae Mediceae simulacrum a Cl. Gorio nuper illustratum: a tergo assis Jani imagine signatus, cuius rationem superius attulimus; quae quidem vetus moneta etiam inter illa opulentissimi saeculi fastidia in pretio fuit. Tradit enim Suetonius cap. 75. Augustum nummos omnis notae, etiam veteres regios, ac peregrinos, quandoque fuisse elargitum: inde Ovidius *Fastor.* i.

*Laudamus veteres, sed nostris utimur annis,*

*Mos tamen est aequa dignus uterque coli.*

Nux pinea, amygdala, & olla mellis inter bellaria ejus solemnitatis numerantur; quam vero diligentissime exprimi curavimus, est massa illa caricarum, pro qua fulmen Bartolus insculpsit. Caricae vase quodam vimineo compressae servabantur, quod *Orca* vocabatur, cuius figura hic primum fortasse exhibetur. De *Orca* sic Festus. *Orcae genus marinae belluae maximum, ad cuius similitudinem vasa quoque ficaria orcae dicuntur;* & Columella xii. 15. *Nonnulli hanc ipsam formam fici orcis sine pice includunt:* Et Plinius lib. xv. 19. *At ubi ficorum copia abundat, implentur orcae in Asia.* Ejus officium prorsus tale. Intextis circa medium viminibus, caeterum solutis, in ima parte ligabantur; injectis deinde caricis, ac superne cumulatis, iterum in cuspidi ligabantur, ut duplicein conum quaelibet massa referret; facile profecto opus, quodque ex tempore pararetur.

Bellariorum hujuscemodi usum illustrat Ovid. *loco cit.*

*Quid vult palma sibi, rugosaque carica, dixi,*

*Et data sub niveo condita mella cado?*

*Omen, ait, caussa est, ut res sapor ille sequatur,*

*Et peragat coeptum dulcis ut annus iter.*

Videas demum lauri folium, non oscitanter superadditum; pertinet enim ad sacra ea suffimenta, quibus novi anni exordia honorabantur. *Tibul.* II. 5.

*Ut succensa sacris crepitet bene laurea flammis,  
Omine quo felix, & sacer annus eat.*

### V I I.

#### C O E L U S.

**P**rodit nunc primum Deus Coelus, quem licet Veterum scriptis notissimum, & apud Poenos celebri cultu veneratum, nondum depictum videramus.

Profecto imago, quam ex Lucerna proferimus, apprime respondet descriptioni illius apud Hesiodum in *Theogon.*

*Tellus vero primum genuit parem sibi  
Coelum stellis ornatum, ut & ipsam obtegeret.  
Fertur enim quadam vehementi maiestate ab omni terrae contactu immunis, atque sublimis, peplum, quo terram obtegat, late extendens, cuius fimbriae ventis hinc inde agitantur. Peplum ipsum ostentat ita sinuatum, ut coeli ambitum repraesentet. Sic Orpheus in *Hymno Coeli*.*

*O Munde Pater in sphoeram volute circa terram  
Coelestis, terrestrisque omnia complectens.  
Fertur a dextra in sinistram, quo illius ab oriente in occidentem revolutio significatur, unde Veterum morem constantissime agnoscimus, quo per dexteram orientalis coeli plaga significatur, occidentalis per sinistram; quod nobis semel animadversum, plurimum subinde ad veterem religionem auguralem explanandam lucis afferet, quum de Lucernis ad eam pertinentibus differemus. Sol, & Luna opposita sunt, ut per hanc syzygiam, qua solis lumen directo fertur in Lunam, ejus plenilunium indicetur.*

Alterum in hac Lucerna notatu dignum occurrit, quod vix alibi reperietur; stellas nempe variae magnitudinis

a numero radiorum internosci. Stellae plerumque quatuor mucronibus exprimuntur ; nam si multiplici radio astrum occurrat , non stella , sed ipse Sol indicatur , ut opportunius ostendemus .

## V I I I.

## N O X.

**D**EAM Noctem peculiari cultu Romani prosequuti sunt . Ovid. *Faſt.* i. 155.

*Nocte Deae Nocti criftatus caeditur ales ,  
Quod tepidum vigili provocet ore diem .*

& Horatius lib. iii. Od. 28.

*Dicitur merita Nox quoque naenia ;  
ejusque venerationem jam inde ab Aeneae temporibus usitatam innuit Virgilius Aen. vi. 248.*

*..... Ipſe atri velleris agnam  
Aeneas matri Eumenidum , magnaēque ſorori  
Enſe ferit .*

Noctem ex Chao genitam scribit Hesiodus in *Theog.* qui duobus versiculis mirifice explicat hanc Lucernam .

*Ex Chao vero Erebusque , nigraque Nox editi sunt .*

*Ex Nocte porro Aetherque , & Dies prognati sunt ;* idem fere tradidit Cicero de *Nat.* *Deor.* ex Nocte , & Erebo , Aether , atque Diem natos esse , eorumque fratres , ac ſorores ; quo in loco doceμur , haec omnia ex Graecorum mythologia in religionem Romanorum transiisse .

Proſilit ſuperne alatus Dies , quaſi Phosphorus , faciem attollens ; iſque fertur a dextra in ſinifram , Solis vertiginem imitatus , dum e peplo noctis evolat Aether , ut *Jovis ſublime palatium obtineat* , ut cecinit Orpheus in ejus *Hymno* ; Nox prona terram occupat . Illam Graeci curru veſtam tradiderunt : Orpheus in *Hymno* :

*Nox amica omnium , equis veſta , noctu ſplendens ;  
& Apollon. lib. iii.*

*Nox injectit equis juga ;*

at

at Latini otiosam, atque dormientem delinearunt; quapropter illam vocarunt *intempestam*, ut Virgil. *Georg.* lib. 1. & *Aeneid.* 111. 12.; praeterea ita terrae incumbentem, ut quodammodo Erebum, & Tartara amplecti videatur, inde enim ejus origo, & illuc regressus. Orpheus

*Quae lucem emittis ad inferna, & rursus fugis*

*In infernum;*

& Euripides

*Verenda, verenda Nox,*

*Quae das somnia miseris mortalibus.*

*Ex Erebo veni.*

Notanda insuper est corporis illius scitissima dispositio; genua, & pedes in occidentem convertit, quo progressum umbrae, & opacae pyramidis revolutionem Soli oppositam indicet; vultu tamen retrorsum converso in orientem respicit, unde dilapsa est, & quo perpetua vertigine revertitur, peplum amplissimum pandens, &, ut ait Virg. *Aeneid.* 1.,

*Involuens umbra magna terramque, polumque.*

Omnia itaque in typo nostro mythologiae Veterum religiose adeo respondent, ut si cum caeteris imaginibus conferatur, nulla ferme nostram antecellat, etsi illa, quam describit Pausanias l. 5. c. 18., perpendatur. *Visitur mulier puerum album dormientem dextera manu gestans, sinistra vero puerum nigrum dormienti similem, qui ambo distortos pedes habent.* Quid haec sint, docent *inscriptions*, quod tamen his deficientibus intelligi facile posset, nempe duos pueros esse Somnum, & Mortem, ac Noctem esse utriusque nutricem. Ea vero Lucerna Bartoli *Par.* 1. 8., qua Somni imaginem repraesentari existimavit Bellorius, quisquis vel a limine antiquitatis studia cognoverit, fatebitur profecto, nihil contineri, nisi Jolen leoninae pelli incubantem, clava, jaculis, & Herculis arcu prope Hesperidum arborem humi projectis, Herculeis interea geniis circumquaque dormientibus. Stilus tamen utriusque opificii ita respondet, ut ex eadem officina utramque Lucernam prodiisse merito putem.

Ne quis autem mihi succenseat nimiam sedulitatem in  
mi-

minimis quoque rebus perscrutandis , ea , quae in prolegomenis praefatus sum , libenter repetam : nempe Lucernarum autographos , sive prototypos minime a rudibus figulis , rerumque imperitis fuisse productos , sed a peculiari sigillatorum officina , ubi ea praesertim , quae ad religionem pertinebant , peritissime disponebantur , ne quid in illis a patria disciplina foret alienum .

Lucernam istam inter domesticas referenda ne sit , an inter sacras , difficile est pronunciare . Habuerunt Veteres somni socias Lucernas per noctem inextinctas ex iis , quae omnia nocte vident , nil cras meminere ; at Deae nocti singulari cultu Lucernae accendebantur , quae pro thymiamate in ejus honorem ardebat . Sic Orpheus : *Noctis suffimentum Lucernae* .

## I X.

### C A P U T S A T U R N I .

**Q**ui in antiquitate illustranda notissima quaeque fastidientes , ad ignota Deorum vocabula configiunt , ut stupore peregrini nominis operi admirationem concilient , facile Deum Sabum sub hac protome recognoscerent ; quippe cernitur .

..... curvam servans sub imagine falcam , quemadmodum a Virgilio describitur *Aeneid.* vii. 179. Nos vero , quoties notioribus Diis potest imago aliqua convenire , nunquam aut peregrinis , aut minus obviis assignamus , nisi id certissima indicia exposcant ..

Saturnum igitur hac imagine repraesentari censemus . Falcem , seu arpen *καρποδόντα* acutis dentibus tenet , qua Coelum patrem suum eviravit . Hesiod. in *Theog.*

*Quem ex insidiis filius (Saturnus) prebendit manu Sinistra , dextra vero immanem coepit falcam .*

*Longam , asperos dentes habentem , carique genitalia Patris Festinanter demessuit .*

Fortasse mitius aliud officium ea falce designatur , arborum nempe insitio , & vitium cultura . Macrobi. *Sat.* lib.

lib. i. 7. *Huic Deo infestationes surculorum, pomorumque educationes, & omnium ejuscemodi fertilium tribuunt disciplinam*; qua de causa Arnobius illum lib. iii. *vitifatorem, & falciferum* vocat. Profecto, quam priori loco apponendae falcis rationem adduximus, a Romana religione plurimum abhorre proba noscimus; expresse enim docet Dionysius lib. ii. *Ant. Rom.* tale ab iis Graecorum commentum rejectum fuisse. *Neque enim exsectus Coelus a filiis suis apud Romanos dicitur.*

## X.

## SATURNUS.

**U**NUS aliquis e ruricolis Numinibus existimari posset Deus, qui in hac Lucerna exhibetur, nisi diadema, quo caput cingitur, Saturnum esse manifeste evinceret; ille enim primus insigne hoc usurpavit Tertulliano teste *de coron. mil.* cap. 7., quo etiam ornamento in Lucerna praecedenti decoratur.

Saturnus Romanorum, ut diximus, totus mitis, atque beneficus, utpote qui culturam arborum instituerat, runcinam ostentat officii sui administram, calatumque pomis redundantem, quo immortale beneficium humano generi delatum testificatur. Inde Romani inter Saturnaliorum solemnia poma quoque missitabant. Martial. lib. v. epig. 18.

*Quod tibi Decembri mense, quo volant mappae,  
Gracilesque ligulae, cereique, chartaeque,  
Et acuta senibus testa cum damascenis,  
Praeter libellos vernulas nihil misi.*

Haec Lucerna inter sacras reponenda est, inter illas, inquam, quae in Saturnalibus accendi solebant, quemadmodum notat Macrobius *Satur.* lib. i. cap. 7. ubi hujuscem moris originem late describit.

## XI.

## QUATUOR ANNI TEMPORA.

**A**nni tempora proprio vocabulo Horae appellantur. *Macrob. Satur. l. i. c. 21.* Et quatuor tempora, quibus annus orbis impletur, Horae sunt. *Plin. l. 9. c. 35.* Hos ubi genitalis anni stimulaverit Hora. *Horat. epist. ad Pisones,*

*Qui purgo bilem sub verni temporis Horam;* propterea οπας Deae tempestatum praesides finguntur, & Solis comites. At Homerus illas Coeli ostiarias fecit, *Iliad. E. 749.*

*Et portae Coeli ultronee apertae sunt, quas custodiebant Horae;* quem sequutus videtur *Ovid. Fast. l. 134.*

*Praefideo Coeli foribus cum mitibus Horis;* cuius nominis etymon explicat Censorin. *de die natal. cap. 19.* Sunt qui tradant hunc annum trimestrem Horum instituisse, eoque ver, aestatem, autumnum, hyemem οπας, & annum οπον dici, & Graecos annales οπους, eorumque Scriptores ορογραφous.

Has Hesiodus in *Theogon.* e Jove, & Themis natas fabulatur.

*Postea Jupiter duxit splendidam Themin, quae peperit Horas Eunomiamque, Dicenque, & Irenem florentem;* quibus, uti anni temporum custodibus, Athenienses primicias fructuum cuiuscunque tempestatis in festis, quae οπατα θυειν vocabantur, deferebant, de quibus Hesychius.

Verum Pausanias lib. 9. non tres, sed duas Horas ab Atheniensibus cultas memorat, quae Carpus, & Thalbotis vocabantur, quod prima fructus ferret, secunda germinationi praeesset. Porphyrius autem apud Eusebium *de praeparat. Evangel.* lib. 111. cap. 11. duas coelestes, Solis custodes; terrestres alias, Cereris famulas fuisse perhibet.

Romanae mythologiae proprius accessit Philostratus lib. 11. *Imag.* qui quatuor Horas choreas ducentes inducit, quibus, quod hyemi, veri, aestati, autumno praessent pro-

proprios unicuique fructus attribuerunt, quorum colores imitatae Circensium ludorum factiones, mystice discernebantur teste Tertull. *de Spectac.*

At quod Graeci per Deas, Romani per Genios praestiterunt. Hi plerumque Diis non ministras, sed ministros assignarunt, ut alibi ostendemus; quapropter haec anni tempora frequentissime in sarcophagis puerili vultu effinguntur, & calathis propriae tempestatis fructus attollunt: Hyems hiberna pomæ, Ver pineas nuces, Aestas spicas, uvas Autumnus, ut luculenter præ caeteris evincit ingens sarcophagus, qui Eugubii in clarissimo Olivetanorum Coenobio visitur, qui & operis elegantia, & frequentia parergorum summo in pretio habendus est. Digna quoque est, ut hoc loci recenseatur cineraria urnula marmorea, quae in opulentissimo praestantissimi Oliverii mei musaeo asservatur, in qua veluti per symbola haec anni tempora indicantur. Decussantur sub epigraphe duo copiae cornua, quorum quodlibet quatuor fructuum genera anni temporibus respondentia servat; medius astat Genius dator bonorum omnium, ut putabant, & qui *praepositus erat*, & vim habebat omnium rerum dignendarum, ut tradit D. August. *de Civit. Dei* l. vii. c. 13. sub cuius tutela proinde Horarum fructus esse putabantur.

### X I I.

### V E S T A E C A P U T.

**V**estae Lucernam hanc assignavi tenui sane argumento motus, quod nempe caput velatum habeat, communi certe more Deabus omnibus, & Augustis feminis, quum in Dearum numerum relatae fuissent. Liberum propterea in hac re unicuique judicium esto. Quae semel vulgari debuerat, placuit, ut primo hoc loco edetur.

Cur Opi Vestam praeposuerim, sive mavis conjunxit, in promptu caussa est, quod nempe cum ipsa facile

cile confundatur. At clamant Mythologi Vestam Opis filiam fuisse. Ovid. *Fast.* vi. 285.

*Ex Ope Junonem memorant, Cerere inque creatam  
Semine Saturni, tertia Vesta fuit.*

Verum duas Vestas distinguamus necesse est; primam, quae eadem ac Ops, Matrem appellatam, quod tres filios, totidemque feminas peperisset; alteram prioris hujus filiam, quae sterilis fuit: Primam illam Vestam memorat Dionys. l. 11. *Vestae autem dicatum esse ignem putant, quod quum Dea haec sit Tellus, mediumque teneat Mundi locum, ignes illos in sublimi ex sese accendat.* Ovid. *Fastor.* vi. 267.

*Vesta eadem est quae Terra; subest vigil ignis utriusque;  
Significant sedem terra, focusque suam.*

Hinc scitissime, qui nihil fortuito pronunciavit, Virgilius *Georg.* i. 498. Vestam Matrem nuncupavit.

*Dii Patrii Indigetes, & Romule, Vestaque mater,  
Quae Tuscum Tyberim, & Romana Palatia servas;* primam Vestam indigitans; Matris enim nomen minime dignitatis censendum esse vel ex eo constat, quod nusquam Palladi, aut Dianae tributum inveniatur; At Vesta recentior sterilis, & innupta praedicatur. Sic Ovid. *Fast.* vi. 287.

*Utraque nupserunt; ambae peperisse feruntur,  
De tribus impatiens restitit una viri.*

*Quid mirum, Virgo si virgine laeta ministra  
Admittit castas in sua sacra manus?*

& rursus

*Nataque de flamma corpora nulla vides.*

*Jure igitur virgo est, quae semina nulla remittit,  
Nec capit; & comites virginitatis amat.*

### X I I I.

#### *VESTALIS ARAE ASTANS.*

**A** Ra ipsa fatali igne exardescens satis superque Vestam indicat, nihil enim in templo ejus venerari nisi

nisi ignem quacunque seclusa imagine ; tradit **Ovidius**  
*Fast.* vi. 295. 19

*Esse diu stultus Vestae simulacra putavi ,  
Mox didici , curvo nulla subesse tholo .  
Ignis inextinctus templo celatur in illo ,  
Effigiem nullam Vesta , nec ignis habent .*

Hunc ignem foci publici sempiternum vocavit **Cic.** *de Legib.*  
ii. 8. & paullo post focum **Urbis** , quod ad similitudinem coelestium syderum custos Imperii flamma vigilaret , ut  
ait **Florus lib.** i. cap. 2.

Mulier , quae ad aram velum , sive vittam attollit ,  
Vestalis Sacerdos existimari posset , nisi vestitus ipse pa-  
rum Vestalem decere videretur , quum illae vel longa  
stola operirentur , ut in vetustis simulacris repraesentan-  
tur , vel toga , quemadmodum innuit **Festus** in *V. Armata*.  
*Armata* dicebatur *Virgo sacrificans* , cui lacinia togae in  
humerum rejecta ; nisi forte Vestalem novam esse velimus ,  
quae e populo forte lecta ad sacra arcana admoveatur ,  
nondum matronali ornamento insignita .

Sane de his antiquis monumentis , quae nullis certis  
symbolis distinguuntur , impudentis hominis esset senten-  
tiam ferre , neque enim omnia novimus , & qui proavos  
inventis antecellimus , facile a nepotibus superabimur .  
Multa adhuc invidet nobis oblivio temporum , ut poste-  
rorum ingenia aliquid sibi perscrutandum superesse intel-  
ligant .

Si locus est conjecturae , quae tamen a Vestae my-  
steriis oppido aliena est , anne nova nupta hoc typo  
repraesentatur , quae ante Larium privatorum focum flam-  
meum nuptiarum indicem capiti inducit ?

#### X I V.

### CAPITA TELLURIS , JOVIS , SOLIS , ET LUNAE.

**T**Elluri potius , quam Diis caeteris , quorum capi-  
ta circumquaque disposita sunt , Lucernam istam  
*Tom. I.* C 2 ad-

adscribendam duximus, quum virtutes illorum omnium in unius Terrae beneficium conspirare, & quodammodo famulari videantur. Supereminet Juppiter, qui est, ut ait Macrob. in *Somn. Scipion.* lib. 1. c. 17. apud *Theologos Mundi anima*. Hinc illud

*Ab Jove principium, Musae, Jovis omnia plena.*

Etenim in primaeva illa elementorum partitione, qua Jovi contigit coelum, terrae commercio ipse caruit; utinam semper caruisset; terra quippe omnibus inde communis fuit. Homer. *Iliad.* O. v. 190.

*Quippe ego (Neptunus) sortitus sum canum mare habi-  
tare semper*

*Motis sortibus; Pluto autem sortitus est caliginem obscuram;*

*Juppiter autem sortitus est coelum latum in aethere, & nubibus;*

*Terra autem adhuc communis omnium, & altus Olympus.*

Medius inter Jovem, & Tellurem Sol adspicitur, quia *Solem Jovis oculum appellat antiquitas*. Macrob. *Satur.* lib. 1. c. 21. Quod vero in Lucerna ista peculiare est, Sol ad laevam dispositus, quae occidentis plaga est, ad orientem convertitur. At ne oscitanter id factum esse existimemus, animadvertisendum est, propriam Solis vertiginem eam esse, ut ab occidente in orientem feratur motu pene contrario visibili illi, atque violento, quo in occidentem ex oriente movetur; quod etiam Macrobius scripsit in *Somn. Scip.* lib. 1. cap. 18. *Sol quoque ipse non aliter, quam ab occasu in orientem movetur.*

De Solis vero, & Lunae in subditam Terram potestate ita prosequitur memoratus author cap. 19. *Vitam vero nostram praecipue Sol, & Luna moderantur.* Nam quum sint caducorum corporum haec duo propria, sentire, vel crescere: *αισθητικόν*, idest sentiendi natura; de Sole: *φυτικόν* autem, idest crescendi natura, de lunari ad nos globositate perveniunt. *Sic utriusque luminis beneficio haec nobis constat vita, qua fruimur.*

## X V.

## SEPTEM PLANETARUM CAPITA.

**S**Septem Planetarum capita ita circumstant Terram *complexam medium Mundi locum*, quemadmodum ait Macrob. *in Somn. Scip.*, ut suas in illam vires exercere videantur.

Mihi tamen arridet magis obvia significatio: Deos nempe hebdomadae praesides, a quibus singuli dies nomen acceperunt, in hac Lucerna contineri, quorum dierum perpetuo labore tellus exulta, necessaria omnia suppeditat. Usus tamen iste computandorum temporum per hebdomadas apud Romanos minime antiquus fuit, qui Hetruscos imitati menses per Kalendas, Eidus, & Nonas partiebantur. Novi moris originem recenset Dio lib. 37. *Quod bis septem stellis, quae Planetes vocantur, dies assignari receptum est, inventum quidem putatur Aegyptiorum, sed tamen in omnes homines non ita pridem vulgari receptum est. Caeterum Graeci veteres, quantum quidem sciam, nullo prorsus pacto eam rem cognitam babuerunt. At vero nationibus cunctis, maxime vero Romanis, hic mos vulgatus est, ut quasi patrius videatur.*

Kalendae, Eidus, & Nonae a Rege sacrificulo singulis mensibus plebe convocata ad Curiam Calabram edicebantur, quintanae quinquies dicto verbo *Kalo*, septimanae septies repetito; hinc vox *septimana* pro hebdomada ad nos usque pervenit.

## X V I.

## CYBELÆ.

**C**ybeles, Berecynthia, Ops, Rhea, & quocunque vocetur nomine, nihil plerumque aliud est, nisi Tellus. Hanc Deorum ex Chao primogenitam recenset Hesiodus *in Theogon.*

*Primo quidem omnium fuit Chaos, at deinde Tellus lato pectore prodita . . . . .*

*Tel-*

*Tellus vero primum genuit quidem parem sibi.  
Coelum.....*

Verum certissimum sacrarum Literarum testimonium , cui refragari nemo potest , rem aliter se habuisse docet . *Gen. i. i.* בְּרָא אֱלֹהִים אֶת הַשָּׁמֶן וְאֶת הָאָרֶץ . Ne tamen Hesiodum falsi arguamus , altius repetendum est , quid utroque loco sub Terra nomine intelligatur ; neque profecto futilis labor divina humanis conciliare , quum inde deduci possit , Ethnicos etiam humanis traditionibus subnixos pleraque de rerum creatione recte sensisse , quodam veluti pignore Christianae Religionis , ut Gentium animi Evangelicae veritati minus aliquando repugnarent .

Moyses igitur in ipso Scripturae exordio , quasi totius divinae historiae compendium praeposuit ; quo a primo usque elogio doceremur , rerum omnium , quae sunt , quaeque deorsum sunt , Deum fuisse creatorem , qui maximus scribendae Geneseos finis fuit ; & sub nomine השם וְאֶת הָאָרֶץ coelum , quod intuemur , terramque , quam premimus , intellexit . Dein ordinem , quo quaeque facta sunt , exponens , materiam primam , sive elementum primigenium , ut *D. Augustinus* docuit lib. i. *con. Manich.* cap. 7. , praeponit sub nomine terrae informis . וְחָרֶן חִתָּה תְּהֵן וְכָהֵן . ☉ terra erat invisibilis , atque incomposita ; seu , ut Vulgata habet , inanis , ☉ vacua .

Haec vero proprie *Terra* non erat , neque talis profecto dici potuit , nisi quum apparuit הַיְבָשָׂה *bajabasciab arida* . Ex ea itaque massa omnia continente , & in qua lucis , & tenebrarum potestas erat , lucem eduxit , quum וַיֹּאמֶר יְהוָה אָור וַיְהִי אָור *Dixit : sit lux , ☉ fuit lux* .

At Coelum secunda die ex תהום Abysso segregavit . ☉ ; וַיִּקְרֹא אֱלֹהִים לְרוּעָ שָׁמַיִם וַיְהִי עָרֵב וַיְהִי בְּקָר יוֹם שְׁנִי cavit Deus extensum Coelum , ☉ fuit vesper , ☉ fuit mane dies secundus . Quod ut manifestius appareret , ubi divinus Historiographus cap. ii. 4. per anacephaleosin Mundi genesin iteravit , qua latina versio habet : *In die, quo fecit Dominus Coelum , ☉ Terram , litera Hebraea habet הארץ וּשְׁמָיִם Herez Vesciamaim : Terram , ☉ Coelum ,*


*lum , Terram nempe תָּהִי וְהַי Thobu & Bohu invisibilēm , & incompositam , e qua inde Coelum , caeteraque elementa deducta sunt , ut aperte testatur etiam D. Augustinus loc. cit. & c. 12.*

Hanc igitur primaevam terrae materiam Chaldaeū intellectexerunt , quum omnia fabulis involventes Deam hanc excogitarunt , quod apertissime ex Orphei hymno in R̄bam intelligi potest .

*Veneranda R̄bea in principio genita  
Mater quidem Deorum , & mortaliū hominū ;  
Ex te enim & Terra , & Coelum latum superius.*

Qui igitur ex Chao , sive Deo Primogenito primum Terram creatam dixerunt , a veritate non aberrarunt , si pro Deo Primogenito מֹשֶׁה Moysis intelligatur , qui primum quidem creavit Terram invisibilem , & incompositam , seu informēm materiam , e qua deinde Coelum , & Terra נִבְשָׁה bajabasciā , habitabilis , educta sunt .

Illud etiam notandum in Lucerna nostra , quod Deae biga sinistrorsum incedit , & manu laeva Cybeles cymbalum pulsat singulari exemplo . Id incuriae sigillatoris tribuendum puto , qui Deam dexteram in typo finxit , non praecavens inde in ectypo scaevam erupturam . Eadem oscitantia figulinae Romanae Musaei nostri sigillum commendat .



*Fundus Crispiniani Bipedalis : nomen mensurae lateris , quae a Vitruvio lib. 1. cap. 3. Δυοδωρον appellatur . Vidi memini apud Cl. Arrigonum assem Romanum cum aversa inscriptione AMOR. Vidi demum , his ipsis diebus Pisauri Anastasii Augusti semi solidum aureum cum hac epygraphe MVROCVADVA AICROTIV , quae placuit animadvertere , ne ad explicanda haec , quae omni prorsus carent mysterio , ad Etruscorum Acheronticos libros configiamus .*

Deae

Deae imago curriculo vehitur, cujuscemodi *Thensas* Romani appellabant; iis per circum in solemnibus Deorum simulacra ferebantur, veris quandoque animalibus junctis, quandoque & fictitiis, ut notavit Bonarot. *in Gem. Bacchan.* pag. 449. Omnium vero sacrorum spectaculorum Megalensia in honorem Magnae Matris prima erant, teste Ovid. *Fast.* lib. iv.

## X V I I.

## ΑΤΥΣ ΔΕΝΔΡΟΦΟΡΟΣ.

**A**TYNS in hac Lucerna dubio procul agnoscimus, non modo ex Phrygio cultu, verum etiam ex procera, quam manu tenet, pinu, quae potissime illi congruebat. De celeberrima hac caeremonia, quam Graeci Δενδροφόροι nuncupabant, Arnobius. lib. v. *Quid sibi vult illa pinus, quam semper statis diebus in Deum Matris intermittitis sanctuario? nonne illius similitudo est arboris, sub qua sibi farens manus & infelix adolescens intulit, & Genetrix Divum in solatium sui vulneris consecravit?*

Sane Dendrophori officium ad Sacerdotes pertinebat. Veteres tamen, quoniam Deos ipsos sacrificantium more frequenter exprimebant, ut supra demonstravimus, non solum dendrophororum habitu illos efformarunt, sed eo etiam nomine appellaverunt. Hinc apud Gruterum pag. LXIV. 7. existat Inscriptio *Silvano Dendrophoro* dicata.

Deus iste Phrygiis idem prorsus fuit, quod Adonis Phoeniciis, & Osiris Aegyptiis, nempe Sol ipse fabularum integumentis involutus, qui ab omnibus quotannis velut mortuus plorabatur, & rursum redivivus tristitiam mysteriorum depellebat. Sic ad rem Macrob. *Satur.* lib. I. cap. 21. *Praecipuam autem Solis in his caeremoniis (Attinis) verti rationem hinc etiam potest intelligi, quod ritus eorum παταβασι finita, simulationeque luctus peracta, celebratur laetitiae exordium ad octavum Kalendas Aprilis, quem diem Hilaria appellant, quo primum tempore Sol diem longiorem nocte protendit. Idem sub diversis nominibus religiosis*

nis effectus est apud Aegyptios , quum Isis Osirim luget . . . . eademque ratio , quae circa Adonim , & Attinem vertitur , in Aegyptia quoque religione iustum , & laetitiam vicibus annuae administrationis alternat .

Quia vero haec solemnia tunc peragebantur , quum Sol in arietem progrederetur , ut notat Dempster. in Rosin. , lib. 4. cap. 7. de Mense Martio , factum est , ut & Atys quandoque sub arietis forma cultus sit , & aries frequenter ei tribuatur . In gemma Musaei Carpinei apud Bonarot. Atys insidet arieti ; itemque in marmoreo simulacro , quod vidi dudum Romae in hortis Pamphiliis in Janiculo . Qua propter institutum est , ut criobolio coleatur ; quia etiam ab ariete Atyn denominatum dicit Arnobius eodem lib. v. Atagos enim apud Phryges , ut ipse tradit , Aries est , qui a Graecis modica inversione  $\tau\pi\alpha\gamma\sigma$  dicitur .

Alteram quoque hujus congruentiae rationem adducit Macrob. in Somn. Scip. lib. 1. c. 21. quod nempe die illo , qui mundi natalis fuit Arietem in medio Coelo fuisse , & quia medium Coelum quasi mundi vertex est , arietem propterea primum inter omnes habitum , qui ut mundi caput exordio lucis apparuit . Et paullo post . Ajunt enim in hac ipsa genitura mundi ariete , ut docuimus , medium coelum tenente , horam fuisse mundi nascentis .

## X V I I I.

### ATYS VENATOR.

**A**TYS ne , an Ganymedes hic repraesentetur , adhuc ambigo ; primum quippe nunquam venatoris habitu vidisse memini , qui cultus apprime Ganymedi convenit . Virgil. Aeneid. v. 252.

Intextusque Puer frondosa regius Ida  
Veloces jaculo cervos , cursuque fatigat  
Acer anhelanti similis , quem praepes ab Ida  
Sublimem pedibus rapuit Jovis armiger uncis.

Pineae ramuli , qui absolutissimi operis Lucernam am-  
Tom. I. D biunt ,

biant, parergi loco apte, congruenterque hinc inde apponuntur; per eos enim fabulae locus hujuscemodi arborum feracissimus indicatur.

Si vero Atyn expressum velimus, quum forte vacuus ministerio Matris Deum Sangarithidem Nympham deperibat, palmites illi, truncum, in quem mutatus fuit, commemorant. Ovid. *Metam.* x. 102.

*Et succincta comas, birsutaque vertice pinus  
Grata Deum Matri, siquidem Cybelejus Atys  
Exuit hac hominem, truncoque induruit illo.*

Fortasse etiam, quum haec Lucerna ad Megalensia Matris Deum referenda sit, idcirco pineae rami, nucesque adduntur, quod illis templum ejus Deae ornabatur, & sacrificiorum coronae constabant, Arnobio teste lib. v. adu. *Gent.* Illis etiam tympana pulsari solebant, ut, si caetera deessent testimonia, Lucernae plures Musaei nostri satis superque fidem facerent.

In usu quoque in monitrosis Cybeles caeremoniis pinus rami fuere, quibus planctus inter & ululatus furentium Sacerdotum pectora tundebantur. Stat. *lib. x. Thebaid.* v. 172.

*..... Quatit ille sacras in pectora pinus,  
Sanguineosque rotat crines;  
& Claudian. lib. i. in *Eutrop.*  
Cymbala ferre licet, pectusque illidere pinu,  
Inguinis & reliquum Phrygiis abscindere cultris.*

## X I X.

### ATYS SACRIFICANS.

**H**oc Lucernae fragmentum amissae partis jacturam, superstitis eruditione compensat. Sedet Cybeles, leunculis hinc inde throno assidentibus, qualem in templo Beli ex auro Semiramidem dedicasse scribit Diodor. Sicul. lib. ii.. Unde colligere possumus hujus Numinis commentum, non a Graecis, aut Aegyptiis, sed a primis usque Assyriorum deliriis incoepisse.

Phry-

Phrygio cultu e regione astat sacrificus Atys , nempe Dea, ut ait Ovidius *Fast.* iv. 223.

*Hunc sibi servari voluit , sua templa tueri .*

At peculiari observatione digna sunt liba , quae in duplicitis placentae formam arae imponit ; in iis enim scitissime sigillator expressit molas illas praecipuas , quibus veteri instituto Cybeli faciebant . Daps haec , quam *Moretum* appellabant , fiebat ex allio , apio , rutha , coriandro , bulbo , caseo , oleo , & aceto ; cuius quidem conficienda rationem adamussim refert auctor poematis , cui titulus *Moretum* , a qua mixtura pinsenda *Mortarium* dictum esse , quasi *Moretarium* ex Turnebo , & Scaligero arguit doctissimus Vossius in Etymolog.

Moreti usum , & rationem in sacris Cybeles refert Ovid. *Fast. loc. cit.* v. 365.

*Non pudet herbosum , dixi , posuisse moretum*

*In Dominae mensis ? an sua caussa subest ?*

*Lacte mero veteres usi narrantur , & herbis ,*

*Sponte sua si quas terra ferebat , ait.*

*Candidus elixae miscetur caseus herbae ,*

*Cognoscat prisca ut Dea prisca cibos .*

## X X.

### C E R E S ΔΑΔΟΥΚΟΣ & ΕΠΙΝΝΥΣ

**S**picis in hac Lucerna coronatur Ceres , quae alibi velata visitur , & cum loto ; neque tamen singulare id existimandum est ; talem enim describit Ovidius. *Amor. lib. III. el. 10.*

*Flava Ceres tenues spicis redimita capillos .*

item *Fastor. iv. v. 614.*

*Imposuitque suae spicea serta comae .*

Hinc inde taedas habet , illas nempe , quas Aetnae ignibus accensas , dum Persephonem filiam quaereret , usurpavit . Ovid. *loc. cit.*

*Illic accendit geminas pro lampade pinus ,  
a quibus δαδυκον illam Graeci , & taediferam Latini di-  
xerunt ; inde Ovidius *Heroid. epist. II. 42.**

*Et per taediferae mystica sacra Deae.*

Profecto memoratae faces doloris quondam sui conscientiae, ac tandem, reperta filia, laetitiae participes, perpetuo adhibitae fuerunt in sacris Eleusiniis, quae noctu procedentibus cum face matribus celebrari confueverunt. Unicum Ovidii testimonium affero ex cit. lib. iv. *Fastor.*

*Hinc Cereris sacris nunc quoque taeda datur.*

Facibus circumvolvuntur dracones, qui Cereri non una de causa tribuebantur; iis enim proprio curriculo junctis orbem peragravit; idem Ovidius *l. lav.*

*Quo simul ac venit, fraenatos curribus angues*

*Junxit, & aequoreas sicca pererrat aquas;*  
eosdem Triptolemo etiam concessit; in draconem denique & ipsa mutata est, quae omnia vulgaria.

Calathus infra additus, herbis, seu spicis onustus ritum illum commemorat, quo frugum primitiae Cereri offerebantur. Diodor. Sicul. lib. i. *Signa hujus inventae segetis ferunt, quod ab Aegyptiis veteri lege & nunc quoque observatur, ut messores aestate spicas maturas excerpant in Deae oblationem; quem morem sequuti sunt Romani, ut Virgilius docet. i. Georg. v. 338.*

*In primis venerare Deos, atque annua magnae*

*Sacra refer Cereri, laetis operatus in herbis*

*Extremae sub casum hyemis.*

Fragmentum eidem tabulae xx. superadditum protomen refert Cereris *Erynnis*. Ipsa enim per dolum a Neptuno compressa, & in furias acta <sup>epiurus</sup> ab Arcadibus vocata est, eoque sub nomine culta. Hujus effigiem in Arcadicis describens Pausanias, manu dextra facem gestasse memorat, cistam vero mysticam sinistra.

Corona spicea, quae tab. xxxiv. exhibetur, praetermitenda non erat, quum coronae hujus generis perraro admodum in vetustis monumentis occurrant. Pertinet illa ad sacra Cereris, cui pro fausto messium successu coronas ex spicis dedicabant. Tibul. lib. i. Eleg. i.

*Flava Ceres tibi sit nostro de rure corona*

*Spicea, quae templi pendeat ante fores.*

Et Ovid. Metam. x.

*Primitias frugum dant spicae sarta suarum ,  
Et Horat. Carm. Saecul.  
Fertilis frugum , pecorisque tellus  
Spicae donet Cererem corona .*

## XXI.

C E R E S C U M G E M I N O  
C O P I A E C O R N U .

**P**RAETER cistam , papavera , spicam coronam , atque serpentes insignitur Ceres in hac imagine gemino copiae cornu , quod Genio , Deabusque fere omnibus tribuebatur ; ipsi vero Cereri non immerito , nam praeter frugum beneficium , etiam

..... *Divitiarum datrix ;*  
*Divitias praebens Dea ; omnium datrix ;*  
*Et divitias praedivites adducens ,*

vocatur ab Orpheo in ejus hymno ; cuius quidem potissimi officii symbolum cornua sunt .

Dracones , qui pro pedibus Cereris visuntur , alati sunt ; cuiusmodi observantur in anaglyphis , in quibus ejus mysteria referuntur inter *Admiranda Romanae Magnitudinis Vestigia* .

## XXII.

C A N D E L A B R U M C E R E R I S .

**C**eres simili plane cultu frequenter occurrit , ac praesertim in aeneis , & fictilibus sigillis , quorum unum ex domestico Musaeo vulgavit Fabrettus *Insc. Dom.* pag. 493 . In eo autem singularia sunt pepli volumina insolenter omnino recurrentia ; quam quidem formam praecipuam illi , & propriam fuisse facile mihi persuadeo . Accedit orarium , sive *sepulchrum* ab humero in oppositum illum dependens ; perrarum admodum in vetustioribus signis , obvium vero in iis , quae ad quartum , & quintum Ecclesiae saeculum pertinent .

Flos

Flos loti in ipsa Romanorum Cerere Aegyptiam Isidem indicat, additis e Graecorum religione taeda, & papaveribus, quae numquam in Aegyptiorum signis apparent. Papaver, prae seminum abundantia fertilitatis omen, Cereri potissimum tribuitur; atque inde *Cereale* nuncupatur. Virgil. *Georg.* i.

*Nec non & lini segetem, & Cereale papaver.*

Potuit equidem candelabrum istud domestico usui addici, ad coenacula nempe illustranda eo tempore quo Cereris solemnia peragebantur; tunc enim, ut jejunium afflictæ Cereris imitarentur, cui, ut Callimachus inquit in ejus *Hymno*,

*Vesper, qui ut biberet Ceres, solus ei persuasit,*

*Quum raptæ ignota prosequeretur vestigia filiae;*  
religionis ergo noctu dumtaxat ad lychnos epulabantur.  
Ovid. *Fast.* iv.

*Quae quia principio posuit jejunia noctis,  
Tempus habent coenæ sidera visa sibi.*

Ac quamquam Lucernae coenatoriae pensiles essent, abacos tamen, & anclabria stantibus Lucernis instruebant, ut plurima vetera monumenta evincunt; praeterquam quod nullus dubito, plebejos homines humiliori consuetudine triclinio suo Lucernulam statuisse, quae paullulum assurgens undantium *Lucernarum*, ut ait D. Paullinus, vicem obtineret.

Verum religioso etiam usui destinatum fuisse suspicari possumus ex superiori ipsius candelabri parte, in qua Bacchi, & Cereris capita copulantur; communi enim ea Numina solemnitate colebantur, in qua ante Lares toga adolescentulis dabatur, ut Ovidius tradit *Fast.* iii. 785.

*Luce sua ludos uvae commentor habebat,*

*Quos cum taedifera nunc habet ille Dea.*

*Ergo ut Tyronum celebrare frequentia posset,*

*Visa dies dandæ non aliena togæ.*

Bacchus autem, & Ceres idcirco sociabantur, quod cibi, atque potus, unde vivimus, crederentur auctores, sive quod secretiore disciplina Solem, & Lunam referrent; inde Virgil. *Georgic.* i.

.... *Vos, o clarissima Mundi  
Sydera, labentem coelo quae ducitis annum,  
Liber, & alma Ceres;*  
quod etiam eo in loco probe animadvertisit Servius; Huc  
etiam spectat Diodor. *Sicul.* lib. 1. *Osridem interpretantur  
Dionysium Isidem vero Cererem;* hinc ab Orpheo in ejus  
*Hymno nuncupatur βούντιοις συνεστίος Dionysiaca convictrix.*

## XXXIII.

## CAPUT JOVIS.

**J**Uppiter, quem ex fulmine post terga posito haud in-  
juria *Placidum* appellare possemus, capite coronato,  
barba, & capillis calamistratis in hac *Lucerna* exhibetur.  
Hanc autem cirrorum religionem etsi aliis etiam Numi-  
nibus communem, in Jove praesertim deridet Pruden-  
tius περι στερεων X. v. 272.

*Forceps Mironis, Policleti malleus  
Natura vestrum est, atque origo Coelitum;  
Ars seminandis efficax erroribus,  
Barbam rigentem dum Jovis circumPLICAT,  
Dum diffluentem leviter flectit comam,  
Limat capillos.*

## XXXIV.

JUPITER CUM VASSIS  
PONTIFICALIBUS.

**P**Ensilis haec *Lucerna* una fortasse aliqua ex iis est,  
quae in delubris suspendi solebant. In superiori ma-  
nubrii parte anclabris repraesentatur, unde quaque Pontifi-  
calibus vasis refertus, quorum symbolo quandoque ipsa  
pietas, seu religio significatur, aliquando vero ipsum Pon-  
tificis officium, ut nummi evincunt.

Lucernas in templis accendi consuevit in Prolegome-  
nis demonstravimus, in eorum praecipue Deorum hono-  
rem,

rem, a quibus lucem maxime proficisci existimabatur; inter eos dubio procul censebant Veteres Jovem, quem vocat Orpheus in *hymn.*

..... *Magnum, purum, valde sonantem, clarum,*  
*Aereum, ardente, in igne currentem, in aere splendentem,*  
*Coruscantem splendore,*

In sacris Sabaziis nocturnas pervigilations fieri consueisse scribit Cicero *de Legib.* lib. II. 15. Ea autem ad Jovem ne, an ad Dionysium pertinerent dubitari potest. Evidem idem Cicero lib. III. *de Nat. deor.* 23. in Dionysii honorem instituta fuisse scribit. Verum quum *Sabazii cognomen Jovi tribuatur, non solum in antiquis Inscriptionibus Grut.* pag. XXII. 4. 5. 6. & Reines cl. I. 256: sed etiam apud Val. Maximum lib. I. c. 4. & Julianum Firmicum *de errore profan. relig.* XI., Jovi potius adjudicanda illa esse censemus, ac proinde in iis ad nocturnas pervigilations Lucernam hanc adhibitam fuisse. Sabazium, Jovem fuisse praeter memoratas Inscriptiones, & scriptores evincit etiam *Orphei hymnus.*

*Audi Pater, Saturne fili, Sabazi, inclite daemon,*  
*Qui Bacchum Dionysium valde rugientem insutum*  
*Femori insuens, ut perfectus veniret. &c:*

Sabaziorum meminerat fortasse Seneca *epist.* xcv. quorum loco in editis exemplaribus legitur *sabbathis.* Nolle me nimis audax videri; verum quum ibi Philosophus superstitiones cultus recenseat, eosque potissimum notet, qui Jovem respiciebant, verosimile maxime est pervaigilations, quae in Sabaziis fiebant, intellexisse, non vero Judaeorum sabbatha, quibus Romanos Lucernas religionis ergo accendisse nemo tradit; integrum Senecae locum affero; judicium penes eruditiores esto. *Accendere aliquem Lucernam sabbathis prohibeamus, quoniam nec lumine Dii egent, & ne homines quidem delectantur fuligine.* *Vetemus salutationibus matutinis fungi, & foribus aspidere templorum: humana ambitio istis officiis capitur;* *Deum colit, qui novit.* *Vetemus lintea, & strigiles Jovi ferre,* & speculum tenere Junoni.

Sed quoniam de Sabazio sermo incidit, haud erit abs  
re

re inquirere utrum a Sabo Sabinorum Deo ; cuius meminit Silius Italicus *de Bello Pun.* lib. viii. 421. , Sabazii Jovis cognomen derivatum sit . Nominis quidem analogia suadet , & Eusthatii authoritas in *Periegesi* ; vocis praeterea hujus in Etruria , & Latio pervulgata radix , quemadmodum Sabatina tribus , & ejusdem nominis lacus declarant . Verum quum Orpheus in laudato hymno Sabazium Jovem Phrygiae imperasse diserte scribat , e Phrygum theologia appellationem hanc petitam fuisse facile patet , apud illos vero ex primigeniae linguae fontibus dimanasse potius existimo , nempe a ζαβα, exercitus , ex quo appellatus est Deus ζαβαοθ , exercituum ; quam a σαβαξιν bacchari , ut illi existimant , qui Jovem Sabazium eumdem esse cum Libero Patre volunt ; quamquam Jovis nomen veluti quoddam divinitatis attributum plurimis Diis commune fuit , ut late ostendetur , quum de Diis Pisaurensibus agemus .

## X X V. X X V I:

### *JUPITER AB AQUILA ELATUS:*

**F**requentissime occurrit in Veterum Lucernis imago Jovis pectore tenus , ab aquila sublimis acti ; ex quibus octonas ferme Musaei nostri praetermisimus , duabus tantum selectis , quae operis elegantia reliquas superare videbantur . In his Jovis triumphum de Gigantibus repraesentari existimo . Aquilae infidet Juppiter ; illam enim perditis , & profligatis Titanibus viator concedit , quemadmodum tradit Laetantius *de Fals. Relig.* lib. i. c. ii. ; Sceptrum tenet , quo indicatur , ut animadvertemus in *not. ad Jovis Sereni imaginem* , placidum ejus imperium incepisse ; aquila vero uncis pedibus fulmen retinet , quia Jovi fulmina , quae in Gigantes jaceret , ipsa ministravit , ut Servius docet ad v. 564. ix. *Aeneid.* ; inde *Jovis armiger* dicta est a Virgilio *Aeneid.* v. 255.

Si quis autem hoc Jovis typo defunctorum suorum apotheosin Veteres indicare voluisse censeret , ac propte-

34

rea hujusmodi Lucernas inter sepulcrales annumerandas esse, is equidem a vero mea sententia non aberraret. Neque enim Principes dumtaxat inter Deos relati sunt; verum etiam procedente tempore impudentissima haec asseratio ad privatos quoque homines late dimanavit; quod animadvertisit pridem oculatissimus Bonarotius *Vetr. Ant.* pag. 217. & nos opportunius expendemus. Aquila, quae discum Lucernae tab. xxvi. implet, memoratae sententiae pondus addere potest; quum enim fulmine careat, ad consecrationem omnino pertinere videtur, praesertim quia in antiquis nummis, in quibus consecrationis fit mentio, ita semper rapresentatur.

Ac quamquam fictiles hae Lucernæ propter privatorum hominum apotheoses fieri potuerint, non propterea a Caesareis funeribus velut indecoras rejectas fuisse existimandum est; non enim pretiosioribus Lucernis ingentes illas sepulcrorum moles Veteres instruxisse credibile est, sed fictilibus his, quas in numerum pene immensum diligens figulorum cura suppeditabat.

### X X V I I.

#### A Q U I L A C U M T R O P A E O.

**F**Legantissimi hujus sphragismatis manubrium, lauream, & trophyum exhibet; discus aquilam fulmine instructam. Tropaeo equidem, Dacici alicujus vel Sarmatici belli Victoria indicatur; aquila vero non una de causa eidem copulatur; illa enim non modo Jovis Fertrii symbolum erat, cui opima spolia ferebantur; verum etiam Romani exercitus insigne, cuius quidem maiestatem ita repreäsentabat, ut reliquis signis, quemadmodum tradit Plinius lib. x. c. 4., in castris relictis, sola in acie portari paucis ante annis coepta erat; &, quod caput est, Numinis loco adorari solebat. Sveton. in *Calig.* c. 14. Artabanus praetergressus Euphratrem aquilas, & signa Romana, Caesarumque imagines adoravit. Tacit. *Annal.* 1. 39. Plancus signa, & aquilas amplexus religione se

se tuebatur. Accedit ominis caussa; aquilae enim auguria, in re bellica maxime fausta habebantur, & victoriā portendebant; Jovi quippe id illa praenunciaverat. Laetant. de Fals. Relig. lib. i. c. 11. quum ex Insula Naxo adversus Titanas (Juppiter) proficeretur, & sacrificium faceret in litore, aquila ei advolavit, quam victor bono omne acceptam imperio suo subjugavit. Sacra vero historia, & ante consedisse illi aquilam in capite, atque illi regnum portendisse testatur. Propterea Callimachus hymno in Jovem ait:

*Sed constitisti avem omnium praestantissimam nunciam  
Tuorum auguriorum.*

Id autem, ut planius ostenderet sigillator, aquilam expressit dextrorum conversam, alas leniter quatientem; quod optimum quidem augurium putabatur, ut ex Homero colligitur. *Odyss. O.*

### XXVIII.

### JUPITER CAPITOLINUS.

**S**ingularis profecto existimanda est haec Jovis Capitoli imago, coronam sinu praeferens, quam triumphantes deponere in illo consueverant. Seneca de Consolat. c. 10. *Scilicet minus beate vivebat Dictator noster, qui Samnitium legatos audiit, quum vilissimum cibum in foco ipse manu sua versaret, illa qua jam saepe hostem percusserat, laureamque in Capitolini Jovis gremio reposuerat.* Plinius lib. xv. c. 30. *Ex his (coronis) in gremio Jovis Optim. Max. deponuntur, quoties laetitiam parta Victoria attulit.* Et alter Plinius in Paneg. c. 8. *Allata erat ex Pannonia laurea; hanc Imperator Nerva in sinu Jovis collocarat.* Hinc Statius ut significaret nondum de Indis triumphum actum esse *Sylvar. i. 41.* ait  
..... *Nondum in gremio Jovis Indica laurus.*

## TEMPLOM JOVIS CAPITOLINI.

**P**Lures apud nos exstant Lucernae in M. Julii Philippi Aug. sive praediis, sive officinis formatae, quas omnes ad Urbem illuminandam in magnificentissimis festis millesimo Urbis anno ab Imperatore celebratis, adhibitas fuisse, ex iis, quae in prolegomenis praefati sumus, suspicari recte possemus; at omnem omnino dubitationem tollit Lucerna haec cum paucis comparanda illi. ejus Consulatu signata, quo solennes illos ludos contigisse, satis constat.

Templum in ea Capitolini Jovis exhibetur, in cuius fronte quatuor columnae tria intervalla, seu cellas conficiunt, in quibus Jovis, Minervae, & Junonis simulacra collocata sunt. Ita illud describit Dionysius Halicarnassensis *Ant. Rom.* lib. 111. *Tres in eo aedes, seu cellae pares, communia habentes latera; media quidem Jovis, hinc ♂ inde Junonis, ♂ Minervae sub eodem fastigio, ♂ tecto.* Juppiter sedet in medio; fulmen dextra, hastam sive sceptrum gerit sinistra. Evidem fulmen praecipuum fuit Jovis Capitolini insigne. *Minut. Felix pag. 18. Juppiter, quem Capitolinus dicitur, tunc gerit fulmina.* Fictile illud olim fuisse docuit Ovidius *Fast. 1.*

*Inque Jovis dextra fictile fulmen erat.*

Verum C. Flaminio, & Cn. Servilio Coss. Decemvirorum monitu decretum fuisse, ut fulmen Jovi aureum L. pondo fieret, tradit Livius. Hasta pura, sive sceptrum, cui sinistra inniti ur, summam illius in Deos omnes potestatem indicat, quuemadmodum scribit D. Augustinus *de Civit. Dei* lib. iv. c. 9. *Ipsum Deorum omnium, Dearumque Regem esse volunt; hoc ejus indicat sceptrum.* Juno etiam sceptrum, sive hastam puram gerit, quod illi maxime conveniebat, quae Regina appellabatur. Ovid. *Fastor. vi. 37.*

*Cur igitur Regina vocor, princepsque Dearum?*

*Aurea cur dextrae sceptra dedere meae?*

. A de-

A dextris sedet Minerva , Juno a sinistris , ordine apud Romanos solenni , ut animadverterunt jam Fabrettus de Col. Trajan. cap. 3. & Bonarotius in Praefat. ad numis. Carpinea pag. xxvi. quem tamen intervertit sigillator Lucernae apud Bartol. Par. i. 10.

Neque tamen existimandum est , extimam Templi partem hac Lucerna repraesentari ; Deorum enim simulacra , quae in cellis stabant , nequaquam expressa fuissent ; sed intimum illius prospectum , aedes nempe , seu cellas Deorum . Praeclare Bonarotius ad numisma vi. Hadriani pag. 19. *Dall'altra parte non si dee credere , che quell'abuso pur troppo comune agli artefici d'adesso , e che farà oscure , e confuse a' posteri le nostre cose , di farle , non conforme sono , ma , come si dice , idealmente , fosse altresì appresso gli antichi tanto comune , come è adesso ; anzi eglino erano più puntuali imitatori di quello , che veramente era ; nè si facevano tanto lecito d'esprimere le lor cose , azioni , abiti , e tempj d'altra , e differente forma da quello , che veramente fossero , e che il lor vero costume portasse . Perciò noi doviamo credere , che nel presente medaglione , non il gran tempio ( di Diana Efesia ) , ma bensì una picciola cella , dove quell' idolo , come in un tabernacolo , fosse collocato , sia espressa .*

Capitula columnarum , ultra quam par est , proceriora , inclinante saeculo formas etiam architecturae corruptas fuisse testantur . Columnae vero ex iis fuisse videntur , quae non ad onera ferenda , verum ad aedium parietes excolendas luxuriante ingenio fieri solebant ; nisi potius temporarium aliquod ornamentum hic repraesentetur , quo consuetus Templi adspectus novo cultu superinducto in ea celebritate spectabilior redderetur , & augustior . Ita certe amphitheatra novo , & alieno ornatu , prout res postulabat , instructa fuisse primus omnium docuit vir omni laude major Scipio Maffejus Veron. Illustr. Par. iv. lib. ii. c. 5.

Neque vero hoc columnarum genus in operibus superiorum saeculorum , quibus integræ artes florebant , ignotum est . Dum enim Romae adolescentulus versarer , &

& inter otia severiorum studiorum architecturae operam darem sub egregio viro, mihius in primis carissimo Philippo Juvara, tales prorsus animadverti inter ornamenta marmorati operis, quo Podium Amphitheatri excultum erat. Patet hinc, quum non ad firmitatem, sed ad speciem dumtaxat res spectaret, Vitruvianis legibus amandatis, Pictorum magis placita, quam certas, definitasque Architectorum leges in usu fuisse.

## X X X.

## J U P P I T E R C U S T O S.

**J**Ovis Custodis imaginem exhibent nummi, & marmor Gruterianum; sed quum in iis sedeat ille fulmen dumtaxat, & sceptrum tenens, vulgata Jovis symbola, praeter nomen nihil profecto ibi cernitur, quod Jovi Custodi peculiare sit. Nummorum tamen defectum supplet pensilis haec Lucerna, in qua Juppiter medius inter duos canes assidentes repraesentatur; quae quidem praecipua, ac singularis Jovis Custodis nota existimanda est. Alteram Lucernam Jovis Custodis effigie signatam, cane inferius dormiente vulgavit olim Licetus, atque iterum Bartolus Par. II. I. Canis autem idcirco Jovi tribuebatur, quod vigilantiae Divinae symbolum esset, quemadmodum Arnobius tradit lib. I. & VI. *adv. Gent.* eademque de caussa Laribus quoque tributum fuisse docet Ovidius *Fastor.* V. 137.

Similem Jovis Custodis imaginem repraesentabat marmor Romanum, quod Boissardus delineavit; ex Boissardo haufit Gruterus, & pag. XX. magni operis inseruit, sed inter duos Boves sedere Jovem tradidit. Gravius adhuc peccavit Monfoconius *Ant. Expl. Tom. I. Par. I. lib. II. c. 2* ubi eamdem iterum effigiem recudens, duas sphinges Jovi olim asseditse scripsit; tunc profecto, *vix fortasse*, ut ille ait, *pro Jove habita fuisse illa statua, nisi id Inscriptio ferret.* Colligere hinc licet, quam male Italae antiquitates ab extraneis multentur, etsi illas illustrare conentur.

Mar-

Marmoream item Jovis Custodis imaginem vidi nuper Ravennae in vestibulo Ecclesiae *di S. Apollinarino*. Sedet Juppiter inter duos canes, astat coram sive Genius, sive Mercurius seminudus columellae innixus; opus eximii profecto artificis, sed suprema sui parte miserrime corruptum, quale decet esse monumentum e Regia Gothorum superstes. Doctrina tamen Petri Pauli Ginannii, Monachorum Casinensium Prioris, ac Patricii Ravennatis, qui totus est in patriis antiquitatibus elucidandis, detrimenta ista compensat. Compensat item singularis munificentia Maphaei Farsettii, Ravennatis Archiepiscopi, qui, magnificentissimo Templo a fundamentis erecto, consepulta diu, & pene dispersa Antiquitatis vestigia, non solum communi tecto excepit, verum etiam aeri eleganter incisa vulgari jussit; Dignus propterea, qui pietate, & liberalitate *Sanctissimis, ac ter Beatissimis Praedecessoribus suis comparetur.*

## X X X I.

### *J U P P I T E R    D A P A L I S.*

**P**Rodit nunc primum officina Tindari Plotinae Augustae Liberti styli artificio, & emblematum eruditio ne spectabilis. Sedet in hac Lucerna Juppiter, dextra hastae innixus, sinistra fulmen tenens; scabello pedes imponit; astat aquila; hinc tripus molam spiraliter in conum desinentem sustinet; inde ara encarpo ornata lagenam diligentissime elaboratam; illa ambrosiam, hac nectar significari primum existimabam, quibus Deorum aeternitas sobrietate collabescens opportune reficeretur.

Verum re maturius perpensa non divinas epulas, sed hominum sacrificia repraesentari deprehendi, ea inquam, quae Dapes proprie appellabantur. Festus. *Daps apud antiquos dicebatur res divina, quae fiebat aut hyberna sente, aut verna, quod vocabulum ex Graeco deducitur, apud quos id genus epularum *δαις* dicitur.* Ritum describit Cato de *Re Rust.* c. 132. *Dapem hoc modo fieri oportet.*

*tet. Jovi Dapali culignam vini, quantum vis, poluceto. Eo die feriae bubus, & Bubulcis, & qui dapem facient. Quum polucere oportebit, sic facies. Juppiter Dapalis, quod tibi fieri oportet in domo, familiaque mea culignam vini dapi ejus rei ergo. Maclte vino inferiori esto; maclte bac illace dape polucenda esto. Manus interluito; postea vinum sumito. Juppiter Dapalis, maclte istace dape polucenda esto. Maclte vino inferiori esto. Vestae si voles dato. Daps Jovi assaria pecuina, urna vini Jovi caste; profanato sine contagione.*

## XXXII.

## J U P P I T E R H A M M O N.

**J**ovem, cognomine *Hammonem*, sub arietis forma cultum fuisse nemo est qui nesciat; verum in adscribenda hujus moris caussa non una est Scriptorum sententia. Aegyptii enim, quemadmodum tradit Diodorus Siculus lib. 1., Deos, ut Typhonis iram fallerent, sub animalium aspectu aliquando delituisse existimabant; Jovem praesertim sub imagine arietis, ac proinde *Amun* appellatum. At Herodotus aliter rem narrat; Jovem nempe ab Hercule rogatum, ut se illi aliquando ostenderet, arietis caput sibi imposuisse, pelleisque illius pecudis dorso suo aptasse, atque ita in Herculis conspectum se praebuisse. Plinius, Festus, Hyginus, compluresque alii scribunt arietem aquam Herculi monstrasse, dum Lybiam cum sitienti exercitu peragraret; Herculem vero tanti beneficii memorem, Jovis signum sub arietis aspectu dedicasse, inclytum deinde oraculis, & toto orbe celebratum.

Quaecumque tandem ex his fabellis apud Aegyptios invaluerit, id unum liquido constat apprime Deo huic nomen *Occulti* convenisse; id enim Hammonis vox significabat. Plut. de *Iside*, & *Osiride*. Manethos *Sebennita ea voce* (*Hamun*) *Occultatum*, & *occultationem* indicat significari; quae Vox deducenda fortasse est a *תְּמֻנָּה* *Tamun* quod, *occultum* significat. At de his alias ex proposito agendum est.

For-

Forma Hammonis nostri, qui humanae faciei restitutus est, superstitibus tantum discriminis gratia cornibus, non ea est, quali apud Aegyptios, ac Garamantas colebatur, integra facie arietis, ut tradit Curtius lib. 4. Id, quod pro eo colitur, non eandem effigiem habet, quam vulgo Diis artifices accommodaverunt; umbilico tenus arietis similis est; habitus smaragdo, & gemmis coagmentatus; & Silius lib. ix.

*Lanigeri capitinis media inter cornua perstans*

*Marmaricis ales populis responsa canebat;*

& D. Athanas. contra Gentes. Lybies ovem, quam Hammonem vocant, Deum habent. Patet ex his, Hammonem istum senili vultu ad genium Populi Romani fuisse reformatum; quippe qui barbaricas Deorum formas respuebat; neque Deos, sub alia specie effingendos putabat, quam quae dignior, & nobilior foret, ut animadvertisit Plut. de Iside, & Osiride.

### X X X I I I.

### J U P P I T E R   S E R E N U S.

**J**Ovem Serenum cognomine ab antiquis impense cultum testantur veteres Inscriptiones, in Gruteriano Thesauro vulgatae pag. xxiiii. i. mix. 9. quibus Pisaurensis alia accedit nuper effossa, ac in Oliverii nostri Musaeum inlata; verum ejus imago ignota adhuc, & frustra in tot antiquis monumentis conquisita nunc primum ante eruditorum oculos ponitur. Luna crescens, quae superne expanditur, aeternitatis symbolum est, in re nummaria notissimum.

Quem autem usum pretiosum hoc sphragisma habuerit, difficile admodum est definire. Illud quidem integrum est, interne vacuum, in columellae formam ad surgens; in ima parte retrosum sinuatur, ut tereti ligno suffixis clavis obfirmari adhuc possit. Ne tamen rem intactam relinquamus, conjecturae etiam in medio afferendae sunt; Suspicor autem illud vel tutelam Navis

*Tom. I.*

F

*fuis-*

fuisse , quam aliquis tenuioris fortunae nauclerus cymbae puppi affigeret , vel *tutelam ruris* , quam in casae culmo religiosus agricola collocaret . Simile plane monumentum vidi dudum Romae apud *cimeliopalam* quemdam , in ima quidem parte misere fractum , sed in superiori Graeca Inscriptione octo ferme linearum insignem . Verum illud fortasse periit , ut ibi solent pleraque fictilia monumenta .

## XXXIV.

## GENII JOVIS.

**F**ragmentum fictilis paterae operis omnium elegantissimi , quod egomet Romae inter rudera parietinorum in via Labicana anno MDCCXII. effodi , Jovem exhibet coelo receptum inter Geniorum obsequia , totum aquilae dorso recubantem *in otio plurimo placide stupentis divinitatis* , ut ait Tertullianus . Genii ministri palliolo adoperti sunt ; horum alter aquilae optime meritae libum porrigit ad aram fortasse illam , quam Juppiter quum ad eam aliquando in insula Naxo sacrificasset , coelo addidit , ut tradit Manilius *Astron.* lib. i. & v. Ara autem non solida est , sed compactilis , & quodammodo textilis ; vix enim credibile est sigillatorem canaliculorum ornamenta exprimere ita voluisse . Genius idem vel palmas Victoriae notam , attollit , vel spicas symbolum Pacis , quemadmodum Tibullus docet lib. ii. *Eleg.* 2. 62.

*At nobis Pax alma veni , spicamque teneto .*

Quale autem officium Genius alter Jovi praestiterit , deficiente patera utique divinare non ausim . Porro complures unicuique Deo Genios ministros assignatos fuisse animadvertisit Bonarotius *Osservaz.* a *Medagl. ant.* illos autem Deorum loco habitos indicat Minutius Felix , qui *Ethnicos* quoque per Jovis Genium jurare consuevisse scribit , & confirmat Arnobius lib. vi. *adv. Gentes.*

Philippus Bonarotius *μακριπτης* ebur antiquum vulgariter inter parerga Musaei Carpenei pag. 402. , in quo

Jup-

Juppiter nostro huic simillimus exhibetur , si unum excipias , quod ibi Genius ex vase potum aquilae ministrat , quae , licet , dum in humanis est , minime bibat , relata tamen inter Deos hanc sibi necessitatem immortalitate comparavit ; haec autem tanta anaglyphorum similitudo facit , ut credam , utrumque ex celebri aliquo prototypo desumptum esse , quod , quum a peritioribus laudaretur , plures sibi imitandum proposuerint . Sic probatissimas statuas frequenter admodum in antiquis gemmis expressas videmus , haud dubio testimonio veteris famae , quam summorum artificum imitatio comprobaret .

X X X V .    X X X V I .

*S A C R I F I C I A.*

**S**acrificia , quae in hac , & sequenti Lucerna exprimitur , quum nullo indicio , cui potissimum Numini tribuenda sint , deprehendi possit , Jovi adscriptissimus . Vereor tamen , ne , quod priori loco ponitur , ad Inferos Deos potius pertineat ; quum enim Diis Superis impares numero victimae immolarentur , Inferi parem numerum non respuebant , praesertim vero quaternarium , ut Virgilius docet *Aeneid.* vi . 242 .

*Quatuor hic primum migrantes terga juvencos  
Constituit , frontique invergit vina Sacerdos ,  
Et summas carpens media inter cornua setas ,  
Ignibus imponit sacris libamina prima .  
Voce vocans Hecaten , coeloque , ereboque potentem .*

Quod autem tabula xxxvi . exhibetur cum nummis Domitiani apprime convenit ; adeo ut solennia sacrificia , quae incredibili caeremonia ludis ipsis saecularibus Domitianus fecit , in hac Lucerna repraesentari haud immerito existimari possit .

## JUNO JUGALIS.

**N**uptiarum ritus illustrarunt eximii Viri , Brissonius nempe , Hotmanus , Casalius , aliquie , adeo ut pauca admodum dicenda sint nobis , ne crambem rectoram reponamus . Illud tamen non est silentio praetereundum , in hac , & sequenti Lucerna tria nuptiarum genera , quae apud veteres in usu fuerunt , repraesentari . *Tribus modis* , ait Servius in *Georg. lib. 1. vers. 31.* *apud Veteres nuptiae fiebant , usu , farre , & coemtione.* Juno Jugalis , seu Juga , ut dicebant antiqui , manus utriusque sponsi collo injiciens , quantum quidem conjectura auguror , confarreationem indicat , quae quidem sanctissimum matrimonii genus erat . Spica farris , quae pone sponsam visitur , auget suspicionem ; licet non ignorem fecunditatem ea significari posse , quemadmodum glande , quae post Sponsi tergum ponitur , perennitatem . Unam equidem e nuptialibus solennitatibus fuisse dexterarum conjunctionem , tam certum est , quam quod certissimum ; ita enim in vetustis anaglyphis matrimonia figurata cernimus . Proinde miror memoratos Scriptores , qui tam accurate omnia persequuti sunt , hanc non animadvertisse , quum praesertim a veteribus etiam Authoribus non obscure indicetur . Sidon. in fin. *Epithal.*

..... *Tum Diva comas viridantis olivae  
Pace ligat , necdit dextras , ac foedera jungit ;*  
Stat. *Sylvar. lib. 1. 11. 239.*

..... *Dat Juno verenda  
Vincula , & insigni geminat concordia taeda ;*  
inde Virgilius *Aeneid. 1V. 59.*

*Junoni ante omnes , cui vincula jugalia curae ;*  
inde Juno pronuba appellata .

In nummis M. Aurelii idem omnino typus occurrit , cum inscriptione VOTA PVBLICA . Eruditorum communis est sententia , illos propter Aurelii , & Faustinae nuptias percussos fuisse ; propterea haud temere existimat-

mare possumus easdem nuptias hac eadem Lucerna repre-  
sentari ; per eos enim dies , quibus nuptialia Princi-  
pum festa celerabantur, Urbeū universam in laetitiae ar-  
gumentum Lucernis positis noctu illuminatam fuisse cre-  
dibile maxime est ; eas autem Lucernas symbolis ad rem  
accommodatis a sigillatoribus formatas fuisse, late in pro-  
legomenis demonstravimus .

## XXXVIII.

## HYMENAEUS.

**D**uos alios nuptiarum ritus Hymenaeus, qui in ele-  
gantissima hac Lucerna exhibetur , designat ; asse  
quidem , quod suffixum cernitur , coemtionem ; face ,  
quam tenet , & urna , usum .

Coemtionem certis verbis factam fuisse , docet Cicero  
lib. i. *de Orator.* 56. ea autem refert Boethius in *Topic.*  
Cicer. qui pariter definitis illam solennitatibus peractam  
fuisse scribit . Quaenam vero solennitates illae fuerint ,  
non tradit . Existimant nonnulli , eas Varronem apud  
Nonium Marcellum descripsisse ; Veteri , inquit Varro ,  
Romanorum more nubentes mulieres tres ad virum asse fer-  
re solebant ; atque unum quidem , quem in manu tenebant ,  
tamquam emendi causa , marito dare ; alium , quem in pede  
babebant , in foco Larium familiarium ponere ; tertium in  
sacciperio quum condissent , compito vicinali solebant resigna-  
re . Ego autem Brissonio assentior , qui coemtionis prae-  
cipuam vim in eo constitisse arbitratus est , quod ima-  
ginariis quibusdam venditionibus perageretur , ut & ado-  
ptio , nummis aliquot dicis causa interventientibus , qui  
idcirco tamquam coemtionis symbolum in hac Lucerna  
repraesentantur .

Neque tamen inficiandum est , Dotem etiam eo asse  
indicari posse . Dos enim in aere gravi olim solvebatur :  
exemplo sint Scipionis Africani filiae , quae a Senatu  
tutore suo , inquit Seneca cap. 12. *Consolat. ad Helviam* ,  
*in dotem aes grave acceperunt .*

Usum

Usum autem, tertium matrimonii contrahendi genus, indicant facula illa, seu torris exardescens, quam sinistra manu inclinat Hymenaeus, atque urnula aquaria, quam ille dextera extensa videtur apprehendere. Evidem usu fieri matrimonium consueisse memorati Scriptores existimant, quum tutoribus auctoribus mulier in matrimonium conveniebat; & cum viro ita consuecebat, ut ~~cum~~ justo marito, adeo ut, si usus ille intra annum non interrumperet, pro usu capta jam haberetur. Sed praeter has Juris ambages solennitatem aliquam in his nuptiis intervenisse nemo, ut puto, ibit inficias; quae nam illa fuerit, a Scriptoribus non traditur; ego vero aqua, & igni usum contractum fuisse existimo, quemadmodum farreo libo confarreatio, imaginariis venditionibus coemtio fiebat; aquam enim, & ignem non fuisse caeremoniam in omnibus nuptiis usurpatam, sed certum matrimonii contrahendi genus, aperte docent veteres Scriptores. Naevius in *Virgine praeagnante* apud Nonium Marcellum in v. *Puriter*.

*Sequere me, puriter volo facias,  
Aqua, & igni volo hunc accipere.*

Ovidius Fastor. iv. 791.

*His nova fit coniux, haec duo magna putant.*  
Scaevola in l. Seja §. 1. ff. de Donat. inter vir., & uxor. Die nuptiarum priusquam ad eum transiret, & priusquam aqua, & igni acciperetur; idest Nuptiae celebrentur; Idcirco autem existimandum est toties ab antiquis aquae, & ignis mentionem fieri, quod pleraque matrimonia usu contraherentur; coemtionem enim, quae per aes, & libram fiebat, ut diximus, jamdiu desuisse, satis constat; confarreandi vero adsuetudinem suo jam tempore vel penitus omissam, vel certe inter paucos retentam, narrat Tiberius Aug. apud Tacitum lib. iv. annal. c. 16.

## X X X I X.

## MATRONARUM SACRIFICIUM.

**M**atronae stola amictæ, floribus coronatae, flores marae imponunt. Hinc facile intelligimus, sacrificium illud in hac Lucerna repraesentari, quod Kalendis Martiis Junoni Lucinae in Monte Esquilio matronae peragebant. Ovidius rem docet *Fastor.* 111. 253.

*Ferte Deae flores; gaudet florentibus herbis,*

*Haec Dea; de tenero cingite flore caput.*

*Dicite tu nobis lucem, Lucina, dedisti;*

*Dicite tu voto parturientis ades.*

*Si qua tamen grava est, resoluto crine precetur,*

*Ut solvat partus molliter ipsa suos.*

## X L.

## PAVO.

**P**avonis typus in Lucernis coemeterialibus frequenter occurrit; illum inter Christianorum emblemata præcipuum locum obtinuisse, postremo hujus operis Tomo, Deo favente, ostendemus. Pavo item in Ethnicorum Lucernis figuratur, & ad Junonem pertinet. Qua vero ratione hieroglyphicum Christianum ab ethnico discernatur ii norunt, qui ex assidua horum monumentorum contrectatione, probe Christianas Lucernas ab ethnicis di-gnoscere didicerunt; at de his in prolegomenis.

Pavonem Junoni familiare animal fuisse, nemo est qui nesciat. Minus fortasse vulgatum est malum granatum Junoni item sacrum fuisse. Juno Argiva, cuius simulacrum describit Pausanias in *Corinth.* illum manu gestabat: *Dea manu altera punicum malum tenet, altera sceptrum.*

## XLI.

## MONETAE.

**T**Rium Monetarum typum idcirco Junoni subjecimus, quod in illius Deae tutela moneta esset, minime vero quod Juno *Moneta* vocaretur, cuius quidem appellationis ratio nihil cum monetis commune habet. Juno enim *Moneta* appellata est a *monendo*. Cicero lib. i. de *Divinat.* 45. *Atque etiam scriptum a multis est, quum terraemotus factus esset, ut sue plena procuratio fieret, vocem ab aede Junonis ex arce exstitisse; quocirca Junonem illam appellatam Monetam.* Moneta vero, seu nummus, haud equidem dicta videtur a *monendo*, quasi *nota scripta moneat nos authoris, & valoris*, ut post D. Isidorum *Orig.* lib. xv. c. 15. summi Viri existimarunt, sed, nisi valde fallor, a *monade* unitatis signo, I, quo primum a Graecis, deinde a Romanis libra signata est; a quo pariter, quia *obelum* illud vocaverunt, *obuli* nomen derivasse puto.

Monetam plerumque sub trium Dearum imagine, quae tribus monetae metallis praesiderent, represe[n]tarunt Veteres. Media, qua aurum significatur, virginali habitu expressa est, hastatas lances tenens; reliquae cultu matronali, communibus lancibus instructae. Verum discrimine omni sublato in nummis Maximiani primum occurunt tres matronae pari habitu, paribusque lancibus, quales ferme in hac Lucerna exhibentur.

Typus iste, solis profecto numismatibus aptus, conjecturam nostram confirmat, quam in prolegomenis proposuimus; nullum nempe Numen, studium nullum, nullum denique hominum officium fuisse, quod in suppellectili domestica non efformaretur. Metallis iamdiu in alios usus conflatis, gemmae, vitra, fictilia monumenta, quibus avaritia hominum pepercit, supersunt adhuc, si attentius considerentur, frugem maximam eruditionis paritura.

## X L I I .

## N E P T U N U S .

**V**eteres Pisaurensis Urbis nummi ab Hub. Goltzio dudum vulgati Neptunum imberbem exhibent , delphino insidentem , qualis profecto in hac Lucerna representatur ; neque enim perpetuo barbatum fecerunt illum Antiqui ; inde ab Orpheo in hymn. appellatur *χαριτωπά gratiosam faciem habens*. Eadem omnino imago in Tarrentinorum nummis occurrit , atque ea Taram Neptuni filium significari communis est Eruditorum sententia ; quam tamen si in dubium revocavero , nimis audax videri nolle . Verum Neptunum Tarenti custodem appellavit Horat. lib. i. od. 28.

*Ab Jove , Neptunoque sacri custode Tarenti.*

quem proinde in illius Urbis nummis expressum arbitror. Inscriptio autem subiecta ΤΑΡΑΣ Urbis ipsius, quae numeros percussit , non autem Dei , qui in illis signatus est , nomen referre censenda est ..

Homerus Iliad. lib. xiii. Neptunum inducit equis curru junctis mare peragratem . Orpheus vocat illum quadrigatum currum gubernantem ; quos imitatus Virgilius Aeneid. 1.

*Flectit equos , curruque volans dāt lora secundo .*

Recte tamen delphino etiam imponitur , non solum quia symbolum hoc erat maritima Urbis , lateque mari imperantis , verum etiam quia Neptuno in primis carus erat delphin ; cuius quidem rei rationem Oppianus nos docet Aliuticon. lib. i.

*Eximie namque delphines Neptunus diligit ,  
Propterea quod ipsi nigris oculis puellam Nerei filiam  
Quaerenti , fugientem suum cetum Amphitritem  
Deprehensam delphini in Oceani domibus  
Latitantem nunciarunt .*

Tridentem vibrat Neptunus ; unde *εννοσίχθων* , & *εννοσίγλως* dictus est , quasi terram concutiens . Ita appellat illum , & Juvenalis Sat. x.

*Tom. I.*

**G**

*Ipsūm*

*Ipsum eum pedibus qui vinxerat Ennosigeaeum.*

### X L I I I .

#### T R I T O N .

**O**Mnigenae propemodum eruditioni , qua Lucernas suas Veteres excoluerunt , accedit aliquando curiosa Lucernae ipsius figura ; in clypei modum efformantur aliquae , nonnullae peltas referunt ; haec in ancilis formam efficta est , eam plane , quam in nummis observamus .

Neptuno jungitur filius Triton. Hesiod. *Theogon.*

*Ex Amphitrite autem , & gravicrepo Neptuno  
Triton late potens natus est .*

idcirco autem pelta protectus pugnantis habitu exhibetur , fortasse quia Patri adversus Gygantes praelianti praesto fuit ; neque enim terram dumtaxat , sed & mare ipsum teterrimo illo bello arsisse fabulantur Scriptores . Neptunum vero Polybotem per maris fluctus insestatum fuisse , atque in eum Co Insulae partem conjectisse eadem fabulae docent .

### X L I V .

#### T R I D E N S , E T P I S C E S .

**P**Iscatorium tropaeum exhibetur in hac Lucerna . Tridentis , Neptuni symbolum , talis est , qualem describit Orpheus *χαλκοτορευτον ex aere tornatilem* . Pisces utrinque penduli Neptuno sacri erant , ut Manilius docet *Astron.* lib. 11.

Non una de causa pisces Diis offerebant Veteres ; in inferiis nempe , de quibus suo loco agemus ; in fulminum procuratione , ut ex Ovidio constat *Fastror.* 111. & Plutarch. *in Numa* ; demum , quod ad rem pertinet , ob felicem piscationem Diis piscatoriae rei praesidibus suspensos fuisse tradit Aelianus *de Animal.* lib. xv. c. 6. ; ubi quoque Θύματα memorat sacrificia , quae a piscatori- bus

bus pro felici thynnorum captu fiebant Neptuno *αλεξιάνω*, sive *averrunco*, ne *ξιριας* pesce *spada* rete laceraret, vel delphinus thynnis opem ferret.

Apud Syros quoque, quibus pisces sacri, & inviolabiles erant, ex argento dedicatos narrat vetus Interpres Germanici in *Arataeis*. Usque hodie *Syri pisces argenteos in templo sacraverunt*.

## X L V .

### T R O P A E U M N A V A L E .

**T**ropaeum navale elegantissimum ad navalem aliquam victoriam Lucernam hanc pertinere demonstrat, quam tamen non incommodè inter Neptunales Lucernas collocavimus. Tridenti navis acrostolium imponitur. Appianus Alexandr. in *Mithrid.* Ut trireme cum ipsis hominibus religata in portum se receperunt multis onusti spoliis, ipsisque navium acrostoliis; navium enim captarum acrostolia a Victoribus adimi solita testantur Diodorus Siculus, & Xenophon. Delphini, qui ad latus tropaei cernuntur, vel, quum navalis rei symbolum sint, maris imperium significant, vel militares illas machinas repraesentant, quibus in navalibus pugnis utebantur Veteres. Svidas. *Delphinus est ferreum instrumentum, aut plumbeum in delphini effigiem formatum. Hoc in antemna mari praelium commissuri suspendunt, dejiciuntque in navem hostilem, eamque submergunt.*

## X L V I .

### G E N I U S N E P T U N I .

**O**Mnes fere, qui antiquitati elucidandae aliquam navarunt operam, hujuscemodi imagines Cupidini adscripserunt, cuius in elementa omnia potestatem veterum Scriptorum autoritate demonstrarunt. Illorum tamen sententiam longe equidem a mythologiae principiis distare

*Tom. I.*

G 2

exi-

existimo, quibus doceimur Deorum, locorumve Genios, imo & hominum aliquando, ipsarumque belluarum praesides repraesentatos fuisse.

Ac, quod ad Deos attinet, cuique Numinis Genios ministros adsignasse Veteres supra monuimus; quorum quidem plures recensuit Oliverius noster in elegantissimis commentariis *ad Marmora Pisaurensia* pag. 9., quem vide. Profecto, et si omnes Marinos Deos praesto Neptuno esse voluerunt, alatos tamen Genios illi quoque tribuerunt. Ex his unum Lucerna nostra exhibet eodem ferme gestu expressum, quo Neptunum ipsum in superioribus Lucernis repraesentatum observavimus.

Lares Permarinos memorat Livius lib. xl. *Idem dedicavit aedem Larium Permarinum in Campo; Voverat eam annis xi. ante L. Aemilius Regillus navali praelio adversus praefectos Regis Antiochi.* Quinam ii fuerint, incomperturn sibi esse Glareanus fatetur; sed, vel ipsi Dii maris praecipui intelligendi sunt, Neptunus nempe, & Salacia; aliquando enim Dii omnes Lares dicti fuerunt, ut in exercitationibus ad linguam Etruscam demonstrabimus; vel illorum Deorum Genii; nam Romani Larium, & Geniorum nomen promiscuo usu quandoque usurparunt. Arnobius lib. iv. *Hosce a nobis Deos violari, Larem, Genium focorum?*

## X L V I I .

### S C Y L L A .

**H**Omerus *Odyss.* xi. ita Scyllam describit.

**H**ujus enim duodecim sunt pedes, omnes deformes, Sex autem ei colla praelonga, in autem uno quoque Terribile caput; in eo autem trium ordinum dentes Densi, & frequentes pleni nigrae mortis.

At Romani longe aliter monstrum hoc repraesentarunt. Virgilius *Aeneid.* iii. 424.

At Scyllam coecis cohicit spelunca latebris  
Ora exortantem, & naves in saxa trabentem;  
Pri-

*Prima hominis facies, & pulchro pectore virgo  
Pube tenuis, postrema immani corpore pistrix  
Delphinum caudas utero commissa luporum.*

cui omnino respondent Sex. Pompeii numimi, & elegan-  
tissima, quam damus, Lucerna. Parum ab hac imagi-  
ne ea distat, quae in Tarsensium maximi moduli nü-  
mismate occurrit *Mus. Farnes.* Tom. iv. Tab. 22. 1.  
Scylla ibi tridentem tenet; quum autem Asiae Civita-  
tes peculiaria dumtaxat sua monumenta exprimere in num-  
mis solitae fuerint, verosimile maxime est, monstrum  
istud commentum fuisse Phoeniciorum; praesertim quia  
in Etruscorum monumentis non raro illud observatur,  
ii enim ex Oriente, ut compertum est, religionem, & fa-  
bulas advexerunt.

Apud Etruscos tamen, nisi valde fallor, Scylla non  
marinum, sed infernale monstrum fuit, Furiarum, sive  
Parcarum administra, quarum nutu homines morte affi-  
ceret. Hinc Virgilius Etruscorum fortasse mythologiam  
sequiutus in ipso Inferni aditu plures Scyllas recenset  
*Aeneid.* vi.

*Centauri in foribus stabulant, Scyllaeque biformes.*

### X L V I I I.

#### C A P E R M A R I N U S.

**C**Aprum flexuoso corporis vortice sinuatum, pinnis  
ad latera vehementer productis, inter monstra ma-  
ris collocandum censuimus. Plinius lib. ix. c. 3. de In-  
dici maris monstros sermonem habens, ait: *exeunt & pe-  
ctori similes belluae ibi in terram, pastaeque radices fructu-  
um remeant.* Oppianus *Aliuticon* i. inter pisces, qui in  
litore pascuntur, hircos recenset, *τραγόνες*

*Litus vero ad viride sub viridibus herbis  
Pascuntur maenides, & hirci.*

& lib. v. ubi plures maritimorum belluarum species enu-  
merat, quae terrestrium animalium nomen sortitae sunt,  
arietes memorat.

*sunt*

*sunt quidem*

*Arietes opilionum mansuetum pecus ; non autem maris Arietibus blandis utetur , quisquis eos appropinquaverit .*

## X L I X.

### M O N S T R A M A R I N A.

**S**I quid unquam Pictorum libidini obnoxium fuit , monstra certe marina fuerunt , quae quanto magis ab hominum commercio dissita sunt , tanto plus artificum commentis fuerunt exposita . Quicquid igitur illi de ingenio delinearunt , caret auctoritate , nec est unde illustretur . Verum tamen Scriptores marinorum belluarum pugnas describunt ; Plinius nempe lib. ix. c. 6. , & Oppianus *Aliuticon* lib. i. ubi crebros piscium in certaminibus adsultus , & caudarum invicem se complicantium volumina exprimit ; adeo ut jure illud Horatii usurpari hic possit :

*Pictoribus , atque Poetis  
Quidlibet audendi semper fuit aequa potestas .*

Hoc autem Lucernarum genus ad balneorum usum efformatum existimo ; in illorum enim pavimentis musivo opere excultis fere semper pisces , & monstra marina occurunt ; cuius quidem rei arguento esse potest elegansissimum illud musivum , quod Pisauri in domo Judaei cuiusdam adhuc supereft . Nocturnas vero balneationes Romanis in usu fuisse , non privato tantum , sed in publicis quoque Therinis ad Lychnos , diximus supra in Prolegomenis .

## L.

### D E L P H I N U S L Y R A M G E R E N S.

**I**N hac Lucerna symbolice Arionis fabula repraesentatur , qui a nautis Corinthiis ob praedae aviditatem dejectus in mare , cantus dulcedine delphinum tran-

transvectorem sortitus est. De eo sic Oppian. *Aliuticon* v.

*Et quidem aliqui Lesbii antiquum casum cantoris  
Audivit, quomodo delphini vectus tergis  
Fluctum nigrum trajecerit, interritus semper  
Canens, ut necem subterfugeret latronum,  
Taenariamque propinquavit ad littora Laconum.*

Et Ovid. *Fast.* II. III. v.

*Protinus in medias ornatus defilit undas  
Spargitur impulsa caerulea puppis aqua,  
Inde, fide majus, tergo delphina recurvo  
Se memorant oneri supposuisse novo.  
Ille sedet, citharamque tenet, pretiumque vebendi  
Cantat, & aequoreas carmine mulcet aquas.*

In cuius benefacti praemium delphinus inter sidera relatus est.

*Dii pia facta vident, astris delphina recepit  
Juppiter, & stellas jussit habere novem.*

Hippocampus anchora subjecta vel ipsum Neptunum,  
vel mare significat.

## L I.

### C O N C H A E.

**A**D balneorum usum hanc quoque Lucernam pertinere arbitror, in qua omne fere concharum genus expressit artifex, univalvias nempe, bivalvias, & turbinatas. Neque tamen omni omnino mysterio carere illas existimandum est; iis enim vel Neptunus Deus maris significatur, vel ipsa Venus, cuius cum conchis affinitas vulgaris est, & notissima. Transitus quoque ad Elisios per hoc symbolum indicari potest; in ipsis enim conchis animas ad beatorum loca velificantes frequentissime expressas in anaglyphis, & gemmis observamus.

## MINERVAE NATIVITAS.

**M**ulta sane in Romanis monumentis occurunt, quae quum in Etruscorum morem efformata sint, petiae inde religionis non leve testimonium reddunt. Ac quamquam Minervae ortum Graeci, & Etrusci celebraverint, Lucernae nostrae typum ad Etruscum potius thelogiam referre minime dubito, quippe qui exactissime respondeat celeberrimae paterae Cospianae, quae a Fabretto primum, & Bonarotio, demum etiam a Gorio vulgata est. Porro quotiens Deorum quaedam imagines in operibus materia, aetate, loco, & usu valde diversis repetitae observantur, haud temere existimari potest, eas ex prototypis augustioribus exceptas fuisse, quorum effigies diuturnior religio longe lateque propagasset. Accedit, quod Minervae nascentis, sive ut ajebant capitae, simulacrum ex Falerio Etruscorum Urbe Romam perductum fuit. Ovid. *Fastror* III.

*Parva licet videas capite delubra Minervae,*

*Quae Dea natali coepit habere suo.*

*Nominis in dubio causa est; capitulo vocamus*

*Ingenium solers; ingeniosa Dea est.*

*An quia de capitis fertur sine matre paterni*

*Vertice cum clypeo profiluisse suo?*

*An quia perdomitis ad nos captiva Phaliscis*

*Venit, & hoc signum litera prima docet?*

accedit etiam quod solennia festa, quae in natali Minervae Romae peragebantur, Etrusco vocabulo *quinquatria* appellabantur. *Atrus* enim Etrusca vox *diem significat*; inde *Ovidius loc. cit.*

..... & fuit sacra Minervae

*Nominaque a junctis quinque diebus habent,*

Quinquatriorum solennia medium ferme Romani completebantur; nam mulieribus, artificibus fere omnibus, Medicis, Oratoribus, cunctarum denique scientiarum Professoribus communia erant. Proinde mirum non est tot tan-

tantasque illius Deae imagine signatas Lucernas reperiri ;  
praeter quam quod Dea olei inventrix potissimum jure in  
iis exprimi debuit .

## L III. L IV.

## MINERVAE CAPITA.

**C**apiti Minervae , in duabus Musaei nostri Lucernis ,  
duae diversae cassides imponuntur ; in prima Tri-  
ton , Victoria in altera caelata est . Evidem galeae  
Minervae pluribus emblematis ornatae occurunt in an-  
tiquis monumentis ; coronis nempe , monstis marinis ,  
pegaso ; frequentius tamen Tritone , quem huic Deae ,  
quae Tritonia vocabatur , praecipue tributum , haud ine-  
pte censet Bonarotius *Osserv. a Medagl. ant.* pag. 190 ;  
Triton buccinam inflat , cuius immanem sonum mire ve-  
teres Poetae descripsierunt . Victoriola vero , quae in al-  
tera casside signata est , apprime Minervam decet , quae  
apud Athenienses , & Megalenses <sup>N. xxvii. A. 99 v. i.</sup> Victoria Pal-  
las vocata est ; ac propterea in illius dextra collocatum  
fuisse plerumque Victoriae simulacrum , docuit jam Bo-  
narotius pag. 105. *cit. oper.* Jure igitur ab Orpheo in  
*hymn.* appellatur <sup>νικηφόρες δαιμόνιος</sup> Genius victoriam ferens .

## L V.

## PALLADIS PROTOME.

**E**T si Palladem truci , feroque aspectu Poetae nobis ple-  
rumque describant , blando tamen , venustoque vultu  
non raro exprimitur , quandoque etiam puerili ; Lucifer-  
na enim nostra Deam recenter natam videtur repreesen-  
tare .

Singularis profecto est tunicae cultus , inter cujus un-  
dantes lacinias , manicae loco , dextrum brachium exe-  
ritur .

## P A L L A D I S   S I M U L A C R A.

**E**Xigua quaedam Deorum simulacra in domestico Larario ab Antiquis culta fuisse nemo nescit ; inde *parva* appellat illa Horatius lib. III. Carmin. od. 23.

*Parvos coronantem marino  
Rore Deos , fragilique myrto .*

& Juvenalis Sat. ix. 137.

*O parvi nostrique Lares , quos thure minuto  
Aut farre , & tenui soleo placare corona .*

Neque tamen Larum dumtaxat imagines ibi collocatas fuisse existimandum est ; omnium enim Deorum , quos impensiori cultu quisque prosequebatur , signa in eo reponebantur . Inde latiori notione Dii omnes familiares Etrusco vocabulo *Lares* appellabantur , quod quidem monuit doctissimus Vossius in *Etymolog.* v. *Lar* , & nos fusius in *exercitationibus ad linguam Etruscam* dicemus . Inde etiam *Lares argenteos* , non duos , sed septem Reginis legavit T. Tarfenius Sabinus , ut habet inscriptio Gruteriana pag. CLXXIV. 7. Proinde mirari nemo poterit inter illos Palladem quoque adscitam . Ac quamquam argenteos Lares memoret allata inscriptio , fictiles tamen plerumque fuerunt ; religioni enim ducebant Romani in hisce Numinibus excolendis ab antiqua simplicitate recedere , ut egregius Dionysii Halicarnassensis locus docet *Ant. Rom.* lib. II. *Vidi ego quidem in sacris Laribus caenas Deis appositas super mensis ligneis in vetustis canistris , & fictilibus , ordeaceas pultes , & liba , & farra , & fructuum quorundam primitias , aliaque multa hujusmodi sumptu facili , & ab insolertia omni libera ; vidi etiam libamina infusa non in argenteis , aut aureis vasis , sed in testaceis calicibus , & urceis , sumque maxime eos homines admiratus , quod in patria permanentes consuetudine insolentiorrem in usum nihil prorsus vetustorum commutarent . Fictilia igitur Musaei nostri elegantissima Palladis sigilla in opulenti etiam hominis Larario collocari potuerunt . In-*

hae-

haerent singulis Lucernulae, tumo adhuc foedatae, cruda argilla opere solido appositae, quarum sacro lumine Lares honorabantur. D. Hieronymus in *Isaiam* cap. xvi. 57. *Tutelae simulacrum cereis venerans, & Lucernis.*

At cur tria Palladis simulacula eadem, ut videtur, artificis manu efformata, vario vestium cultu? Mysterium aperit Diodorus Siculus lib. i. *Palladem dictam esse Trigeminam propter tria anni tempora, ver, aestatem, hysmem.* Quorum temporum studiis inter pacis, & belli opera distributis varius Deae cultus respondet; modo enim pacifera olivae ramum ostendit; modo succincta, & armata aptam ad bellum tempestatem demonstrat; modo denique hyemantis habitu peplo superinducto representatur.

## LIX. L X.

### *MINERVA PACIFERA, ET DIMISSO CLYPEO.*

**V**eteres nummi, Albini praesertim, eodem plane gestu Minervam Paciferam repreäsentant. Hoc autem mite officium Minervae, quae <sup>περσεπόλεις</sup> *Urbium vastatrix* dicebatur, ut apud Aristophanem, & Callimachum videre est, illustrem, ac gloriosam peperit appellationem <sup>επιστημόνεις</sup> *Patronae Urbium*, ut ab authore hymni, qui Homero tribuitur, nuncupatur.

Ea vero Palladis imago, quae tab. LX. exhibetur, ex celeberrimo Phidiae simulacro, quod ex auro, & ebore Athenis visebatur, excerpta videtur. Pausanias in *Atticis* ita illud describit: *Simulacrum stat ueste ad talos usque demissa, Medusae capite ex ebore ejus pectori inserto . . . . in manu est hasta; ad pedes scutum jacet.* xxvi. cubitis altum illud fuisse scribit Plinius lib. xxxvi. cap. 5. Palladem etiam Trojanam, ad cuius simulacrum confugerunt Dracones, qui Lacoontem Deae jussu interfecerant, haud absimilem fuisse arbitror; de illis enim ita cecinit Virgilius *Aeneid.* i. 227.

*Sub pedibusque Deae, clypeique sub orbe teguntur.*

### L X I . L X I I .

#### *MINERVA CONSILIA RIA, ET* *ΟΠΛΟΧΑΡΕΣ.*

**P**osito humi clypeo, rejectaque in sinistram ulnam lancea, dextram protendens, aliquid edisserere videatur Minerva, quam proinde *Consiliariam* appellavimus; notissima enim sunt illius Deae cum Ulisso colloquia, & cum Telemacho, cui optima de Patre perquirendo, perdendisque matris procis dabat consilia, quae omnia ab Homero fuse recensentur. At in re obscura nihil certi afferri potest. Fortasse etiam eo gestu victoriam indicat; ita Pyrrhi statua expressa erat, ut victoriam significaret, quemadmodum docet nos Epigramma vetus *Antholog.* lib. v. ep. 35.

*Dextram vero intendebat sua testem Victoriae.*  
nisi potius pacificum gestum illum existimare velimus; ita certe Antiqui Caesarum statuas pacatoris habitu, ut dicimus, repraesentabant. Domitianum ita efformatum fuisse testatur Statius *Sylvar.* lib. i.

*Dextra vetat pugnas.*

Eximia, quae adhuc Romae in Capitolio superest, aenea M. Aurelii statua dextram item extendit.

Pallas, quae in altera Lucerna tropaeum gerit, jure *οπλοχαρεσ* dici potest, quasi *armis gaudens*, ut ab Orpheo vocatur in ejus *bymno*; praeterquamquod tropaea praeципue illi dicari consuevit tradit Aristides *Orat. in Minerv.*

### L X I I I .

#### *PALLAS CUM CISTA MISTICA.*

**F**Legantissimi opificii Lucerna, praeter Minervae imaginem, olei vasculum mensae impositum exhibet, quo praeclarum Palladis inventum designatur; in opposita

sita parte supra columellam mystica cista repraesentatur, quae, etsi illam Minervae etiam tributam Scriptores docent, aut raro admodum, aut certe nusquam in antiquis monumentis illius Deae symbolis jungitur.

Causam vero, cur Palladi cista mystica adsignata fuerit, Ovidius narrat *Metam.* lib. 11. 553.

..... *Nam tempore quodam  
Pallas Erichtonium prolem sine matre creatam  
Clauerat Actaeo texta de vimine cista,  
Virginibusque tribus gemino de Cecrope natis  
Servandam dederat, sed enim inconfessa quid esset,  
Et legem dederat, sua ne secreta viderent.  
Abdita fronde levi densa speculabar ab ulmo,  
Quid facerent; commissa duae sine fraude tuentur,  
Pandroso atque Herse; timidas vocat una sorores  
Aglauros, nodosque manu diducit, & intus  
Infantemque vident, exporrectumque draconem.*

Inde institutum, ut sacrae virgines cistam in Minervae honorem ferrent; caeremoniam Pausanias describit lib. vii.

## L X I V .

### P A L L A D I U M .

**V** Era, ac genuina Palladii forma, quam Graeca monumenta repraesentant, mulierem superne armatam, in oblongum stipitem desinentem referebat. Addunt Scriptores hastam, & colum gestasse, cuiusmodi nusquam vidi. Simulacra ejus formae ερυανναι dicebantur, sive quia ex Mercurio, & Pallade unum dumtaxat Numen coagmentatum fuisse arbitrarentur, seu potius a voce ερυα, quae fulcrum etiam, & columellam significat; quod quidem verius arbitror; ea enim aetate, qua coelo delapsum fuisse Palladium commenfi sunt, quum rudis adhuc, & infantissima esset sculptura, vixque artifices sarcis lapidibus, (*Betylos* Phoenicij vocabant), hominum capita aptare didicissent, necessitate verius, quam mysterio, in eam formam Palladis simulacra expressa fuisse existimandum est.

Palla-

Palladium vero Romanorum, quod millies in antiquis operibus occurrit; ad talos usque tunicatum est. Quum autem artifices in exprimendis Deorum simulacris nihil de ingenio addidisse probe sciamus, in magnam adducor suspicionem, simulacrum illud pretiosa aliqua veste a Romanis religionis ergo ornatum fuisse. Deorum quippe signa saepenumero vestibus induita fuisse indicat Tertullianus *de Idolol.* cap. 18.; hinc apud Julium Firmicum *vestitores simulacrorum* memorantur.

Palladii historiam varii varie tradiderunt; quae omnia, quum etiam antiquariorum filiis nota sint, consulto praetermittimus; illud tantum dicendum videtur, Romae Palladium tanta religione cultum fuisse, ut soli Vestali maxima adspicere illud liceret. Lucanus lib.

i. 597.

*Vestalemque chorum dicit vittata sacerdos,  
Trojanam soli cui fas videre Minervam.*

& lib. ix. 993.

*..... nullique adspecta virorum  
Pallas in abstruso pignus mirabile templo.*

## L X V.      L X VI.

### N O C T U A, E T M E D U S A.

**N**OCTUAM Minervae sacram fuisse nemo nescit; atque perpetuo quidem a prima usque Aegyptiorum superstitione huic Deae tributam docet Philostr. *de vita Apollon.* II. 9. Quae tab. LXVI. galeae Palladis insidet peculiari animadversione digna est, quippe quae Academiae nostrae insigne referat; par fortasse erat, ut signum illius Academiae, quae tantopere meretur de Lucernis Veterum, in ipsis antiquis Lucernis formatum reperiretur.

Medusae caput frequenter in nostris Lucernis signatum occurrit; sed quum nihil in iis novi deprehendi posse videatur, elegantissimum dumtaxat fragmentum aeri incidentum curavimus, quo Medusa absque serpentibus exhibetur, raro admodum exemplo.

LXVII.

## L X V I I .      L X V I I I .

GENIUS MINERVAE ET ARIES  
ARAM CORNU IMPETENS.

**P**Olemus, quem refert Plutarchus in *Principem indorum*, existimavit unum Amorem esse Deorum omnium administrum, licet Hesiodus *Theogon.* ipsum illorum omnium domitorem nuncupasset. Non desunt tamen argumenta, quibus docemur, Veteres Diis singulis peculiares Genios administratos attribuisse, quorum tamen nomina, si pauca excipias, interciderunt. Genius Jovis, & Neptuni supra exhibuimus; aliorum etiam Deorum Genios suo loco proferemus. Minervae Genius producendus nunc est, qui sedens Minervae arma custodit, eaque pueriliter ostentat.

Aries, qui Minervae aram cornu impedit, sigillatoris jocus est; lusit ille fortasse indocti hominis impudenter, qui sola morum feritate suffultus doctorum hominum studia carpat, atque perstringat. Hujuscemodi plurima occurrunt in antiquis gemmis, in quibus apolo-  
gi, ac fabellae multae facetissime exprimuntur. Sardam Musaei nostri inter hujus operis parerga dedimus, in qua vulpes lignarium alloquitur.

## L X I X .      L X X .

## CANDELABRUM APOLLINIS.

**A**pollo, cithara columellae imposita, dextraque post tergum rejecta, meditari aliquid videtur; laudes fortasse Jovis, quas illum cecinisse docet Tibullus lib. II. el. 5.

*Qualem te memorant Saturno rege fugato  
Victoris laudes concinuisse Jovis.*

Profecto, quum citharoedus Apollo repraesentatur, pal-  
la ad talos usque demissa induitur. Idem Tibullus lib.

III. el. 4.

*Ima*

*Ima videbatur talis illudere palla,*

*Namque haec in nitido corpore vestis erat.*

pro sculptorum tamen arbitrio illam modo brachiis circumvolvit, modo sub femore, modo supra genua colligit.

De Grypho, qui Lucernae discum obtinet, alias erit fermo.

## L X X I .    L X X I I .

### A P O L L O    A R C I T E N E N S .

**A** Pollinem *εκβολον*, longe jaculatorem appellat Homerus *Iliad.* i. & in *hymno*, si tamen Homero hic attribuendus est; inde arcum intendit in *Lucerna nostra*; nisi fortasse Sminthei Apollinis imago in ea repreäsentatur, quem a mūribus sagittandis in hunc modum efformatum fuisse docent nos Veteres; neque enim Pythium Apollinem hunc esse dixerim, quum nulla occisi Pythonis signa appareant; neque Actium; licet enim ille arcum intenderit, ut Virgilius tradit *Aeneid.* viii. 704.

*Actius haec cernens arcum intendebat Apollo.*

& Propertius lib. iv. el. 6.

*Actius hinc traxit Phoebus monumenta, quod ejus*

*Una decem vicit missa sagitta rates.*

talari tamen habitu indutum Augusti nummi exhibent.

Apollo *τοξοφόρος* arcitenens, ut ab Homero in *hymno* appellatur, columnae innixus, remissum, otiosumque arcum laeva tenet in tab. lxxii. Talem profecto Romanis Apollinem precabatur Horatius *Carm. Saecul.*

*Condito mitis, placidusque telo*

*Supplices audi pueros Apollo.*

## L X X I I .    L X X I V .

### A P O L L O    C I T H A R O E D U S .

**A** Pollo citharoedus sedet in duabus his Lucernis; in prima quidem solio insidet, ut alter ille Apollo, quem

quem Pausanias in Arcadic. describit ; rudi scopulo in altera . Quid canat Apollo , ex Tibullo supra indicavimus . Tradit autem Orpheus in Hymno modos canendi ab Apolline ita alternatos esse , ut illorum varietate quatuor anni temporibus respondente , temporis cursum , coequique motum cantu significaret .

## L X X V .

## A P O L L O C U M Q U A D R I G I S .

**P**one Apollinem sedentem columella adsurgit , e qua illius arcus , & pharetra dependent ; hoc autem anaglyphum mirifice illustratur ab Homero in hymn. Apollin.

*Latona autem sola manet apud Jovem fulmine gaudentem ,  
Quae utique chordam ( arcus ) remisit , & occlusit pharetram ,  
Et illius ab fortibus humeris manibus captum  
Arcum suspendit ad columnam Patris sui  
Clavo ex aureo .*

Gryphus autem Apollini sacer idcirco tripodi insidet , ut illius vaticinandi facultatem demonstret .

Premium majus Lucernae ansa est , quae in Lunae silentis formam erigitur , vulgari symbolo aeternitatis , quae tamen Solis propria credebatur ; inde ille in antiquis inscriptionibus saepenumero aeternus appellatur . Quadrigae tres dextera assurgens , media stans , sinistra declinans , tria diei spatia significant ; in totidem enim partes ante horarum divisionem Graeci , & Romani Veteres diem partiebantur . Homerus Iliad. Φ. in pr.

*Seu aurora fuerit , seu crepusculum , five meridies .  
noctem etiam ut ex eodem Homero colligitur Odyss.  
M. 311.*

*Quando autem tertia pars noctis advenit , & astra inclinarunt .*

Equidem diei in duodecim horas partitionem apud Romanos serius introductam testantur Plinius lib. vii. c. 60. & Censorinus de die Natali cap. 23. eamque consuetudinem Cicero tradit ab Aegyptiis promanasse , quos Cy-  
Tom. I. I noce-

nocephalus in templo Serapidis duodecim vicibus quotidie misceturiens, commodam hanc divisionem edocuit. Horarum quoque nomen Aegyptiam originem redolet; ea enim lingua <sup>υρβος</sup> Sol dicebatur, ut superius etiam animadvertisimus. Neque ob aliam certe causam apud Graecos etiam Apollinem cognomine *Horionem* cultum fuisse existimandum est, licet Pausanias in *Corinthiac.* de illius appellationis ratione nihil se deprehendisse scribat.

## L X X V I .

## A P O L L O   I N T E R   M U S A S .

**V**Idimus hactenus Apollinem musicum, videamus & histriōnem; Stat quippe in insigni hoc anaglypho medius inter Thaliā, & Melpoīnenē comoediae, ac tragoediae antīstitas. Illa Graeco more palla superinducta est, quales plerumque feminae in Vaticano codice Terentii repraesentantur; larvam praeterea, ac disparē tibias gerit, quibus in comoediis factos fuisse modos, vel ipsi existantium comoediarū tituli declarant. At Melpomene velata, grandique syrmate superinjecto Deam agit, manuque capiti admota grande quid meditatur.

Columnarum ornatus, concharumque, ac fastigiorū, atque inter spatiā larvarū, ad scenā pertinet, ad quam exornandā auro, argento, ebore, & quod plus est, pulcherrimis etiam signis usos fuisse Romanos testatur Plinius lib. xxxiv. c. 7. & lib. xxxvi. c. 2. 5. 6. 16.

Comoediae, & Tragoediae Ludis ipsis agebantur; neque vero postremam in illis partem obtinebant; quum autem in honorem Deorum Ludi instituti essent, ut tradit D. Augustinus *De Civit. Dei*, & Tertullianus in *Apolog.* & lib. *de Spectaculis*, illae etiam quodammodo sacrae censebantur, & partem sacrificiorū constituebant; propterea mirum videri non debet, si in parte theatri dextera Baccho, & Apollini arae constituerentur, quod animadvertisit maximum, quemadmodum ab Oliverio nostro jure appellatus est, saeculi ornementum

Maf-

Maffejus in elegantissima dissertatione ejusdem Cl. Viri Teatro Veronae impresso addita. Recte igitur rei ludicrae accedit Apollo cum toto tripode, & suo Pythonem, citharam pulsans.

Haec emblemata, sive vitrea ea sint, sive ex alia quavis ductili materia, ad internas aedium partes excoldandas tectorio parietum includebantur. Cicero *ad Atticum* lib. i. ep. 6. *Praeterea typos tibi mando, quos in tectorio atriali possis includere.* At quales, quantosque putemus fuisse typos illos ex vitro, quibus Scauri scena exornata est, quemadmodum tradit Plinius lib. xxxiv. c. 15. *Scena triplex ei fuit in altitudinem CCCLX. columnarum.* *Ima pars scenae e marmore fuit; media e vitro, inaudito etiam postea, novo genere luxuria;* Verum crescente magis magisque luxu ad privatorum quoque domos vitreorum anaglyphorum usus traductus est, illisque integra conclavia obducta fuisse notavit Bonarotius in *Praefat. ad numism. Carpin.*

Hujus operis haud obscura vestigia egomet observavi Romae inter D. Nerei & Achillei, ac portam Capenam; hortum enim ingressus, in quo monticulus adsurgebat, quem pervium esse, & ex parietinis totum constare olitor asserebat, excitato lumine rei periculum feci, adii nempe

*Parietibus textum coecis iter*

ibi cubicula quaedam inveni, in quibus egesta pavimenti fragmenta e signino constabant rudiuscule subacto, cui superfusum, expolitumque, ad semunciae altitudinem vitrum adhaerebat viride, undequaque concolor, minimeque vermiculatum; nulla praeterea segmenta, nullique termini apparebant, neque ullae, nisi quas vetustas fecisset, rimulae; ita ut ex integra tabula solo superinfusa pavimentum illud constitisse conjecterim, mobilibus sane officinis, vel pro numero operum ex tempore excitatis. Ea vero fragmenta, quum diu aeri patuissent, penitus disiiciebantur. Quibus tamen ornamenti excultos tandem fuisse existimandum est parietes illarum aedium, in quibus ipsa pedum spatia non essent sine admiratione?

## L X X V I I.

## G E N I U S A P O L L I N I S.

**D**E Geniis Deorum administris pluribus supra actum est. Apollinis Genius lyra canit; observatione digna est pulvinaris forma; caret enim pedibus; hujusmodi etiam in usu fuisse colligitur ex Varrone *de Ling. Lat.* lib. vii. *Lectos non omnes paris magnitudinis, & figurae faciunt; quod si esset analogia petenda in supellectile, omnes lectos haberemus domi ad unam formam, & aut cum fulcro, aut sine eo.* Fulcra autem lectulorum sive pulvinarum pedes sunt, quos ex auro, aere, aliisque pretiosissimis rebus factos fuisse tradit Plinius lib. xxxiv. c. 10. An autem Deorum dignitas pulvinarium altitudine discerneretur, ita ut Geniis humiliora essent, viderint Eruditi.

## L X X V I I I.

## T R I P U S , L Y R A , L A U R U S .

**V**ulgaria Apollinis symbola in hac Lucerna exhibentur, Tripus nempe, Lyra, Corona, haud equidem lemniscata, sed perpetuo foliorum ordine intexta, qualis observatur in Neronis nummulo in certaminis quinquennialis memoriam percusso; quam propterea in usicorum, Poetarumque propriam fuisse suspicor.

Laureae ramus ad lustrationes praecipue pertinet. Ovid. *Fastor.* ii.

*Virgaque roratas laurea misit aquas.*

Instrumenta lustrationis omnia ferme visuntur in Veteri cinerario, quod olim vidi Romae in navi transversa Basilicae D. Paulli, urnula praesertim, ex qua laureae ramus prosilit. Lustratio vero ad Apollinem etiam pertinet; nulli enim Deorum, nisi lustratione praemissa, sacra fieri licuisse, satis constat.

## LXXXIX.

## CRYPTHESES.

**M**ultas sane fabellas de Gryphibus texunt mythologi, ut rationem explicit; cur Apollini adsignati fuerint, quod tamen, ut ait Cicero, est quaerere rationes in fabulis, quae ratione carent. Profecto haec monstrata ex Aegyptiorum arcanis desumpta fuisse colligitur ex Apulejo lib. 11. *Milesiar.*, ab illis omnino ad Etruscos pervenerunt, in quorum sepulchris frequentissime occurunt, incertum tamen qua significatione, licet mortis symbolum fuisse facile suspicari possimus, quod tamen Apollini minime quidem convenit. Ab Etruscis ad Romanos quoque delata est fabula; in sepulchro enim C. Vibii ad 111. Lapidem in via Cassia Gryphes visuntur. Eorum vero cum Apolline conjunctionem ab Indorum superstitione dimanasse tradit Philostratus in *Vita Apollon.* lib. 111. c. 14. *has enim aves ajunt esse in India, ac Soli esse sacras, & quadrigis eas jungunt, qui Solem apud Indos pingunt.*

Gryphes in hac Lucerna Geniorum more candelabrum custodiunt, & altero pede elato quodammodo sacrificare videntur; idem typus frequenter observatur in Caesarium loricis; qua vero de caussa haud facile est divinare.

## LXXX.

## PEGASUS.

**P**egasum Neptunus jure patriae potestatis vindicaret; ab Oceani enim fontibus *πεγας* nomen inditum illi tradit Hesiodus in *Theogon.* v. 283., sed excitato Mufarum fonte, Apollo sibi illum usurpavit, atque inde inter ejus symbola Pegasus censitus est, ut nummi evincunt.

Notissimae sunt fabulae, quas de illo Veteres prodiderunt, expeditionesque illius ope confectae; quas inter percelebris admodum ea fuit, qua Andromeda, etceti

70

ti faucibus erepta fuit ; cujus monstri ossa diu Joppe in rei monumentum servata , demum Romam asportata , ostendit inter reliqua miracula in aedilitate sua M. Scaurus , ut narrat Plinius lib. ix. c. 5.

Ossa his non absimilia , dum haec scribo , in agro Tudertino prope Tiberim cultissimo in loco reperta sunt . Mandibula inferior immanis magnitudinis , in qua qui ni , & seni dentium ordines visuntur , solida ac in lapidem pene versa , ex ingenti calvariae mole sola superstes , adeo fossores in pretiosissimum monumentum debacchati sunt . Ea servatur nunc in Musaeo Oliverii nostri ex munificentia Joannis Andreae Jovanellii , quem supra memoravimus , in publicum Academiae nostrae Musaeum inferenda , cui quicquid antiquariae , rariorisque supellec̄tilis nocti hactenus sumus , animo libentissimo ambo destinavimus . Unde autem ossa illa profecta fuerint , diu scrutatus sum , ac tandem in eam veni sententiam , Roma ad eum locum , in quo effossa sunt , delata fuisse ; ibi enim magnificam olim , ingentemque cujusdam Claudi cognomento Gothicī , Liberti villam extitisse , ex Inscriptionibus elapso saeculo ibidem erutis compertum est ; quin etiam haud longe ejusdem Liberti sepulchrum repertum est ; quae omnia inter marmora Tudertina quamprimum proferentur ; profecto fieri facile potuit , ut in iis perturbationibus , quibus tunc Roma saepe vexabatur , potentiorum Caesaris Libertorum curiositati multa patuerint ex portentosis hisce reliquiis , quas nec religio vetasset violari , nec materiae pretium suspectas reddidisset .

## LXXXI. LXXXII.

M U S A . G E N I U S M U S A R U M .

**M**usa repraesentatur in hac Lucerna , forte Terpsichore , quae

*affectus citbaris movet , imperat , auget .*

columellae innititur ; ita Musae fere omnes exhibentur in nummis Pomponiae Gentis .

Quam

Quam male ii senserint, qui Genios omnes ad unum Cupidinem retulerunt, cui Deorum omnium arma victoriae jure pertinere putant, vel ex hoc uno sphragismate constat, quum Musae, ut Lucianus testatur in elegantissimo dialogo Venerem inter, & Cupidinem, ab ejus jaculis tutae semper agerent, quia vultu sunt verendo, & semper aliquid meditantur, & cantionibus animum intentum habent.

Musarum Genius illarum more columnae innititur; tibias gerit, quibus fortasse Euterpis se Genium esse administrum prodit; illa quippe *dulciloquis calamos flatibus urget*: Dextera falcatum quidpiam tenet, armillam fortasse, vel solutam coronam, ac lemniscis destitutam, quales fuere antiquiores, ut Plinius tradit lib. xxii. c. 3., qui a Crasso lemniscos coronis ad Etruscarum similitudinem additos scribit.

## LXXXIII. LXXXIV.

### CAPUT, ET PROTOME SOLIS.

**L**Ychnorum numerus, licet pro Lucernae usu artificum arbitrio plerumque determinaretur, significacione tamen aliquando non caruit, in sacris praesertim Lucernis; trino igitur lumine sacram Soli Lucernam effulisse credendum est ad tria diei intervalla significanda, quae supra memoravimus not. LXXV.

Romanorum vetustiora monumenta Apollinem lauro coronatum exhibent, qualem illi ex Etruria adulta jam Urbe adsciverant. At sequiori aevo radiato capite representabatur, ritu pene peregrino, atque ab oriente accersito; talis etiam *in tabula Heliaca* conspicitur. Fortasse sub hoc aspectu *εχατηβελεσης* vocatus est a longe feriendo, quod radios longissime, ac vehementissime vibret; quo discrimine Apollinem a Sole distinctum maxime fuisse existimo.

Nondum profecto observaveram tunicati Solis effigiem, ac subarmali fascia praecincti, qualis tab. LXXXIV. exprimitur,

mitur , quum haec Lucerna Roma ad me delata est ; at illud potissimum miratus sum , quod intra anni unius spatium octo ferme ejusdem typi Lucernae , diversa dumtaxat forma , atque ornatu , primae huic accesserint ; concere hinc possumus , Solem inter illas joculatrixis Romae infanias aurigarum Circensium habitu praecipue efformatum fuisse , quippe qui coeli auriga sit , atque ita ab Orpheo in ejus hymno nuncupetur  
 .... pulchram faciem habens auriga .

## LXXXV.

## QUADRIGA SOLIS.

**S**olis currum a quatuor equis rapi notum est . Manilius *Astronom.* II.

*Quadrijugis it Phoebus equis , it Delia bigis .*  
 illorum nomina recensuit Ovidius *Metamor.* II. Typum Lucernae caeterum vulgarem egregie illustrat hymnus in Apollinem postremus , qui Homero tribuitur .

..... clari autem radii ab ipso ;  
 ..... pulchra autem circa corpus fulget vestis ;  
*Tenuiter contexta flatu ventorum ; subtus autem masculi equi .*

## LXXXVI. LXXXVII.

## SIGNA ZODIACI.

**S**igna universa Zodiaci ad naturam Solis jure referuntur , ait Macrobius *Saturnal.* I. 21. ; Soli propterea subiectanda erant . Novem ferme Lucernae diversis Zodiaci signis illustres in Musaeo nostro servantur , ex quibus duas tantum selegimus , hanc nempe quae Taurum , atque alteram , quae Geminos exhibit , quas avide ab Eruditis exceptas iri confidimus , propterea quia coelestium signorum imago aptius in his repraesentatur , quam in vetustis omnibus Kalendariis hactenus vulgatis .

Ac

Ac primo quidem , quod ad Taurum attinet , conso-  
nat emblemati nostro Ovidius *Fastor.* iv.

*E Duce lanigeri pecoris , qui perdidit Hellen ,  
Sol abit ; egresso victima major adest .*

*Vacca sit , an taurus , non est cognoscere promptum  
Pars prior appareat , posteriora latent .*

*Si tamen est taurus , sive hoc est femina signum ,  
Junone invita pignus amoris habet .*

Gemini vero Dioscuri sunt , Castor scilicet , & Pol-  
lux , quorum genesim , acceptamque a Jove alternatim  
immortalitatem nihil est , cur describamus . Castor eque-  
stri disciplina , Pollux vero pugilatu celebratur . Horatius  
*Carmin.* i. 2.

*Hunc equis , illum superare pugnis  
Nobilem .*

at Theocritus in *Idyllo Dioſcurorum* ambos equites appellat.

*O ambo mortalibus auxiliatores , o amici ambo ,  
Equites , citharistae , pugiles , cantores .*

ab Homero quoque in hymno vocantur  
..... *velocium consensores equorum .*

Hinc in numinis , consularibus praesertim , atque anti-  
quis anaglyphis equi ambobus attribuuntur .

### L X X X V I I .

## SOLIS , ET LUNAE CAPITA JUGATA.

**S**ol , & Luna merito junguntur , quippe uno eodem-  
que partu editi sunt , una educati , ut Homerus ca-  
nit in hymn. *Apollinis* , & *Dianae* ; una demum , eadem-  
que caeremonia , ac saepe uno etiam templo colebantur ;  
inde Horatius *Carm. Saecul.*

*Supplices audi pueros Apollo ,  
Syderum regina bicornis audi  
Luna puellas .*

Delphines , qui Lucernae ansam sustinent , *Delphinii* co-  
gnomen , quo Apollo Athenis appellabatur , ut Pausanias  
tradit in *Atticis* , respiciunt ; templum enim Delphicum  
*Tom. I.* K ere-

erecturus, navim Cretensium hominum, quos iustitia florere cognoverat, in delphinum versus in templum abduxit, illosque sibi sacerdotio iniciavit; ac proinde a delphino non solum *Delphinius* cognominatus est, verum etiam loco *Delphi* nomen indidit; ita Homerus in *hymn.*

Innumerae propemodum Lucernae occurunt, in quibus astrum Solis symbolum, & Luna quiescens eadem significatione copulantur; illas ego omnes ad nocturnas illuminationes, quibus saecularia festa distinguebantur, comparatas fuisse existimo; ea enim tribus continua diebus, totidemque noctibus celebrabantur. Horatius *loc. cit.*

*Certus undenos decies per annos  
Orbis, ut cantus, referatque ludos  
Ter die claro, totidemque grata  
Nocte frequentes.*

### LXXXIX.

#### CAPITA SOLIS, MARTIS, ET VENERIS.

**M**Arti, & Veneri Sol interponitur, quod eorum furta prodiderit, ut habet notissima fabella; nisi potius privatam alicujus religionem, vel etiam, si mavis, ex astrologiae meditationibus horoscopum aliquem hac Lucerna contineri velimus, quum in nummis etiam signatos horoscopos videamus. Sunt qui sub Martis, & Veneris effigie M. Agrippam, & Julianum Augusti filiam, atque ipsum Augustum sub Solis specie expressos existiment. Augusto equidem in conviviis Solis simulatio solennis erat, ut ait Svetonius in *Aug. c. 70.*, qui moracissimum quoque in eumdem ignoti authoris epigramma refert:

*Impia dum Phoebi Caesar mendacia ludit,  
Dum nova Divorum caenat adulteria.*

## M I T H R A.

**S**I pro dignitate de Sacris Mithrae agere vellemus, longius profecto, quam unius notae termini postulant, progredi opus esset; Sed ne Lucernam nostram intactam omnino relinquamus, unum notandum est; quid nempe Persae sub hujus Dei nomine intelligerent. Rem absolvit Plutarchus *de Iside, & Osirid.* qui ex Zoroastri traditione duo principia, sive Deos, boni unum, alterum mali authorem credidisse illos scribit; quorum primus *Oromazon*, sive, ut idem tradit in libello *ad Principem indoctum*, *Oromasdes*, alter vero *Arimanius* vocabatur; hic tenebrarum, at ille purissimae lucis filius. Verum quia ea Numinia ita natura ferebantur, ut perpetuo interesse dissiderent, atque discordarent, *Mithras* inter utrumque consistebat, quem etiam *Mesithen* hoc est mediatorem nuncupabant, supra quem tanto coeli intervallo *Oromazon* eminebat, quanto abyssi spatio *Arimanius* premebatur. Medius itaque *Mithras* quodam moderamine utriusque odia compesciebat, & victimarum immolationibus devinctus, humano generi bona quaeque ab *Oromazo* obtinebat, mala vero, quae ab *Arimanio* parabantur, averruncabat. Ita Diabolus Christi Servatoris adventum praeludebat, & Divinae mediationis praerogativam jam tunc premature usurpabat; atque his nequam spiritus fallaciis factum est, ut neque ab ipsis Divinis Sacramentis impia Gentilium imitatio abstinuerit, excogitatis illis baptismatum blasphemias, quibus se vituli sanguine conspurcatos in aeternum renasci jactabant.

Mithra sacrificantis gestu exprimitur; taurique guttur ad coelum attollit, quae caeremonia in sacrificiis, quae Superis Diis fiebant, solennis est; eademque de caussa victimarum, quae Inferis Diis caedebantur, caput humi premebatur; cuius quidem moris elegantissimum exemplum exhibitur in Lucerna, quam n. xxxv. dedimus; Inferorum Deorum Sacra repraesentari ibi diximus; quam-

mobrem quatuor tauros videre in illa est humi procumbentes , qui defixo in terram gutture Victimarii iustum excipiunt .

Verum multo plura , ac etiam meliora ab Oliverio nostro expectanda sunt , qui eximiam tabulam Taurobolicam Musaei nostri illustravit ; Vitrea ea est , trium fere pedum longitudinis , inscriptione , parergis , atque ipsa materia spectabilis , omnesque , quae adhuc vulgatae sint , tabulas Taurobolicas vel ipso Scipionis Masseii Viri summi judicio longe anteit ; digna propterea quae Viri doctissimi , atque amantissimi ingenio intacta servaretur .

## X C I.

### *ASTRUM , ET LUNA SILENS.*

**L**ucernam Solis , & Lunae capitibus insignem tab. LXXXVIII. protulimus , quam saecularibus festis olim inservisse haud temere suspicati sumus ; eumdem fortasse usum has etiam Lucernas habuisse diximus , in quibus Solis item , & Lunae compendiariae , ut ita dicam , notae habentur .

Astrum Solis symbolum est . Homerus in hymn. Apollin. v. 440.

*Hic e navi impetum fecit Rex longe operans Apollo ,  
Astro similis medio in die ; ab hoc autem multae  
Scintillae evolabant ; fulgor autem ad coelum usque venit.*

Animadvertisimus supra not. vii. astrum , quum quinquiradium est , Solem repraesentare , quadriradiis vero stellas significari , ut in nummis Faustinae , atque in iis , in quibus Dioscuri exprimuntur .

Neque tamen propter alios etiam usus has Lucernas efformatas fuisse negaverim ; symbola enim in illis expressa ad consecrationes etiam commode referri possunt . Luna aeternitatis symbolum ad apotheosin pertinet ; quippe , ut ait Cicero in Somn. Scip. supra Lunam sunt omnia aeterna . Astrum vero in illa insertum principum Virorum anima est , ex stella Caesaris sumpto omne , & simi-

similitudine. Ovidius *Metam.* xv.

*Hanc animam interea caeso de corpore raptam  
Fac jubar, ut semper Capitolia nostra, forumque  
Divus ab excelsa prospectet Julius aede.*

Quam quidem significationem apud Aegyptios etiam habuisse stellas, tradit Horus Apollo, si qua tamen libello illi fides habenda est.

Ad menstruam etiam neomeniae solennitatem celebrandam memoratae Lucernae effingi potuerunt; neque enim Hebraei soli fuerunt, a quibus cultu praecipuo Lunae <sup>oasis</sup>, sive prima apparitio celebrata est; sed a Romanis etiam hanc religionem occupatam fuisse tradit Macrobius *Saturnal.* lib. i. c. 15. Priscis temporibus Pontifici minori haec provincia delegabatur, ut novae Lunae primum observaret adspectum, visamque Regi sacrificulo nunciareret. Itaque sacrificio a Rege, & minore Pontifice celebrato... quot numero dies a Kalendis ad Nonas superessent pronunciabat. Epulae quoque in eo festo adparabantur, quas Plautus *Capteju. Act. III. Sc. I.* epulas menstruales appellat. Sol vero apparenti primum Lunae conjunctus est; constat enim Novilunium ex Solis, & Lunae conjugione fieri, Lunam vero novam tum primum notari, quum Sol illam praetergressus, extimam disci illuminati partem nobis ostendit, quod uniuscujusque mensis synodici initio contigit. Has igitur Lucernulas, in quibus Lunae <sup>oasis</sup> exprimitur, vel ad sacra illa, quae noctu necessario fiebant, adornanda, vel ad caenacula ea occasione illustranda, comparari potuisse facile patet.

### X C I I .

### B I G A   L U N A E .

**Q**Uadrigam Solis, quam dedimus tab. lxxxv., biga Lunae subsequatur. Evidem, ut Soli equos, ita Lunae mulos tributos fuisse, docet Pausanias *Eliacor.* i. in tabulis Taurobolicis a duabus vaccis vehitur Luna. Frequentius tamen eidem Deae duo etiam equi tribuntur. Manilius *loc. cit.* Qua-

*Quadrijugis it Phoebus equis , it Delia bigis .*

Ovidius .

*Altaque nocturnos Luna regebat equos .*

Nec a Latinis Poetis tantum ; verum etiam a Graecis .  
Homerus in hymn.

*Quando ab Oceano loto corpore pulchro  
Vestes induit procul lucentes divina Luna ,  
Junctisque equis longae cervicis fulgidis  
Impetuose prius agitat pulchricomos equos  
Vespertina .*

Inde <sup>φιλαπτηνος</sup> equorum amans appellatur ab Orpheo in ejus hymno .

### X C I I I .

#### DIANA GLOBO INSISTENS.

**F**ortasse Diana Lucina hic repraesentatur ; fax enim quam manu attollit novilunii virtutem significabat , & novilunio vis quaedam inest , quae pariendo facultatem afferat , ait Eusebius de Praepar. Evang. lib. III. c. 3. Eam vero facem ex picea in Olympo sectam de Jovis fulmine Dianam accendisse , fingit Callimachus in hymn. v. 118.

At vero Diana ne , an Junoni Lucinae cognomen tribendum sit , difficile est definire ; utrique enim a vetustis Scriptoribus tributum legimus , quos tamen facile conciliabimus , si Junonem , & Dianam unam eamdemque Deam fuisse evincamus ; rem docent gravissima Veterum testimonia . Catullus Carm. Saecul. ad Dianam .

*Tu Lucina dolentibus  
Juno dicta puerperis ,  
Tu potens Trivia , & notho es  
Dicta lumine Luna .*

Varro de Ling. Lat. lib. iv. Luna .... videtur a Latinis Juno Lucina dicta ... facta igitur a juvando , & luce Juno Lucina , a quo parientes eam invocant . Macrobius Saturnal. lib. I. c. 15. Quum enim initium mensum majo- res

79

res nostri ab exortu Lunae servaverint, jure Junoni Kalendas addixerunt, Lunam, & Junonem eamdem putantes.

Quae vero huc usque deduximus, ab ipsorum nominum notione confirmari videntur. Juno enim, & Jana, sicuti Veteres illam dixerunt, haud inepte derivatur a radice *Jab*, quae Dominum significat, unde Jani etiam nomen dimanasse supra not. iv. conjecimus. At ab eodem Hebraico fonte Lunae etiam Graecum nomen *Solis splendore* derivandum existimo; licet enim nonnulli ab *ειλην* *Solis* *splendore* illud deducant, atque alii ab *ειλεω abscondeo*, unde Perdrierius in versione hymni *Orphei Apoteosis* *ειλειθυα* transtulit *Diana Absconsa*, ab *Ἑλ*, *fortis Deus* accersendum mihi videtur, adjecta particula *it*, quae ex masculino femininum facit *Ἥλη fortis Dea*.

## X C I V.

### D I A N A ΦΩΣΦΟΡΟΣ.

**I**ta appellatur a Dionysio Halicarnassensi *Ant. Rom.* lib. iv. Diana lucem ferens, quem quidem titulum potissimum jure imagini huic a nobis adsignari nemo ibit inficias; geminam enim facem Diana praefert, qua se coeleste simul, ac terrestre Numen profitetur; vel, si mavis, suam in utroque hemispherio potestatem ostendit. Neque tamen Dianam duas manibus fices tenentem nunc primum producimus; nam plura ejus simulacra tali habitu efformata describit Pausanias lib. viii., & ix., atque ita expressa est in Regio maximi moduli numismate apud Monfoc. *Suppl. Ant. expl.* Tom. i. tab. xlvi. n. 7. Veteres etiam Pisauenses eodem habitu illam dedicarunt, ut discimus ex aeneo sigillo inter Luci Sacri Veterum Pisauensium reliquias reperto, quod lectissimum Oliverii nostri Musaeum illustrat. Caprina pelle, *nebri-dem* vocant, Diana superinduta est; Pausanias lib. viii. aliam ejusdem Deae imaginem simili pelle amictam describit.

## XCV.

## XCV.

## GENIUS DIANAЕ LUCIFERAE.

**G**enium Dianaе Luciferae hac Lucerna repraesentari diximus, quem tamen Solis Genium esse posse haud negamus, sive Phosphorum, sive ipsum Aether, quod ab Orpheo appellatur *ignem spirans, omnibus viventibus fax alte apparet* . . . . ferens *splendorem . . . . astris fulgorem praebens*. Evidem Callimachus in hymno Dianaе illi non Herotes, sive Genios, sed *Ηερωιδας* attribuit, quas Dianam LX. numero, omnesque novem annis natas ritu Jovis ex Oceano sumpsisse fabulatur. Graeci quippe, ut alias *Ιερνηματι*, libentius Genias, sive Heroidas, quam Herotes, sive Genios Deabus adsignarunt.

## XCVI.

## DIANA VENATRIX.

**D**IANAM Venatrixem multis describit Homerus in ejus hymno, pluribus vero Callimachus, qui venaticos canes in Maenalo a Pane dono illi datos fabulatur; unde *canibus gaudens* ab utroque Poeta saepius appellatur. Lucernarum, quae in hac tabula exhibentur, anaglypha illustrare voluisse Ovidius videtur, quum cecinit.

*Talia succinctae pinguntur crura Dianaе,*

*Quum sequitur fortis fortior ipsa feras.*

Fortis autem ab Ovidio dicitur Diana, eadem, nisi valde fallor, significatione, qua *Cococca* apud Graecos appellabatur. Pausanias Eliacor. I. *Quamobrem vero Cococcam Dianam appellant, nunquam adhuc ut discerem mibi contigit.* Porro *Cococcae* adpellatio ab Hebraeo ονομασθαι fortis deducenda esse videtur.

## XCVII.

## X C V I I.

## H E C A T E S C A N D E L A B R U M.

**M**ulta ad hanc Lucernam illustrandam suppeditaret nobis superioris disci Inscriptio , cuius reliquiae adhuc supersunt , nisi misere illa excidisset . Caeterum tres Diana , coelestis , terrestris , atque infera hic repraesentantur , postrema hac in antica lychnuchi parte adstante , ut totum sphragisima inferorum sacris addictum fuisse cognoscamus .

Coelestis peplo obvoluta , longa veste praecincta , ab Hesiodo describitur :

*Erecta habens longam vestem , in rotundum currens .  
at Venatrix alte succincta est , ut ex Ovidio Dianam pingi supra didicimus ; id enim a Jove recens nata petierat ;*

*Da mibi ut lucem feram , & ad genua usque tunicam  
Succingam fimbriatam , quando agrestes feras perimo .  
ut ait Callimachus . Media imago Hecaten repraesentat ,  
quae , quum femineam naturae vim , ut Pluto masculam ,  
significaret , clavem gerit , qua principium , & rerum na-  
tivitas indicatur . Ita ab Orpheo Luna , quam hymno  
primo portis adstantem vocat , clavigera appellatur ; restis  
vero , quem sinistra obvolutum tenet , fortasse Parca-  
rum stamen est ; utrumque symbolum gerit Diana in si-  
mulacris triformibus Chisio , & Capitolino , a Causseo  
vulgatis , quibus quantum lucis afferat Lucerna nostra ,  
nemo non videt .*

## X C V I I I.

## D I A N A E P H E S I A.

**D**Iana Ephesia nihil apud Antiquos aliud fuit , nisi ipsa rerum natura in sublunaria corpora vim suam exercens ; proinde Dearum fere omnium officium vel ipsa sola complectebatur . Plutarch. de Isid. & Osir. Ideo , & Lunam Mundi matrem appellant , & naturam ex utroque Tom. I. L mixtam

*mixtam sexu adsignant ei , quod impleta , & gravida facta a Sole rursum a se in aerem emittat , ac disseminat genitabilia principia . Quamobrem mammosum illi corpus tribuerunt , illudque numerosa onerarunt animalium suppellestile , in quae suam potiori jure vim exercere Luna creditur , sive terrestria ea sint , sive aquatilia , sive etiam volatilia . Verum a doctissimis Viris ita hoc argumentum pertractatum est , ut nihil profecto nobis superstite adjiciendum .*

## X C I X.

## C A P U T B O V I S .

**L**ucernae taurinum caput referentes vulgatae jamdiu fuerunt ab eruditis Viris Fabretto , & Boldetto ; easdem in Musaeo nostro asservamus , nec tamen edidimus , ne quid iterum vulgatum obtrudamus . Non una de caussa Lucernam suam Dianaे sacram fuisse existimat Fabrettus ; verum jam non est amplius conjecturis utendum , postquam Lucernam hanc Graeca Inscriptio ne insigne producimus . Licet autem ea Graeca Inscriptione , ut diximus , signata sit , non proinde ex Graecia adiectam esse censere debemus ; ipsa enim argilla Romanam esse clamat , & Graecos artifices Romae etiam , dum operarentur , graecizasse , nemo est qui nesciat .

Bovis cornua Lunae gratissima fuisse , scribit Orpheus in hymno Dianaे . Lunae bigam boves agunt in tabulis Mithriacis , & in nummo Caracallae apud Patinum ; idcirco a Svida , & a Nonno Dionys. lib. viii. appellatur *ταυροβόος boum agitatrix* ; imo Hecate , quae Luna est , Tauri nomine fuit appellata ; inquit Porphyrius de Abstin. lib. iii. c. 17.

Sacrae infulae , & bullae , quibus Tauri caput ornatur , bucranium illud fortasse repraesentari suadent , quod & mole , & augurii dignitate per multas aetas in vestibulo templi Dianaे suspensum fuit ; rem narrat Livius lib. i.

C.

## C.

## M E R C U R I U S.

**H**AEC Mercurii protomes alis non petaso, sed capiti haerentibus, insignis est; quod tamen exemplo non caret; plura etenim supersunt vetera monumenta, in quibus Mercurius ita expressus est apud Monfoccon. *Ant. Expl.* Tom. 1. tab. 68., neque vero absque ratione factum id est; illis enim Aegyptii significare voluerunt, nil aliud esse Mercurium, nisi vim intellectus, & mentis alacritatem, ut tradit *Macrobius Saturn.* lib. 1. c. 19.

## C I.

## G E N I I M E R C U R I A L E S.

**M**Ercuriales Genios pueriliter ludentes ex ebore antiquo vulgavit Bonarotius. Nusquam alibi, ni fallor, Mercuriales Genii observati sunt; hinc licet intelligere, quanto in pretio habenda sit insignis haec patera, in qua per Geniolos Mercuriales sacra pompa in illius Numinis honorem repraesentatur.

Pateram nostram sacro usui addictam fuisse patet; quum autem tot hominum genera sacra Mercurio facerent, quibus in sacrificiis adhibita ea fuerit, difficile est constitutere. Verum frequentiora, imo diurna, ac penitus familiaria sacrificia illa erant, quae Mercurio omnes ferme, antequam cubitum irent, faciebant. *Homerus Odyss.* H. v. 135.

*Invenit autem Phaeacum duces, atque consiliarios  
Libantes poculis speculatori Mercurio,  
Cui ultimo libabant, quando cogitabant de lecto.*

Mercurius enim somni praeses habebatur. *Orpheus in ejus hymno*

*Sacra virga, virga demulces somnum.*

& Virgilius *Aeneid.* iv.

*Tom. I.*

L 2

Dat

*Dat Somnos, adimitque:*

Placuit autem pateram nostram domestico huic, & familiari officio potius adscribere, quam publico, & solenni; fictilis enim ea est, cujusmodi in privatis sacrificiis, quae intra domorum parietes obiri solebant, plerumque adhibebantur. Hinc Tibullus lib. i. el. 1.

*Adsit Divi, nec vos e paupere mensa  
Dona, nec e puris spernite fictilibus.*

### C I I.

#### M E R C U R I U S   C U M   C A N E, E T   C A P R O.

**A**dsurgenti Mercurio, & quodammodo ab Inferis revertenti adstat hinc caper, inde vero canis. Caprum ejus simulacro ideo adjunctum narrat Pausan. lib. i. *quad unus prae caeteris Mercurius greges tueri, & augere existimatur.* Hinc quandoque *Criophorus* dictus est, quod arietem humeris sustineret, atque, ut notat idem Pausanias lib. ix., circulato ea forma per civitatum ambitus ariete, pestilentia inde aversa sit. Hujus etiam bruti forma occultatum Mercurium fama est Penelopen compressisse, ex quo congressu Pan natus est; ideoque lyram pedibus continet, quod sub ejus imagine Mercurius ipse repraesentetur, cuius praeclarum inventum lira fuit, ut narrat Homer. *in ejus hymno.*

Canis apprime Mercurio convenit, uti Pastorum Deo. Tradit item Homerus ab Apolline *et canes, & oves*, suis illi dono datos, & Aegyptiis monumentis edocemur, Mercurium in canem conversum custodem corporis suisse Isidis, & Osiridis; unde apud eam gentem canino capite cultus est, atque *Anubis* nuncupatus.

### C III.

## C III.

## MERCURIUS NEGOTIATOR.

**P**lacuit hoc cognomine hanc Mercurii imaginem desig-  
nare, quod crumena insignitus sit; ita quippe il-  
lum vocat marmor antiquum.

MERCURIO NEGOTIATORI SACRUM.

NUMISIUS ALBINUS EX VOTO.

Mercatoribus quippe praesidere putabatur; inde Homer  
*bymno in Vestam* eum appellat *Datorem bonorum*; ejus-  
que domum *bonis omnibus plenam* dicit *bymno Mercur.*

## C IV. C V.

## MERCURIUS, ET APOLLO.

## MERCURII SYMBOLA.

**S**uccedit communis ara Apollinis, & Mercurii ob eam prae-  
cise caussam, quod lyrae inventum Mercurio, citharae  
Apollini, Graecorum sermo attribuit. Quod Pausanias Elia-  
corum I. de ara dixit, Lucernae huic nostrae attribue-  
mus. Imo in hac insuper lucerna ipsa lyrae commuta-  
tio exprimitur; ut enim narrat Apollod. *Bibl.* l. III. ly-  
ram Mercurius Apollini tribuit, pro qua raptos boves  
ei condonavit, rursumque pro fistula, quam ille inven-  
nerat, auream virgam permutavit, ut fuisus narrat Ho-  
mer. *in eorum Hymnis.*

Agmen claudant Mercurii symbola, petasus, pera,  
caduceum; quae omnia satis vulgata.

OPE.

# OPERIS PARERGA

I.

**U**T parerga hujus operis venustati , & eruditioni de-  
servirent , placuit geminis quibusdam mei Musaei  
exornari .

Genius publicus sardae incisus initialem epistolae lite-  
ram exornat . Modio , & copiae cornu insignitur , qua-  
leum inferioris aevi nummi genium Populi Romani repre-  
sentant , nisi quod ibi sacrificantis more pateram profert ,  
hic praestitis specie poma porrigit , quod mirum videri  
non debet ; Solebant enim Veteres Geniis symbola illius seu  
Personae , seu loci , cui Genius famulabatur , seu praeside-  
bat , ut plurimum addere , ut ait doctissimus Oliverius Mar-  
mor . Pisaur . pag . 9 .

II.

**I**Nitialis prolegomenorum litera apogum Aesopi sar-  
dae incisum profert , de quo mentionem fecimus in  
nota LXVIII . In eo Vulpecula lignarium redarguit , quod ab  
illo minus fideliter defensa fuisset ; dum enim Vena-  
tor eam insequeretur , voce quidem ille negaverat Vulpem  
sibi occurrisse , sed gestu prodiderat latitantem , nempe  
factis minime respondentibus verbo . Res satis vulgaris est .

III.

**P**Rolegomenis gemmas tres praefiximus , in quorum pri-  
ma Vir armatus sardae incisus est , eo prorsus habi-  
tu , quo *Virtus* in nummis plerunque representatur . Res  
sane notatu digna est , Numen istud quandoque viri spe-  
cie fuisse effectum , ut habent nummi Vitelli , Gal-  
bae , Trajani , & Hadriani ; frequenter etiam mulieris  
Amazonico cultu armatae , qualis est in nummis Domi-  
tiani , Hadriani , aliorumque etiam Imperatorum . Haec  
sexus differentia fortasse pendet ab ea doctrina , qua Deos  
esse

esse utriusque sexus , seu potius neutrius crederent , uti indicavimus in nota I. , nisi potius credamus typos illos , quibus *Virtutis* titulus praefixus est , aliquid aliud ab hoc Numine longe diversum indicare ; ejus enim imago , qua femina effingitur , eadem prorsus est , qua Roma , & Italia figurari solebat , ut in nummo Vitellii , in quo effigies *Romae* stantis eadem est ac *Virtutis* in altero *Commodi* ; sic Roma sedens in nummo Septimii Severi *Virtus Augustorum* inscribitur . Quum vero virili habitu , ut in hac gemma , *Virtus* exprimitur , non obscure Romanos Imperatores repraesentat , quasi ipsi sibi Numen istud praestarent , nam , ut ait Prudentius contra *Simac.* lib. II.

..... sua dextera cuique est

*Et Deus omnipotens.*

quod clarissime evincunt nummi Probi , cujus armato capiti epigraphes adjecta est *Virtus Probi Aug.* quae *Virtus Augusti* in sequioris aevi numismatibus aliquando sub Martis gradientis specie , quandoque & Herculis leonem conficientis exprimitur . Imperatores Deorum vultu effungi solenne erat . Mitto exempla vulgata , uno tantum contentus anaglypho Ravennate , quod in Coenobio D. Vitalis elapsa hyeme miratus sum . Jovi assidenti adstat Caesar habitu genii sacrificantis stellam in fronte excisam ostentans , quo insigni charactere simulacula ejus decorari consueisse ait Sveton. in Caes. cap. 88. *Stella crinita per septem dies continuos fulsit , creditumque est animam esse Caesaris in Coelum recepti , & bac de causa simulacro ejus in vertice additur stella.* Infra Augustus sceptro subnixus globum pede calcat . Adstat Livia Venerem simulans advolante circa sinistrum humerum alato geniolo sive cupidine , qui tamen pene diffractus est , ac fortasse Marcellum referebat .

Medium locum obtinet Victoria sedens . Haec aliquando gradientis effigie expressa est quasi ad *alia pergentis* , ut ait Patinus , quandoque stantis , veluti sui perpetuitatem pollicentis ; sedentis denique , qua se populo familiarem , atque jam domesticam profitetur . Clypeo inscrit vel vota publica , vel Caesarum nomina , cuiusmodi in Capitolio , Basilicis , atque Templis fuisse plurimos ,

mos, testatur apud Romanos Plin. lib. xxxv. c. 3. apud Graecos vero Pausanias frequentissime. Mirum sane est aboleta jam penitus Idolorum superstitione unam Victoriam obstinate durasse, omniumque ultimam maximo labore eradicationem. Hujus rei praeclarum testimonium habemus in D. Ambrosii libello *de Ara Victoriae non restituenda*, ejusque cultum periisse primum omnium dolet Symmachus in ejus relatione ad Valentinianum, Theodosium, & Arcadium, nec chathecumenus Constantinus illius simulacrum in Constantinopolitana Basilica dedicare dubitavit, cui Julianum sacrificasse refert Socrates lib. iii. cap. 2., & Nicephor. lib. x. cap. 20. Christianorum quoque Caesarum nummi Crucem, & Christi servatoris Monogramma Victoriae typo frequentissime addiderunt, nec defunt anaglypha in Christianorum sarcophagis, in quibus indubitata Victoriae imago scripturae symbolis interjecta est, nondum penitus errore expurgato, quum, ut ait Simmac. loc. cit. *Nemo colendam negabat, quam profiteretur optandam.*

Postremus Victoriae typus jaspidi insculptus ad sacra certamina pertinet, quod duplici indicio suspicari licet, sceptri nempe, quod Agonothetae insigne erat, & phialae, quam manu porrigit, solenne praemium Hyeronicarum. Ita Pindarus Olimp. ix. strob. 4.

*Apud Marathonem  
Egressus puberatem  
Sustinebat certamen seniorum  
De argenteis phialis.*

& Nem. ix. in fin.

*Argenteis phialis  
Circumagat violentum  
Filium vitis, quis quondam equae  
Acquisiverunt Chromio,  
Et miserunt ex sacra Sycione.*

F I N I S.

# I N D E X

## R E R U M

*Littera P numeris Romanis praeposta Prolegomenorum § indicat ;  
Numeri vero Arithmeticci Notas significant.*

A	
<b>A</b> Cademiae Pisauensis Symbolum Noctua Galeae insidens .	65.
Acrostolia navium Victoriae navalis signum .	45.
Acus emunctiorius Lucernarum ejusque ansa .	
P. vi.	
Aegyptiae cretae color .	P. x.
Aesopi fabellae in veterum monumentis .	69.
Aetas artis Lucernariae .	P. xii.
Agri Romani argilla .	P. x.
Agrippa M. in Lucerna Martis habitu .	89.
Aliae Diis familiares , carumque significatio .	2. 100.
Amun Aegyptiis quid .	31.
Anaglyphum Ravennae in Coenobio D. Vitalis eximium .	P. 3.
Anni novi auspicia .	5.
Anni tempora quomodo expressa .	11.
Eorum divisio , & Symbola .	Ibid.
Animae defunditorum in Caelum elatae , earumque Symbolum .	23. 26.
Ansa Lucernarum earum forma , & ornamenta .	P. vi.
Apollo Actiacus .	71.
Arcitenens .	71.
Cytharoedus .	70.
73. 74. Delphinus .	88.
Hylsrio .	76.
Tunicatus .	84.
Apollinis arma columnae suspensa .	75.
Corona antiquior laurus , recentior , & perigrina radiata .	83.
Apotheosis symbola in Lucernis obvia , & cur .	16.
Aqua , & ignis in nuptiis .	38.
Aquila a Jovis Geniis pasta .	34.
Adorata .	27.
Inter signa militiae prima .	Ibid.
Arae Deorum in Theatro .	76.
Arae plures uni Deo in eodem Sacrificio .	2.
Arbores Lucernis onerari solitae .	P. xiv.
Architecturae forma corrupta .	29.
Aretina creta , ejusque color .	P. x.
Argillae nigrae examen .	P. x.
Aries Minervae aram impetens .	68.
Cur Atydi , & Soli attributus .	17.
Arimanius Persarum Deus .	90.
Arionis Delphinus .	5.
Armata Vestalis Sacrificans .	13.
Astrum Solis typus .	91.
Atys quid .	17. 18. 19.
Versus in Pinum .	18.
Atramentum encausticum Etruscorum .	P. x.
Augurales Lucernae , & eorum typi .	P. xiii.
Augurum Collegium Pijauri .	P. xiii.

B	
Bacchus Cereris junctus .	22.
Bacchanalia ad lycnos haberis solita .	P. xiii.
Bartolus Santes Calchographus ejusque filius examinatus .	P. ii. 6.
Bellaria anno novo missitari solita .	6.
Biga Lunae ab equis , & Vaccis acta .	92.
Bovis caput Diana sacer .	99.
C	
Calathus Cereris .	20.
Cardela quid .	P. iv. ejus antiquitas .
P. v.	
Candelabrum quid .	P. vii. ejus clatior pars
scutella .	P. vii.
In usu sacro tantum .	
P. xv. Quum in usu profano esset Lyceus vocabatur .	P. xv.
Candelabra Apollinis .	69.
Cereris .	22.
Hecatibus .	97.
Canis Jovi attributus .	30.
Mercurio .	102.
Cantharos Pharos Lucernae .	P. xv.
Caper Marinus .	48.
Mercurio sacer .	102.
Ceres Bacco sociata .	32.
Ejus calathus .	20.
Ejus Lucernae .	20. 21. 22.
Ejus Symbola , & corona spicata .	20.
Cerni Lucernarum .	P. vii.
Chaos Deus , Primogenitus .	4.
Cista mystica .	20. 21. 63.
Cybeles Lucernae .	16. 17. 18. 19.
Eadem Tellus .	16.
Rerum creatarum prima .	Ibid.
Eadem ac Materia primigenia .	Ibid.
Quo sensu tellus ante Caelum existisse dicatur .	Ib.
Cycindela quid .	P. vi.
Caeli imago , ejusque Symbola primum pro- dita .	7.
Coemptio in nuptiis quid .	38.
Comaedia .	76.
Conchae , & carum significatio .	51.
Corona in sinu Jovis .	28.
Poetarum .	78.
Spicea .	20.
Ex Lauro .	83.
Radiata .	Ibid.
Cornucopiae Cereris .	31.
Crater Lucernae quid .	P. vi.
Cretae examinantur Aretina , Cumana , Aegyptia , Perusina , Pisauensis , Romana , Urbevetana .	P. x.
D	
Dacica trophyae .	26.
Dali quid .	P. xii.
Daps quid , ejusque facienda ritus .	31.
M	Del-

Delphines Neptuno Sacri . 42.	Apolini . 88.
Delphinus Arionis . 50.	Delphinus Machina militaris . 45.
Delubrum unde dictum .	P. xiiii.
Dendrophori .	17.
Deus Maximus , ejusque inscriptio .	1.
Diana cum Junone confusa . 93.	Caelestis , Terrestris , & Infera , ejusque symbola . 97.
97. Cococca . Ibid.	Ephestia , ejusque symbola . 98.
98. Phosphorus . 94.	Venatrix . 69.
eiusque canes .	Ibid.
Diei apud Graecos divisio . 75.	eius spatia totidem lycnis expressa . 83.
Digitus ori admotus praecantum gestus .	1.
Dii Mares . & Feminae .	2. Sacrificantum gestu effici . 1. 2. 17. 19. 90.
Dicas Lucernae quid P. vi.	Ejusque ornamenta . Ibid.
Domitiani Aug. officinae Lucernariae .	P. viii.
Dotis symbolum Assis .	38.
Dracones Cereris .	20. 21.

## E

Ellychnum Lucernarum quid .	P. vi.
Ennosigaeus Neptunus .	42
Ethimon Candelae .	P. v. Cerni P. viii.
Cococce Diana . 96.	Delubri . P. xiiii.
Diana . 93.	Fani . P. xiiii. Horarum . 75.
Jani . 4.	Hilthyiae . 93.
Laternie .	Lampadis . P. v.
P. iv.	Laternae . P. v. Lycni .
Monetae . 41.	Papilo . P. vi. Pegasi . 80.
Sabazii . 24.	Septimanae . 15.
Stilbon .	Stilbon . P. viii.
Etrisci Lucernas quando habuerint .	P. iv.
P. xvii.	
Eugubii sepulcretum .	P. xvi.

## F

Fanum unde dictum .	P. xiiii.
Far in nuptiis Veterum .	37.
Farselli Mapphaei Archiepiscopi Ravennatis laudes .	30.
Ferula in Jani capite .	4.
Figulorum sigillatorum officium P. viii. P. xi.	

## G

Ganymedes in Lucerna .	18.
Gemini zodiaci signum in Lucerna .	85.
Equi illis tributi .	Ibid.
Genii Urbium Victoriarum specie .	6.
Romanorum puerili facie , Graecorum , & Thuseorum muliebri .	11.
Publicus cum Pomis Parergh .	1.
Geniae Diana .	95.
Genii Deorum varii in Lucernis expressi Apollinis .	77.
Diana Luciferae .	95.
Jo-vis .	34.
Mercurii .	101.
Minervae ,	67.
Musarum .	82.
Neptuni .	46.
Ginannus Petrus Paullus Monacus Cassensis Ravennas doctissimus , & humanissimus .	30.
Gryphes Apollini Sacri .	79.
In Sepulcris veterum frequentes .	Ibid.

Hecathes candelabram .	H
Hercules Azonius Tuderti cultus .	P. xiiii.
Horae anni tempora .	11.
Earum numerus Ethimon , Symbola , & fructus .	Ibid.
Horarum origo .	II. 75.
Hymenaeus .	38.

## I

Januae illuminatae .	6.
Jani in capite ferula .	4.
Ejus nominis ethimon .	4.
Ejus simulacra Pisauri .	Ibid.
Janus Deus Primigenius .	4.
Deus Aegyptius .	Ibid.
Imagines Deorum in Sepulcris .	P. xiiii.
Imperatores Deorum specie effici .	P. iii.
Infundibulum Lucernarum .	P. vi.
Joles in Bartoli Lucerna male pro Somni simulacro explicata .	8.
Jovannellius Andreas Presbyter Tudertinus memoratur .	P. xvii. I. 80.
Itali Lucernas quando habuerint .	P. iv.
Julia Aug. Veneris specie .	89.
Juno , & Minerva cum Jove Capitolino .	29.
Juno Jugalis .	37.
Lucina .	39.
Moneta .	41.
Jupiter bonorum largitor .	3.
Ejus caput .	22.
Corona quercea .	Ibid.
Barba pexa .	Ibid.
Laurea in ejus sinu .	28.
Ab aquila elatus .	25. 26.
Apotheosis simbolum .	Ibid.
Triumphat de Gygantibus .	Ibid.
Ejus templum .	29.
Sacrificans .	34.
Jupiter Capitolinus .	28.
Custos , & ejus imago .	30.
Altera marmorea Ravennae .	Ibid.
Dapalis , & ejus imago .	31.
Hammon , & ejus fabula .	32.
Serenus , & ejus imago nunc primum prodita .	33.
Inscriptio Jovis Sereni Pisauri recens effossa .	Ibid.
Juvava Philippus Architectus eximius Auditoris hujus operis magister .	29.

## L

Lampas forte Lucerna major .	P. xv.
Unde dicta .	P. v. pro face , & Lucerna usurpata .
	Ibid.
Lampon Sol a luce dictus .	P. v.
Lamptiria & lampadoforia festa .	P. xiiii.
Lares Permarini .	46.
Lares , & Genii quandoque iidem .	Ibid.
Lararia Domestica .	56.
In iis Omnes Dii admissi .	56.
Laterna ejus materia , & ethimon .	P. v.
P. vii. Laterna fictilis reperta in Sepulcro C. Cestii .	Ibid.
Laterna auguralis , & ejus figura .	P. xiiii.
Laurea in sinu Jovis .	28.
Laurus Apollini Sacer .	78.
Leoti Deorum , & eorum forma .	77.
Limbus Lucernarum , & ejus ornamenta .	P. vi.
Lotbos Cereri tributa .	22.

<i>Lucernae Diis accendi solitae. Baccho.</i>	13.
<i>Cereri.</i>	22.
<i>Jano.</i>	5.
<i>Jovi.</i>	24.
<i>Laribus.</i>	13. & 16.
<i>Deae Nocti.</i>	8.
<i>satur-</i>	no.
<i>10. Diis fere omnibus.</i>	P. xiiii.
<i>Lucernarum typi iidem in variis officinis.</i>	6.
<i>Scitissime elaborator.</i>	8.
<i>Earum antiquior for-</i>	<i>ma.</i>
<i>P. viii.</i>	
<i>P. xii.</i>	
<i>Illarum materia</i>	
<i>fusilis,</i>	
<i>cockilis,</i>	
<i>sculptilis,</i>	
<i>metalla,</i>	
<i>marmora,</i>	
<i>argilla,</i>	
<i>vitrum.</i>	P. x.
<i>In se-</i>	
<i>pulcris antiquioribus nullae.</i>	P. x.
<i>Cur</i>	
<i>ornari caeptae.</i>	P. xi.
<i>Ab earum symbo-</i>	
<i>lis,</i>	
<i>&amp; artificio aetas illarum cognoscitur.</i>	P. xii.
<i>Earum quadruplex usus.</i>	P. xiii.
<i>&amp; seq.</i>	
<i>Illarum ingens copia.</i>	P. xiv.
<i>locos sacri ignis adhibitae.</i>	P. xiiii.
<i>Illarum Fictores inter officia Domus Au-</i>	
<i>gustae.</i>	P. xv.
<i>omnia ornamenta illis</i>	
<i>comunia.</i>	15.
<i>Mobiles, pensiles, stabiles,</i>	
<i>seu candelabra.</i>	P. xv.
<i>Lucerna fictilis</i>	
<i>omnium maxima in Museo Arditio P.</i>	xv.
<i>Lucernae Meretriciae P. xv.</i>	
<i>Lucernarum in sacris ratio.</i>	P. xv.
<i>P. xvi.</i>	
<i>Cur Sep-</i>	
<i>pulcris inflatae.</i>	P. xvi.
<i>Sepulcro semel</i>	
<i>illatae nunquam amovebantur.</i>	P. xvi.
<i>Fictiles etiam in optimatum sepulcris.</i>	
<i>P. xvi.</i>	
<i>Usus Lucernarum a symbolis mi-</i>	
<i>nime deduci potest.</i>	P. xvi.
<i>Collectaneae illarum editae, &amp; de eis iudicium.</i>	P. ii.
<i>Origo illarum Fabulosa.</i>	P. iii.
<i>Tempore Noe extitisse creditur.</i>	Ibid.
<i>Ab Aegy- ptiis ad caeteros Populos propagatae</i>	
<i>sunt.</i>	Ibid.
<i>In Italia quando in usu fuerint.</i>	P. iv.
<i>Nomina illarum varia.</i>	
<i>P. v.</i>	
<i>Lucus unde dictus.</i>	P. xiiii.
<i>Luna silens symbolum Apotheosis, &amp; Ae-</i>	
<i>ternitatis.</i>	91.
<i>Lycni quot in Lucernis.</i>	P. xvi.
<i>Lycocautia Aegyptiorum.</i>	P. xiiii.
<i>Lycenucus quid.</i>	P. vii.
<i>Unde dictus.</i>	P. v.
<i>Lyra in Lucerna.</i>	78.

## M

<i>Manibus Lucernae loco ignis sacri.</i>	P. xvi.
<i>Maphaejus Scipio Vir summus laudatur.</i>	
<i>P. iv.</i>	78.
<i>M. Julii Philippi Consulatus.</i>	iii.
<i>in Lu-</i>	
<i>cerna.</i>	29.
<i>Marmora Pisaurensi a Cl. Oliverio illustrata.</i>	
<i>P. i.</i>	
<i>Materia Lucernarum universa expenditur.</i>	
<i>P. x.</i>	
<i>Matronalia in Lucerna representata.</i>	39.
<i>Medusa in Lucerna.</i>	66.
<i>Meniscus Jano attributus.</i>	4.
<i>Mensis in hebdomadas partitus.</i>	15.
<i>Mercurii alae non petaso, sed capiti additae.</i>	
<i>100. Genii illius.</i>	101.
<i>symbola.</i>	105.
<i>Mer-</i>	
<i>curtus negotiator.</i>	103.
<i>Ejus cum Apolline</i>	
<i>de lyra disceptatio.</i>	104.
<i>Mesibes Mithra.</i>	90.
<i>Millenarium Urbis.</i>	29.

<i>Mithra quid.</i>	90.
<i>Moneta Juno unde dicta.</i>	41.
<i>Monetarum trium effigies.</i>	41.
<i>Millenarium Urbis.</i>	29.
<i>Minerva, &amp; Juno cum Jove.</i>	29.
<i>Minervae capita.</i>	52.
<i>53. Etrusco more a</i>	
<i>Romanis facta</i>	52.
<i>Tritonia.</i>	53.
<i>Victoria.</i>	54.
<i>Puerili aspectu.</i>	55.
<i>Mithra quid.</i>	90.
<i>Moneta Juno, &amp; unde dicta.</i>	41.
<i>Monetarum effigies.</i>	41.
<i>Monstra Marina, &amp; eorum pugna.</i>	49.
<i>Morecum in sacris Cybeles.</i>	19.
<i>Musa.</i>	81.
<i>Musarum signa columnae innixa, ita &amp; Ge-</i>	
<i>niit Musarum.</i>	Ibid.
<i>Myxus Lucernarum.</i>	P. vi.

## N

<i>Nasus Lucernarum quid.</i>	P. v.
<i>cur ita di-</i>	
<i>ctus.</i>	Ibid.
<i>Neomaenia a Romanis celebrata.</i>	91.
<i>Neptunus imberbis.</i>	42.
<i>In nummis graecis</i>	
<i>Pisaurensum.</i>	Ibid.
<i>Ejus quadriga, &amp; Del-</i>	
<i>phines.</i>	Ibid.
<i>Noctua Palladis.</i>	65.
<i>Nox Dea culta.</i>	8.
<i>eius nativitas, filii, &amp;</i>	
<i>symbola.</i>	Ibid.
<i>Nummi in Lucernis.</i>	5.
<i>Nummi veteres in practio etiam apud anti-</i>	
<i>quos.</i>	6.
<i>Nuptiae, eorumque ritus, Usu, Farre, &amp;</i>	
<i>Coemptione.</i>	37.

## O

<i>Obcliscolgenus, &amp; ejus forma.</i>	P. vii.
<i>Oliverius Annibal de Abatibus, Patricius Pi-</i>	
<i>saurenis moribus, &amp; doctrina conspicuus</i>	
<i>memoratur.</i>	P. i.. P. viii.. P. xiiii..
<i>not. ii.. Par. i. &amp; alibi frequenter.</i>	
<i>Operculi Lucernarum.</i>	P. vii.
<i>Orarium inter Cereris ornamenta.</i>	22.
<i>Orca, &amp; ejus figura.</i>	6.
<i>Ornamenta cur in Lucernis introducta.</i>	P.
<i>xiv.</i>	
<i>Oromasdes Persarum Deus.</i>	90.
<i>Oromazon.</i>	Ibid.
<i>Offa monstri marini Pisaurum delata.</i>	80.

## P.

<i>Pallas trigemina.</i>	56.
<i>Urbium vestatrix.</i>	59.
<i>Urbium servatrix.</i>	Ibid.
<i>Pacifera.</i>	60.
<i>Con-</i>	
<i>siliaria.</i>	61.
<i>Oplochares.</i>	62.
<i>Ejus cista.</i>	63.
<i>Palladii forma.</i>	64.
<i>quandoque vestiri soli-</i>	
<i>tum.</i>	Ibid.
<i>Panthei origo, nomen, &amp; natura</i>	1.
<i>Pantheae Deae ratio.</i>	2.
<i>Papyrus in Lucernis.</i>	P. vi.
<i>Parentalia Lucernis celebrata.</i>	P. xvi.
<i>Paterae Etruscae in Sepulcris.</i>	P. x.
<i>Pavo Junoni tributus.</i>	40.
<i>facile confunditur</i>	
<i>cum Veterum Christianorum symbolo.</i>	Ibid.
<i>Rega-</i>	

Pegasus , & ejus Fabellae	80.
Peniles Lucernae .	P. vi.
Perusiae Lucernae . P. x. ejus loci argilla .	
Ibid.	
Phoenicia Vasa in Sepulcris Senoniacae . P. x.	
illorum ignoti characteres .	Ibid.
Phaeton sol in sacris samothracum . P. xiiii.	
Pharus Cantharus Lucerna .	5.
Phlogmus in Lucernis .	P. vi.
Pinus in Cybeles Sacris .	18.
Pisaurenses antiquitates memorantur . P. i.	
P. xiii. 4. 8. 10. 11. 15. 42.	94.
Pisaurensis argillae examen .	P. x.
Pisces votivi .	44.
Planetarum in Terram potestas .	5.
Primiciae Diis libatae .	20.
Primogenitus Deus . 4.	16.
Prototypi Lucernarum a quibus , & quomodo fabrefacti .	P. viii.

## Q.

Quidrigae Neptuni . 42.	Apollinis . 75.
	Ea- rum significatio .
Quinquaria Minervae .	52.

## R.

Religio Lucernarum unde originem duxerit .	
P. xvi.	
Roma in solemnis tota illuminata .	P. xiv.
Romanae cretae examen .	P. x.
Rundula Antonius laudatus . P. i. & viii.	
Rubrica in Lucernis qua ratione indita . P. x.	

## S.

Sabazia sacra . 24.	Sabazius unde .
Sacrificia Inferorum .	Ibid.
Scutella Ludorum saecula- rium .	35.
Mercurii .	101.
39. Neptuni .	44.
Saturnus in Lucernis . 9. 10.	Ejus symbola ,
& officia .	Ibid.
Saturnaliorum Solemnia .	Ibid.
Scutella etiam pars candelabri .	P. viii.
Sceptrum Deorum , & ejus significatio .	29. 30.
Scenae schema .	76.
Scelly monstrum Latinis , Etruscis , Graecis ,	
& Phoeniciis notum .	47.
Senecae locus forte corruptus .	24.
Septimanae unde dicta .	15.
Sepulcrea Etrusca , Perusina , Tudertina , Eu- gubini .	P. xvii.
Sepulchalium Lucernarum ratio .	P. xvi.
Servi custodes Sepulcorum .	P. xvi.
Sigilla Lucernarum quo instrumento in Lucer- nis impressa .	P. ix.
Simulacula Deorum fictilia .	56.
vestiri solita .	64.
Solis motus proprius in Lucerna indicatus .	

14. Ejus & Lunae in Terram potestas .	14.
Aries cur illi attributus .	17.
Ejus quadri- gae .	75. & 85.
Solis , & Lunae capita juga- ta .	88.
Ejus , Martis , & Veneris capita .	

89. Sol tunicatus . 84.

Sponsa ante focum privatorum larium . 13.

Stellarum magnitudo a radiorum numero distin-  
cta . 7.

Strenae etiam ex Lucernis dari solitae . 5.

Illarum symbola . 6.

Stuppa in Lucernis . P. vi.

Stylba quid . P. vii. & xiii.

Subscriptiones Lucernarum , earum ratio , &  
significatio . P. ix.

Summis pedibus stantes Deos adorabant Veter-  
es . I.

## T.

Taras Urbis nomen , non Dei .	42.
Taurus Caelestis .	84.
Tedae Cereris .	20.
Tegulae antiquissimis characteribus scriptae .	
P. vi.	

Tellus Dea . 4. 7.

Templum Jovis Capitolini . 29.

Templa Deorum fideliter a Sculptoribus expre-  
sa . 29.

Terra communis omnibus Diis . 14.

Testa pro Lucerna . P. x.

Tindarus Plotinae Aug. libertus figulus . 31.

Tragaedia quomodo expressa in anaglifo . 76.

Triallis quid . P. vi.

Tridens Neptuni . 44.

Triton pugnans . 43.

Triailis in Lucernis quid . P. vi.

Tripus Apollinis . 75.

Trophaeum Dacicum . 26. Piscatorium . 44.

Navale . 45.

Tudertinae antiquitates . P. vii. P. xiii. P.

xvi. i. 80.

Tutela Navis , Tutela Ruris . 33.

Typi Lucernarum a quibus fabrefacti . P. viii.

Typi Vitrei ad aedes , & Theatra ornanda . 76.

Typographica ars a Romanis inventa . P. ix.

## V.

Vesta quid 12. quotuplex .	Ibid.
Vestalis sacrificans .	13.
Vestidores simulacrorum .	74.
Victoria multifariam picta . P. 3. Sedens Ge- nium urbis repraesentat . Ibid. Circensis quo- modo picta .	Ibid.
Virtus Augustorum quomodo expressa .	Ibid.
Vitrea opera quo artificio elaborata . I. 5.	
Urbevetanae argillae nigrae inquisitio . P. x.	
Usus in Nuptiis quid .	37.
Vulpecula , & Lignarius .	P. 2.







